

NATIONAL ASSEMBLY OF SEYCHELLES

Wednesday 25th October 2023

The Assembly met at 9am

National Anthem

Moment of Reflection

Mr Deputy Speaker in the Chair

MR DEPUTY SPEAKER

Mon ava dir bonzour tou bann Manm Onorab, Sekretarya Lasanble Nasyonal e gran piblik ki pe ekout nou. Byenveni pou travay Lasanble Nasyonal sa Merkredi le 25 Oktob. Nou annan en *welcome* spesyal pou bann zenn ki avek nou ozordi, sorti kot Konsey Nasyonal Lazenes.

E mon mazinen zot bann etidyan ki an *Youth Assembly*, akoz zot *uniform* ki mon war zot ladan - sa liniform ble. I korek? *Welcome to the National Assembly.*

E zis parey mon ti fer yer ler bann etidyan segonder Perseverance ti la. Mon ti demann bann Manm pou nou egzers en nivo disiplin pou montre legzanp nou bann zenn envite ki dan Galeri ozordi. E mon pou demann menm zafer ozordi.

Dan konteks *Communication from the Chair*, i annan 2 pti pwen mon anvi tous lo la. Dabor lo non Lasanble Nasyonal koman en Lenstitisyon, mon oule prezant senpati a lafanmir Mrs Margaret Woodfield Pouponneau. Akoz mon pe fer sa, akoz Mrs Pouponneau ki'n desede, i dimoun pli aze dan Sesel, 111 an e setadir en trezor nasyonal ki pei in perdi.

Alor mon krwar i apropriye ki nou Lasanble i zwenn ansanm pou prezant kondoleans e senpati pou lafanmir. Mrs Pouponneau, ne dan distrik Anse Royale an 1912. E apre i reste laplipar son letan. Son lavi Semen Serret, St Louis.

I ti en madanm ranpli avek karakter, avek zistwar. E tou dimoun ki'n krwaz son semen, sertennman i santi zot sanse ki zot in konn li dan zot lavi. Alor, ankor enn fwa senser kondoleans lo lapar Lasanble Nasyonal.

E lot pwen ki mon oule koz lo la, se fason ki nou'n travay. Yer, mon krwar nou'n travay dan en fason byen annord e efikas konsantre. Mon pou egziz menm fason travay ozordi. Nou'n etablir en formil kot lo *Bill* letan premye entervenan pe koze, dimoun ki oule

entervenir, Manm ki oule entervenir i ava endike.

Menm zafer letan nou pran Mosyon. Ler sa dimoun ki segonde pe koze, Manm ki oule entervenir i koze akoz, apre nou ferm lalis pou nou kapab konnen kantite nou annan, nou balans letan. Donk, mon swete ki nou kapab fer sa travay annord ozordi.

E avan ki nou pas lo *First Reading*, mon oule zis donn laparol Onorab Wavel Woodcock, ki *Chairman Komite Medya, Lazenes ek Sport e Kiltir*, pou dir en pti mo *welcome*.

Akoz se zot ki'n organiz sa vizit pou SNYC koman parti 30enm laniverser selebrasyon Lasanble Nasyonal. Mersi.

HON WAVEL WOODCOCK

Mersi Mr Speaker. Bonzour Mr Speaker, tou Manm. Tou bann zenn Onorab e tou dimoun a lekout. Mr Speaker, i fer mwan gran plezir de lapar Komite Medya, Lazenes, Spor avek Kiltir (*MYSCC*) pou swet labyenveni bann zenn Onorab Lasanble Lazenes Sesel a lokazyon nou 30enm *Anniversary outreach activity 2023*.

E en *welcome* spesyal pou zenn Onorab Said Lesperance, pli zenn *Speaker* dan listwar

Lasanble Lazenes ki sorti Praslin Segonder. E osi zenn Pralinwa Camilla Cupidon, ki sorti dan distrik Grand Anse Praslin, ki dayer son papa ti en ansyen Manm Lasanble Nasyonal Mr Onorab Francis Cupidon.

Pli tar dan lazournen nou Komite, pou ganny sa loportinite pou enterakte avek zot. E osi fer plizyer prezantasyon lo travay ki Lasanble i fer. Travay ki Sekretarya Lasanble i fer, e travay osi ki *MYSCC* i fer.

Mon pou envit tou bann Manm pou *join* nou pou enterakte avek zot pli tar. Mersi bokou.

MR DEPUTY SPEAKER

Mersi, Onorab Woodcock. Mon'n war lanmen Onorab Cosgrow anler. Ou ava endik mwan si ou pe *raise en point of order or en matter of privilege*. Mersi.

HON WALLACE COSGROW

Mersi Mr Speaker. Bonzour tou dimoun; bonzour tou zenn dan galeri. Byenveni dan Lasanble Nasyonal. Bonzour tou Manm e tou dimoun ki pe ekoute.

Mr speaker, bomaten mon'n lev mon lanmen pou mwan demann ou en *matter of*

privilege. En matter ki arise la bomaten.

MR DEPUTY SPEAKER

Hold on Onorab. Si in arise la bomaten, eski i la dan Lasanble?

HON WALLACE COSGROW

Yes.

MR DEPUTY SPEAKER

Dan Lasanble la?

HON WALLACE COSGROW

Baze lo sa ki ou'n dir Lasanble Mr Speaker.

MR DEPUTY SPEAKER

Ok.

HON WALLACE COSGROW

Ok. Mr Speaker. Baze lo sa ki ou'n dir bomaten, an sa ki konsern lafason ki Lasanble i prosede. E Lasanble i mars lo serten lord avek serten gidans, parey ou'n set yer, ou'n dir.

Mwan mon matter of privilege an relasyon avek sa bann gidans e ki mannyer keksoz i marse. An relasyon avek nou PNQ yer ki ti ganny anmennen par Leader Lopozisyon...

MR DEPUTY SPEAKER

Non. *Hang on -hang on -*

HON WALLACE COSGROW

Non-non, be...

MR DEPUTY SPEAKER

...si i konsern PNQ ki'n pase depi yer, ou ti'n merit enform mwan avan.

HON WALLACE COSGROW

Be i konsern...

MR DEPUTY SPEAKER

Non-non-non. Non.

HON WALLACE COSGROW

I konsern prosedir. Ou ki'n koz lo prosedir bomaten.

MR DEPUTY SPEAKER

Hang on, hang on. Sa ki mon pe koz lo la, sete a relasyon avek Prozedlwa e Mosyon. Nothing to do with the PNQ. If you wanted to raise a matter of privilege on PNQ, parey Standing Orders i fer provizyon, ou ti'n merit vin vwar mwan avan Lasanble, pou ou dir ek mwan ou pou raise sa matter. So, mon...

HON WALLACE COSGROW

Mr Speaker, mon ti napa okenn nide pou vin sa. Me ou ki'n komans sa bomaten!

MR DEPUTY SPEAKER

Mersi.

HON WALLACE COSGROW

Ou ki'n raise sa matter. E mwan mon'n deside la bomaten...

MR DEPUTY SPEAKER

Onorab! Onorab! Mon'n eksplik ou, pwen ki mon'n leve bomaten lo formil ki nou'n etablir, i ti konsern Prozedlwa avek Mosyon, pou mwan konnen lekel ki pou koze, se tou.

Napa naryen pou fer avek *PNQ*. *If you are raising a matter of PNQ, ou ti merit vin vwar mwan avan. Se tou, so, nou pa pe proceed lo la.*

HON WALLCE COSGROW

Mr Speaker, Mr Speaker...

MR DPEUTY SPEAKER

Non, ava aprezan demann... non, nou pa pe *proceed*.

HON WALLACE COSGROW

Non, be ou bezwen ekout mwan!

MR DEPUTY SPEAKER

Mon pe demann madanm rapporter pou kri *panel*. Minis pou prezant *Bill*, silvouple. Mersi.

HON WALLACE COSGROW

Nou pa kapab kontiny koumsa. Ou bezwen ekout mwan.

(murmurings off-mic)

MR DEPUTY SPEAKER

An atandan ki nou pe esper *panel* antre. Mon ti ava demann Madanm Deputy Clerk pou fer *First Reading* bann *Bill* ki lo nou *Order Paper*. Mersi.

MADAM DEPUTY CLERK

Mersi Mr Speaker, bonzour. Bonzour tou bann Manm Onorab, tou bann staff Sekretarya. E bann Manm Lasanble Lazenes.

Bann *Bill* pou *First Reading* i comme suivant;

This Act may be cited as the Miscellaneous (Amendment) Act, 2023. E

This Act may be cited as the Mutual Assistance in criminal Matters (Amendment) Act 2023. Mersi Mr Speaker.

MR DEPUTY SPEAKER

Mersi Madanm Deputy. Mon ava swet labyenveni *panel* ki fek zwenn nou, dirize par Minis pou Zafer Entern, Mr Errol Fonseka. I akonpannyen par 3 zofisyé ki tou i lo *Minister's Table*. Sa i Asistan Komisyoner pou Lapolis Mr Ned Wirtz. Osi Assistant Komisyoner Lapolis Mr Antoine Denousse avek Assistant Principal Legislative Drafter Manmzel Donna Muganhiri. *Welcome to the National Assembly.*

E nou pou *proceed* avek nou *Order Paper*. E mon ava *request LGB*, pou *proceed* avek *Second Reading for the Bill* silvouple.

Hang on, mon war 3 lanmen anler. Ou ki pou pran *Bill? Matter of privilege* ki'n arise. *Leader Lopozisyon, proceed* avek ou *matter of privilege*.

HON SEBASTIEN PILLAY

Mersi Mr Speaker. E bonzour Mr Speaker. Bonzour tou koleg Onorab. E bonzour tou bann etidyan, bann Manm Lasanble Lazenes.

Mr Speaker, bomaten ou'n dir ek nou koumsa poudir Lasanble i bezwen konport li dan en fason ki montre sa bann zenn Onorab, ki mannyer nou devret konport li. Eski sa konportman i aplik pou ou osi sa?

Akoz en Manm pe demann ou pou klarifye en *matter of privilege*, ou pa pe kapab donn li lendilzans pou li fer sa ki i bezwen fer? *But at the same time* ou oule ki nou konport nou dan en fason ki *befit* en Lasanble Nasyonal.

So, petet sa ki mon ti a kontan demann ou Mr Speaker, anliny avek sa ki ou'n fer bomaten - e lefe ki yer mon ti annan en *matter of privilege* ki

ou ti *rule* dan mon labsans. Mon ti a demande ki *both the Chair*, e osi Manm, nou konport nou dan en fason ki *befit* sa ki sa bann Manm i ekspekte war dan en Lasanble Nasyonal.

Akoz ou yer ou'n fer en lenterpretasyon Lalwa, dan labsans okenn konesans legal, ki mon ti ekspekte ki ou ti ava *at least* demann Attorney Zeneral pou donn ou en *legal advice to* en Lalwa ki ou koman Speaker dan *chair*, e osi Sekreter Zeneral LDS ki'n *provide* nou avek lenformasyon koman Sekreter Zeneral LDS. So, mon krwar i aplik lo tou lede kote sa zafer konportman.

Mon ti a kontan met sa devan ou, e petet demande ki nou ganny lendilzans *the Chair* osi an sa ki konsern konportman dan Lasanble Nasyonal. Mersi bokou.

MR DEPUTY SPEAKER

Mersi Onorab. I pa en *matter of privilege* ki kalifye. Akoz *you are questioning* konportman Speaker, ki *Standing Order* i dir ou, ou bezwen fer li atraver en Mosyon. So, mon pe *dismiss* sa ki ou'n dir, nou pa pe aksepte.

Onorab Loze, mon vvar ou lanmen anler?

HON JOHAN LOZE

Bonzour Mr Speaker. Bonzour tou koleg Manm, e tou dimoun a lekout. E tou bann Manm Lasanble Nasyonal, Lazenes dan Galeri ozordi.

Mr Speaker, mon *matter of privilege* mwan, i konsern sa ki ou'n dir konsernan ler nou pou koze ozordi.

Mon privilez koman en Manm Lasanble normalman se ki, e mwan mon en dimoun ki koz lo mazorite *Bill*. Mon koz lo tou *Bill*. Mon ekspekte ki mon lev mon lanmen a en moman ki mon santi mwan pare, kapab e anvi koze.

Me la ozordi mon tann ou pe dir en zafer ki ler premye Manm i koze, nou tou nou bezwen lev lanmen.

Mon pe sey - mon pa ti la yer ler sa in evolye. Mon pe sey *figure out what that is about* e ki mannyer i enpakte mon privilez koman en Manm Lasanble Nasyonal, pou mwan egzers reprezantasyon pou bann Manm sa parti politik, ki'n vote pou met mwan la dan sa Lasanble. Mersi Mr Speaker.

MR DEPUTY SPEAKER

Mersi Onorab Loze, pou ou *matter of privilege* ki ou'n leve. Anba *Order 101* pou *General Authority of the Speaker*, i fer provizyon ki Speaker i annan

pouvwar pou *regulate conduct of business of the Assembly*.

Now, ozordi nou annan bann Prozedlwa, apre nou annan nou en Mosyon. I mon responsabilite pou mwan fer sir ki nou fini avek nou *Order Paper*, as in *Order of Business* ozordi.

Aprezan, si parey ou'n dir ou annan lentansyon koze. Setadir mon pe *assume* koman en Manm ou pou'n prepar swa ou lentervansyon in fini ekrir ouswa ou bann *bullet points*, e ou konnen ou pe al koze.

So, pou nou kapab manage letan, mon pe demann bann Manm poudir letan sa premye dimoun lo *Floor* i entervenir, zot endike ki zot pou koze.

Then mon konnen konbyen Manm. Mon kapab kalkil letan ki *Standing Order* i donn mwan sa *power* pou set the time, ki en Manm pou entervenir. Koumsa pou mwan kapab manage letan, e fini dispose of business of the Assembly ozordi.

Mon swete ou konpran where I am coming from, ki fer ki mon'n set sa formil, pou nou kapab travay pou sa Merkredi. Mersi.

HON JOHAN LOZE

Mr Speaker, mon krwar ti a meyer si le 2 *Whips* ti ava endik avek ou konbyen Manm i annan lo sak kote pou koze. Nou *Whip* i dir ou i annan 4 Manm, i annan 1 Manm ouswa 2 Manm. Ou setletan, e si *the intention* se zis pou *set letan the 2 whips* i dir ou konbyen Manm i annan pou koze.

Akzo la *it is something else* la. Sa zafer lev lanmen boner pou ou plas Onorab Woodcock pou koz zis apre mwan, *this is something entirely different*.

MR DEPUTY SPEAKER

Onorab Loze, sa ki ou pe dir i pa annord. Nou pou *proceed* aprezan, avek nou...

HON JOHAN LOZE

I pa annord ler ou fer li tou Mr Speaker! Mersi.

MR DEPUTY SPEAKER

Donk, mon pou envit. Mon pe envit... 101 - *point of order*.

HON SEBASTIEN PILLAY

Mersi Mr Speaker. Mr Speaker, i annan en keksoz ki drol ki pe arive dan Lasamble. 101 i dir ou *regulate the conduct of business in Assembly*, pou bann keksoz ki pa ganny *provided* anba *Standing Order*. Ki pa ganny *provided* anba *Standing Order*.

So, ki mannyer ou pe fer bann lezot Lalwa? Larestan keksoz i ganny *provided for the Standing Order. Manage* letan Lasamble, yes, it is the *prerogative* nou respekte sa.

Be an sa ki konsern sa ki Onorab Loze in dir, mon ti a kontan ganny li kler si *whether or not* ou pa pe *overstep* ou lotorite.

Akoz *Order 101(1)* i kler. Sa ki donn ou *general authority*, i dir ou *general authority in relation to keksoz*, “*not provided for in disorders*”. So, mon ti a kontan nou kler lo kwa egzakteman ki pe arive. Mersi.

MR DEPUTY SPEAKER

Mersi. *Not provided for by this Standing Orders*. Mon ava re eksplik zot. Ozordi nou annan en Prozedlwa, avek en Mosyon ki mon anvi nou fini tou lede. *Standing Orders* pa dir nou poudir nou bezwen fini nou, nou *Order of Business*. So, “*not provided for*”, mwan mon anvi fini li. So, *what I want to do*, mon anvi fini nou travay. Ok?

So, aprezan anba 101 - anba 101 mon pe demann bann Manm pou korpere pou nou kapab travay avek efikasite. Korpore pou nou travay avek efikasite.

So, ler la mon'n dir ki letan sa premye entervenan pe koze

lo Bill ouswa lo Mosyon sa dimoun ki pe segonde, tou dimoun ki anvi koze, zot endike ki zot le koze. Mon konnen konbyen i annan en mon *set the time*, pou nou kapab fini *dispose of the Order Paper by 5pm today.*

Eski nou kapab tonm dakor lo la silvouple, koman bann adilt responsab, ki'n *turn up* Merkredi le 25 Oktob pou vin travay? Eski mon kapab ganny korperasyon sa Lasanble Nasyonal lo sa pwen? Mersi. Mon war lanmen *LGB* anler.

HON BERNARD GEORGES

Mersi Mr Chair. Mr Chair, *at the risk of prolonging this business* ozordi, mon oule *raise en matter of privilege*. Mr Speaker, mon privilez koman en Manm Lasanble ki'n ganny elekte 4 fwa dan en distrik...

(APPLAUSE)

HON BERNARD GEORGES

...mon santi i ganny abize tou le semenn par 3 Manm Lopozisyon ki pa'n zanmen debout dan okenn distrik pou zot rapport en eleksyon!

(APPLAUSE)

HON BERNARD GEORGES

E la bomaten zot fer egzakteman parey. I annan 3 Manm ki pa'n zanmen annan kouraz pou zot al *stand* dan en eleksyon, ki pe met otaz 25 Manm ki'n debout e ki'n ganny elekte isi dan sa Lasanble Nasyonal!

Nou privilez-nou privilez koman en Manm Lasanble Nasyonal, malgre ki mon rekonnet ki napa distenksyon ant Manm proporsyonnel avek Manm ki'n ganny elekte direkteman, mon santi ki semenn apre semenn i la bomaten, nou privilez koman en Lasanble ki anvi travay pou Lepep Seselwa, pe ganny abize par en bann Mosyon *point of order*, avek *matter of privilege* ki pa fer okenn sans. E ki zis la pou retard travay Lasanble! Mersi.

MR DEPUTY SPEAKER

Mersi Onorab pou sa ...

(APPLAUSE)

MR DEPUTY SPEAKER

Lefe ki in lev en *matter of privilege*, e mon ava dir, lentansyon ki mon'n set sa formil travay, se pou nou kapab travay avek efikasite pou ozordi. E mon pe senpleman demann Lasanble Nasyonal koman bann adilt responsab

ki'n *turn up* pou travay ozordi, pou nou korpere pou nou fer sa.

So, son matter of privilege i pe demande ki nou agree. Annan en formil travay nou fer li nou al dan lakour 5er. So, mon ti ava egzize ki nou fer sa. Akoz i annan travay devan nou. Onorab Loze mon war ou lanmen anler, ou pe raise en point of order? Ou pe...

HON JOHAN LOZE

Mr Speaker, mon ti'n *raise en matter of privilege* ki ou ou'n klarifye. Mon krwar sa ki mon'n leve in donn ou en sans klarifye e reset ou pozisyon, konmkwa ou pe *seek corporation of members*. A

koz ler mon ti'n tann ou premye fwa, mon ti'n ganny lenpresyon ou pe enpoz en keksoz lo nou. Ou'n klarifye ou lekor. Si mon *matter of privilege* ki mon'n *raise* in permet ou *from the Chair, to clarify your position*, akfer ki Onorab Georges i kapab asize, maltret mwan koman en Manm proporsyonnel *provided for par Konstitisyon Sesel?*

E ou'n les li asize maltret son bann koleg Lasanble, *even the Speaker is elected proportionally in this Assembly. So, what was that about?*

MR DEPUTY SPEAKER

Mersi Onorab. Mersi Onorab. Zis parey zot, zot in annan en *right to raise en matter of privilege*, Onorab Georges osi in annan en *right* pou *raise en matter of privilege*.

E parey ou pe...

(*Interruption*)

MR DEPUTY SPEAKER

Onorab i pa'n.... pa bezwen pran li koman en maltrete, politisyen i koz koumsa. Akoz zisteman *Leader of the Opposition* li osi in ensilte mwan bomaten. Mon ti kapab dir koumsa. Me solman mon pa pe fer.

*So, this is politics, me sel keksoz ki mon'n demann zot nou'n *turn up* pou travay, annou travay.*

Me pli enportan bomaten mon'n demann zot *show a bit of respect and discipline*, dan prezans sa bann zenn dimoun. Mersi.

Aprezan mon a demann *Chief Whip LDS* pou li fer *Motion for Second Reading of the Bill, please. Thank you.*

HON SANDY ARISSOL

Mersi Mr Speaker. Bonzour Mr Speaker. Bonzour Minis avek ou lekip. Bonzour tou bann zenn dan Galeri, avek bann dimoun ki'n akonpanny zot.

Bonzour tou bann Manm Lasanble Nasyonal. E bonzour tou bann dimoun ki pe ekout nou.

Mr Speaker, parey nou *Standing Order* i fer provizyon, anba *Order 69(2)* mon oule move ki *Bill Prevention of Terrorism (Amendment) Bill, 2023, Bill 17* i ganny lir en Dezyenm Fwa. Mersi.

MR DEPUTY SPEAKER

Mersi Onorab. E lekel ki pou segonn Mosyon? Onorab Hoareau?

HON JOHN HOAREAU

Bonzour Mr Speaker. Bonzour tou dimoun a lekout. Bonzour Minis ek ou delegasyon. Mon annan gran plezir pou mwan segonn sa Mosyon. Mersi.

MR DEPUTY SPEAKER

Mersi Onorab. Aprezan mon ava envit *Minister* pou *Internal Affairs*, Mr Errol Fonseka pou entrodwir son *Bill silvouple*. Mersi.

MINISTER ERROL FONSEKA

Mersi Mr Speaker. Mr *Leader Lopozisyon, Leader of Government Business*, tou bann Onorab, tou bann dimoun a lekout; byensir nou bann lazernes lo balkon anler, byenveni.

E Mr Speaker, zis avan mon komanse, mon oule osi swiv dan ou prononsan nou gran sagrinasyon ki Mrs Pouponneau in kit nou ozordi. E byensir ozordi i en vre selebrasyon lavi en dimoun. Akoz sa Mrs Pouponneau, mon konn li petet mon ti annan 7 an ler mon sorti Mont Fleuri pou viv Semen Serret.

Dan sa lepok ti napa okenn semen laba, ti en santye dan parmi prindefrancs. E Mrs Pouponneau ti nou vwazen, e byensir nou ti fer en kantite zafer.

Me Mrs Pouponneau, i sa dinyite ki i kit deryer ek nou. E sa bann valer ki dan sa lepok ti annan bokou dan nou pei, ki ozordi nou pe manke.

E dan sa bann moman ki ler dimoun i kit nou, mon krwar i enportan pou reflesir lo sa bann valer ki ozordi nou bezwen nou tou vin ansanm, pou anmennen dan nou pei bann valer disiplin, lonnekete, e tou bann zafer lo lafanmir ki sa Madanm in propaze dan Semen Serret.

Alor avek sa Mr Speaker, en gran nou pe pans lafanmir Mrs Pouponneau ozordi. E byensir, nou pou war zot pandan sa semenn.

Ok, Mr Speaker, mon a vir back to the business of the day.

Mr Speaker, koman Minis responsab pou Zafer Entern, e osi *portfolio* lapolis, mon prezans isi devan Lasanble, se pou prezant avek zot serten lamannman, ki nou bezwen fer avek nou Lalwa ki konsern *terrorism*.

An prenon kont bann dernyen diskisyon ki Lafors Lapolis in annan avek *ESAAMLG* an Avril e Out sa lannen.

Zot pou rapel ki mon'n deza oparavan, prezant plizyleres lamannman, konsernan tel diskisyon. E ankor enn fwa mon prezant en lot lamannman pou ankouraz diskisyon neseser, e demann laprouvasyon Lasanble.

Mr Speaker, mon oule soulinyen ki *Cabinet* bann Minis ti donn zot laprouvasyon lo sa bann lamannman le 23 out 2023.

Sa i montre langazman ou Minister, Lazans Lafors Lapolis bann Sekter Konsernan, e osi Gouvernman lo sa size tre enportan pou nou pei Sesel.

San tarde, pou demonstre lenportans e baz lamannman sa Lalwa avek nou Lasanble, dabor permet mwan pou souliny sa bann pwen kle swivan.

Dan bann lannen oparavan, dan mon

prezantasyon konsernan sa bann, sa menm Lalwa ki ozordi mon pe retour devan zot pou demann zot laprouvasyon pou amande, mon ti eksplik zot ki an Septanm 2018, Sesel ti fer fas avek en seri evalyasyon, par en group rezyonal koni koman *Eastern and Southern African Anti-Money Laundering* - an kourt *ESAAMLG*.

Mon oule osi fer zot rapel ki Sesel i form par sa group rezyonnal. Koman son rol prensipal, *ESAAMLG* i sirvey lenplimantasyon bann rekomandasyon, ki ganny enpoze par *FATF* - *Financial Action Task Force* dan larezyon.

Koman en Manm *ESAAMLG*, Sesel i bezwen fer sir ki bann evalyasyon ki ganny fer swivi par sa zot rekomandasyon, i bezwen ganny onore par Sesel.

Si non Mr Speaker, nou riske fer fas avek reperkisyon, tel ki bann labank i perdi zot bann *correspondence facility*; lenpak lo enportasyon ki Sesel i fer zis pou nomm enn de.

Dan zot evalyasyon, *ESSAMLG* in fer en rapor ki ti rekomande ki Sesel, i fer plizyler sanzman ek serten Lalwa ki annan pou fer avek *terrorism* e blansisaz larzan.

Zot ti fer resorti ki i neseser pou met mezir adekwa,

oubyen en lankadreman legal an plas, pou konbat sa bann tel krim. Swivan sa, Sesel in annan plizyer rankont avek sa group, dernyen ti an Out sa lannen.

Sesel in ganny donne en dele letan pou met an plas Lalwa, e fer sanzman neseser pou konplimant sa bann rekomandasyon ki *ESAAMLAG* in fer.

I enportan note, ki pou annan en revi lo langazman Sesel an Avril 2024. Kot serten swivi pou ganny fer lo bann travay ki Sesel in fer. E osi zistans ki Sesel in arive, pou rektifye son bann Lalwa pertinan konsernan *terrorism*.

Savedir, i enportan ki sa bann tel lamannman i ganny fer e ganny anvoye kot sa group pou Sesel kapab diskrit lo la, pandan *meeting* ki ekspekte ganny fer an Avril 2024.

Mr Speaker, nou Lalwa lo *terrorism* i date an 2004. E son bann rekomandasyon i date lannen 2015. Parey mon'n mansyonnen pli boner, e osi sak fwa ki mon'n raport devan sa Lasanble, sa bann Lalwa i nesesit serten sanzman.

Par egzanp dan sa ka la bann lamannman neseser pou adres serten bann defayans ki nou'n annan. E pe fer fas avek an pratik, e osi bann ki *ESAAMLG* in fer resorti dan zot

Evalyasyon 2018 pou met Sesel an konformite ek bann norm ek obligasyon enternasyonal.

Mr Speaker, sa bann lamannman ki mon pe prezant devan nou Lasanble ozordi, i bezwen ganny fer pou mentenir stati Sesel lo nivo enternasyonal. I osi enportan ki nou reviz sa Lalwa, ki fer ki bann definisyon i anliny avek bann definisyon ki dan sa nouvo Lalwa pou blansisaz larzan.

E osi koriz okenn fot gramer ki ganny idantife dan Lalwa e osi dan bann lamannman ki ganny fer oparavan.

Mr Speaker, permet mwan nonm sa bann lamannman e koreksyon mo e gramer, ki nou pe demann zot sipor lo la.

Mr Speaker, mon a komans pran sa bann bout en pti pe pli lantman la, pou nou kapab al lo sa bann amannman.

Premyerman, kot i konsern definisyon *Terrorist Act*, lamannman ki pe ganny propoze i pou retir sou seksyon 9 dan seksyon 2 sa Lalwa. Mr Speaker, sa i akoz lentansyon se pou separ definisyon en *act of terrorism* ek finansman *terrorism*. E sa i zis en *deletion* ki bezwen ganny fer lo *definition sections*.

Lot amannman i en koreksyon gramer dan seksyon 3 sa Lalwa dan souseksyon 1(a)(4), pou konpletman tir sa mo “facilitate” e ranplas li avek mo “facilitated”.

Mr Speaker, en lot lamannman ki pe ganny propoze fer i ganny trouve dan seksyon 5, souseksyon 3. Sa tel amannman pe propoze ki mo “terrorism” i ganny retire konpletman, e ganny ranplase avek mo “terrorist”.

Dan seksyon 12 Mr Speaker, propozisyon pou retir mo “provides” e ranplas avek “provide”.

Lot lamannman ki pe ganny propoze, i ganny trouve dan seksyon 15(a). Mr Speaker, propozisyon. Propozisyon se ki mo “knowing” i ganny tire e ranplase par mo “knowingly”.

Mr Speaker, lamannman swivan i annan pou fer avek definisyon “biological weapons” e “chemical weapons” dan seksyon 20(b), 20(b).

Baze lo definisyon ki nou ti annan dan nou Lalwa. *ESAAMLG* in fer resorti ki sa bann tel definisyon sa 2 term, pa neseserman kouver tou laspe bann definisyon ki *FATF* i rekomannde nou annan. I neseser savedir pou ranplas sa definisyon an antye, avek

definisyon ki pe propoze dan clause 7 sa *Bill*.

Mr Speaker, en lot lamannman ki nou bezwen fer i ganny trouve dan seksyon 20(d). 20(d) nou Lalwa, propozisyon se pou fer lamannman sou seksyon 3(d) pou retir sa let “e, e a” akoz i annan en *extra one* la. Avan mo “terrorist or” swivi par *the paragraph* souseksyon 3 pou retir mo “a” apre mo “by”.

E dan souseksyon 3(4) pou retir “a” *again* apre mo “of” lamannman swivan dan sa bann seksyon. Me trouve dan seksyon 20(d), souseksyon 3(2) paragraf 2 savedir *delete* limero 2 se pou retir mo “on behalf of” e ranplas li “on behalf off or”.

Pou konkliir Mr Speaker, mon oule souliny lenportans tou lenportans sa bann lamannman ki nou pe propoze ganny fer. Se avek sa ki mon demann nou Lasanble, pou aprouv sa bann lamannman ki devan li ozordi.

Avek tel laprouvasyon Sesel i kapab pran en pozisyon pli ferm dan *ESAAMLG*. E nou ava annan en Lalwa pli detaye, ofe e rezulta pou benefis Sesel. Mersi Mr Speaker.

MR DEPUTY SPEAKER

Mersi Minis pou ou lentrodiksyon *Bill*. Aprezan

lasal i ouver pou deba lo merit zeneral sa *Bill*. E parey mon'n dir bomaten, byen koze i fer byen konpran pandan sa premye Manm pe entervenir tou lezot Manm ki oule koze mon oule zot endik mwan poudir zot oule koze, pou mwan konnen konbyen Manm i annan, pou mwan set letan.

Akoz ler sa Manm i fini, mon ferm lalis. Donk, lekel manm ki oule koz premye? Onorab Hoareau? *Proceed*.

HON JOHN HOAREAU

Bonzour Mr Speaker ankor enn fwa. Bonzour tou dimoun. Bonzour bann Manm. Bann dimoun ki'n vin get nou anler dan *gallery*, bann zenn Onorab.

Mr Speaker, sa *Bill* ki devan nou i anmenn en lamannman lo *Prevention of Terrorism Act 2004* pou la trwazyenm fwa.

Annefe sa *Bill* in ganny amande an 2 repriz an mars e Desanm lannen 2021. Parey nou tou nou okouran ki *ESAAMLG* i *Southern African Anti-Money Laundering Group* ki Sesel i form parti.

I annan 40 rekomandasyon ki form bann standar ki nou pei koman en pei Manm i bezwen *comply*. E swivan bann *meeting* parey in ganny anonse, ki ganny fer 2

fwa par lannen avek *ESAAMLG* bann defayans i ganny diskite, i ganny idantifye.

E *FATF - Financial Action Task Force*, i fer bann evalyasyon mityel pou evalye bann Lalwa ki an plas pou zisteman gete, si bann pei pe *comply* avek bann rekomandasyon.

Ki annan pou bi, anpes blansisaz larzan e finansman terorizm. Dan evalyasyon ki *ESAAMLG* in fer, i annan 2 rekomandasyon si oule - ki son lenterpretasyon lo Lalwa i an kestyon. Sa se rekomandasyon 6 avek rekomandasyon 7. Rekomandasyon 6 i koz lo sanksyon finansyel an relasyon avek terorizm e finansman terorizm.

Tandi ki rekomandasyon 7, i koz lo proliferasyon zarm destriksyon lamas. Alor lamannman ki pe ganny anmennen se pou fer kler ki bann definisyon lo zarm destriksyon lamas, parey *biological and chemical weapons* nou apel li zarm biolozikal e zarm simik, i ganny byen defini. Bann definisyon i ganny separe, e bann definisyon i vin pli kler.

An menm tan i pe osi koriz bann fot literer parey Minis in anonse, pou fer sir ki napa bann -konmsi i annan sa parey

nou dir an term legal sa *trois letter juridique*. Konmsi sa bann *text i lir korekteman parey i sipoze ganny lir*.

Mr Speaker, sa bann lamannman i neseser a sa moman. Akoz Sesel pe demann en *re-rating* pou fer li vin evantyelman *fully compliant*, avek bann rekomandasyon *ESAAMLG*.

Parey Minis in koz lo la, i vreman enportan pou nou koman en pti ziridiksyon, pou nou Lalwa annord, pou nou *compliant* avek sa bann rekomandasyon. Akoz i annan lefe lo *correspondent banking*.

E pou bann dimoun ki dan Sekter Biznes, zot pou konpran sa tre byen, parske si demen nou pa an konformite parey nou dir nou pa *compliant* avek sa bann rekomandasyon, i pou fer ki nou pa pou kapab servi nou kart labank dizon nou pe al dan en lot pei, pou nou kapab pey pou en serten komodite, oubyen pey pou en servis. E transfer larzan *from* nou pei pou al aletranze i pou difisil.

Mr Speaker, menm si nou en pti pei, nou pa ganny eparnyen par menas teroris. Nou'n vwar kot in annan *attempt* isi menm lokalman, pou eksploz Stasyon Petrol Grand Anse, ki ti pou fer gran destriksyon dan sa landrwa. E

touy plizyer nou bann frer Seselwa.

Mon pa pou al plis an detay lo la, akoz i en *matter before the court*. Mr Speaker, in annan bann gran dekouver zarm, ankor sa i en *matter before the court* mon pa oule al an detay lo la. Selman zis pou nonmen poudir sa bann menas i reel dan nou pei.

In annan bokou menas an 2 repriz si mon pa tronpe, kot avyon Aeroflot in bezwen park lo bout *runway e ganny cleared by the authority*, akoz in annan menas bonm lo la.

Alor tousala, i bann menas reel ki fer ki nou Lalwa i bezwen annord avek bann provizyon *Security Council* ki Nasyon-z-Ini li menm in met an plas.

E sa bann Lalwa, sa bann provizyon ki *United Nation Security Council* in met an plas, i ganny transmet atraver bann rekomandasyon ki *ESAAMLG* i fer. Teroriz i kapab dan diferan form.

I kapab menm atraver *internet* sa ki nou apel *cyber-attack*. Kot menm i kapab paraliz nou sistem limerik dan pei, atraver bann virus ki zot mete e oubyen bann *hacking* ki kapab arive.

Nenport ki form ki terorizm i ete, son lobzektif final

se pou anmenn deskripsiyon. Souvandfwa, serten parti i servi terorizm pou sey senm laterer e destabiliz Gouvernman.

Fodore ki nou Lalwa i a tou pri pare e an gard pou nou mentenir stabilite dan nou pei.

Mr Speaker, mon pa'n deside pou mwan al pli devan lo la. Me selman mon pe poz sa la. E mwan mon pou siport sa *Bill* ozordi, ki pou permet nou bann Lalwa vin anliny ek bann rekomandasyon *ESAAMLG*.

E pou fer sir ki nou pei pa ganny gete koman en pei ki annan pou fer avek teroriz, oubyen ki soutir teroriz, oubyen ki finans teroriz. Oubyen ki nou Gouvernman i vin en Gouvernman ki stab. Nou pei i vin en pei ki stab. Nou repitasyon enternasyonalman i vin en pei kot touris i kontan pou vini. I kontan pou vin son vakans e anmenn larzan dan nou pei, ki devlopman pei li menm, i kontinyen ale a lavan.

Avek sa Mr Speaker, mon pou remersi ou, e mon pou vot an faver sa *Bill*. Mersi.

MR DEPUTY SPEAKER

Mersi Onorab Hoareau. E parey nou ti'n endike poudir letan Onorab Hoareau pe koze tou Manm ki oule koze, zot ti merit endik mwan. Akoz aprezan la mon pou ferm mon lalis. I

annan 3 Manm ki'n endik mwan i oule koze. *Ok, so lalis i fermen aprezan.* E mon poudir zot lekel sa bann Manm ki lo sa lalis.

Prosen Manm pou Onorab Loze, i annan Onorab Labrosse, i annan Onorab Aglae, onorab Cosgrow, onorab Woodcock, Onorab Pillay se tou. Lalis i fermen. Mersi. Onorab Loze *proceed silvouple.* Mersi. *Hold on* Onorab Hoareau in koz apepre, i ti komans 34, 10 minit in koze.

So, nou ava fer li *maximum* 15 minit mon krwar i rezonnab. *Ok, 15 minutes.* So, Onorab *Proceed.* Mersi.

HON JOHAN LOZE

Bonzour Mr Speaker. Mersi Mr Speaker. E ankor bonzour tou bann zanfan dan - bann zenn adilt *rather* bann zenn adilt dan Galeri. E bonzour tou dimoun a lekout.

Mr Speaker, mon santi mwan konsernen. Mon santi mwan konsernen, akoz mwan ler mon'n lev mon lanmen pou mwan adres sa *Bill* ki devan nou, mon'n vin avek *full* lentansyon pou vin adres size *8th Enhanced Follow-Up Report ESAAMLG*. Sete sa mon lentansyon. Mwan mon'n vin pou mwan koz lo la.

(murmurings off-mic)

HON JOHAN LOZE

Mr Speaker, ou Caucus silvouple, ou Caucus Mr Speaker.

MR DEPUTY SPEAKER

Eski nou kapab travay trankilman silvouple? Mon repet mon parol bomaten. Nou annan bann zenn anler. E bann zenn dan distrik zot pa tro, tro kontan konportman Lasanble Nasyonal parfwa. So, la prezan zot devan nou. Annou organize silvouple, silvouple, silvouple! Mersi, *proceed* Onorab.

HON JOHAN LOZE

Mersi Mr Speaker. Mr Speaker, mon konsern mwan aprezan, letan nou komans evok bann *case* ki devan Lakour. Letan nou komans evok bann sityasyon ki dan lanmen Zidisyer ozordi. Mon pou poz en kestyon fran avek *panel*. Akoz mwan mon pa en dimoun, mon fatige dir zot ki vin *mâche mes mots*, ki vin kasyet keksoz.

Alors mon pou poz en kestyon fran, eski bann lamannman ki devan nou ozordi i annan a fer, selman e senpleman avek sa 8th Enhanced Follow-Up Report ki ESAAMLG e bann diskisyon ki

in annan ant Sesel avek ESAAMLG?

Ouswa i annan keksoz ek sa bann lamannman ki annan pou fer, ek sa bann *case* ki mon'n tann mansyonna, ki ganny dirize ver okenn sitwayen Sesel direkteman?

Akoz mon pa vwar akoz sa bann keksoz in ganny leve la ozordi bomaten. E Mr Speaker, mwan mon'n deza asiz o bor ou dan *meeting* la anndan dan lot kote la kot nou al manze dan *canteen*. Dan *meeting* la anndan ou ti asiz o bor mwan, ou *laptop* ti ouver, ou ti annan rapor ESAAMLG lo la - mon ti o bor ou mon *laptop* ti ouver mon ti annan rapor ESAAMLG lo la.

Wi, la anndan Mr Speaker. In fact, ou ti pe demann mwan ki mannyer pou *download* rapor, mon ti pe dir ou kot mon'n ale pou fer. Rapor i kapab ouver lo nou *laptop* devan nou, nou fer diskisyon e deba baze lo sa ki annan dan rapor.

BL nou evok bann *case* ki devan Lakour. Alors la mon pou demann Minis en kestyon direk. Eski i annan okenn keksoz ki'n ganny mete dan sa bann lamannman ki annan pou fer avek okenn sitwayen Seselwa, ki annan en *case* devan Lakour ozordi?

Ouswa ki zot annan lentansyon anmenn devan Lakour a okenn pwen? Lasanble Nasyonal, nou bezwen ganny eklersi lo sa.

Mr Speaker, i annan bann lezot keksoz ki nou koman en pei souvren e mwan koman en Manm Lasanble Nasyonal, mon bezwen koz lo la.

Ou konnen ozordi, nou pe ganny dir poudir sa i annan pou fer avek nou bann Lalwa, pou *strengthen* nou Lalwa, pou Gouvernman e pei stab.

Complete and utter bull Mr Speaker! Sa bann rekomandasyon, sa bann Lalwa i annan pou fer avek sa *Framework Egmont Group*. E stabilite ki zot bann pei annan larzan, bann pei ris, ou pei de blan, zot santi bezwen pou zot konfor. E lemonn antye, nou bezwen trenn laliny e fer sa ki zot dir nou fer. Sa nou bezwen konpran, menm si nou en pei souvren.

Akoz Minis li menm in komans avek sa *carrot and stick* konmkwa ki we *either toe the line*. E si nou pa trenn laliny nou perdi *correspondence banking*. E mon pa blanm Minis.

Sa i pa'n komans avek Gouvernman *LDS* depi nou Gouvernman keksoz ti koumsa. *Toe the line or else!* So, pa vin

dir mwan ozordi ki sa i annan pou fer avek anmenn stabilite isi Sesel.

Napa naryen pou stabilite isi Sesel. Sa i annan pou fer ek stabilite e konfor bann pei was, akoz zot ki ganny atake ek terorizm. Me preznan nou koman Lasanble Nasyonal Sesel nou, nou bezwen fer serten refleksyon. Nou pa kapab zis asize trankil toulstan! Nou fer koman *bonne enfant*, tou rekomandasyon ki zot fer, zot anvoye nou fer.

Tou sa ki zot dir nou fer, nou fer. Be eski zot war nou sorti lo lalis gri, lalis *brown - sepa* kisia? Ouswa, *we dig ourselves deeper?* Akoz nou pe ganny *blacklisted* ankor la.

Nou pe ganny *blacklisted*, akoz en de nonmen Mossack Fonseca aprezan. Minister *I am sure no relation*. Me selman *the facts remain ki that where we 're at*.

So, fer pa fer zot kouto nou lavyann. Me preznan nou isi anndan ki mannyer nou apros sa travay nou? Nou bese, nou pwenti, nou prosternen sak fwa keksoz i vin devan nou? Ouswa nou kapab voice...

(murmurings off-mic)

HON JOHAN LOZE

Mr Speaker, ou *Caucus silvouple*, mon pa pe target zot mwan. *Relax Onorab.*

MR DEPUTY SPEAKER

Be Onorab *keep addressing the Chair, as long ki i pa pe disturb mwan.* Ou'n koz Kreol ou, pwenti i en mo Kreol mon pa war problemm avek sa. Kontinyen Mr Speaker.

HON JOHAN LOZE

Mr Speaker, sa i dan en poenm. Minis Justin Valentin sa poenm Kabelo. An ka zot pa konnen mon a dir zot. En poem Minis Justin Valentin, mwan mon'n la ater Kreol mon ti *NYS* avek Minis Valentin mwan. In resit sa sepa konbyen fwa. So, sa ki pa konnen i pa konnen. *Alright?* Mon pa konnen ki zot pe pet glann mwan.

Mr Speaker eski nou koman Manm Lasanble Nasyonal Sesel nou pa pou debout en pe for e en pe fran fas a sa bann keksoz? Eski nou pa pou assert nou souvrennte?

Mon dakor nou pas Lalwa. Mon dakor nou bezwen viv dan en *framework* legal enternasyonal. Be ki mannyer eski nou fer li a sak fwa? Me nou bezwen nou osi komans debout en pe for, e en pe fran dir sa bann keksoz.

Konbyen Palestinyen in ganny touye ozordi? Eski i annan okenn nou la anndan, ki krwar ki okenn sa bann *Egmont Group bodies* dan within sa framework pou al aras *Izrael* son correspondence banking? Eski i annan enn nou la anndan ki krwar sa?

E pourtan Sesel li i ganny *blacklisted*, akoz en de nonmen Mossack Fonseka ki pa'n zanmen poz son lipye isi ater. *Minister I am certain, no relation.*

Be, nou, nou ganny pini pou bann keksoz ki nou napa kontrol lo la. I parey en koko i sape i tonm lo ou latet, apre lapolis Angle, gard pannyen, i pase i akiz ou vol koko. Be nou bezwen annan en fason adres sa nou isi anndan! Nou pa kapab kontinyen *every time* enn sa bann morso Lezislasyon i vin devan nou Lasanble, nou zis aksepte.

Mr Speaker, letan ou al lo sa rapor, ou get pou sa dernyen *Enhanced sa 8th and Follow-up Report*, ler ou get lekel ki'n assess nou i annan en *Namibian*, 4 - dimoun sorti *Botswana*, 1 *Ugande*, avek enn sorti *Angola*.

Letan ou gete nou'n ganny nou en pti ziridiksyon, nou'n ganny *assessed by* bann assessors zot tou sorti lo *main*

land continent. I napa okenn Manm Pti Leta Zil Lafrik, ki'n asize pou fer sa travay avek nou ki petet ti a konpran en pe nou spesifisite.

Ki petet ti a konpran akoz nou en pei nou annan zis *tourism, fisheries* avek *offshore*. Tou sa bann dimoun ki'n asize pou *assess* nou koman en pei, zot annan mineral. Zot annan gran, gran lafore ki zot eksplwate. Zot annan diferan keksoz anba zot *subsoil* ki zot kapab tire, pou kre larises pou zot pei e zot pep.

Zot annan popilasyon dimoun ki fer a kour 10, 20, 30 fwa nou popilasyon ki kapab ganny pwize koman en resours pou ed zot lekonomi.

E nou, nou pe ganny *assessed* par bann dimoun ki pa konpran naryen a fou avek nou pti partikilarite.

E akoz ki letan nou, nou ganny mete lo sa bann lalis, letan ki nou Lendistri *Offshore* i ganny peze e penalize par sa bann *assessment* ki ganny fer lo nou, zot pa pou konpran zot ki dega sa i kapab ganny fer dan en pti pei parey pou nou.

E sa i en keksoz ki nou bezwen leve. Akoz lo komansman menm sa rapor, ou war sa lekel ki'n *assess* nou. En *Namibian*, 4 Botswana, 1 Ugande, avek 1 Angole.

Napa okenn pwen lyezon, ant zot leksperyans sosyal, kiltirel, ekonomik avek pou nou. Zot napa en lide kantite lour ki okenn sanksyon i kapab pez lour, lo nou koman en pti pei.

E kan mannyer ou ekspekte dimoun ki sorti dan en bann pei, ki annan en panopli divers ekonomik ki pe kontribye dan zot lekonomi, ki annan bann *internal economies robust*, pou konpran ki kantite for nou a pir lo sa Lendistri *offshore* isi?

E ki nou bezwen defann li. E ki nou bezwen apiy li. E ki nou bezwen *prompt* li *up* e met li anler. Wi, nou a lager kont terorizm. Non, nou pa anvi i vin en *rogue state*; nou pa anvi i vin en *terrorist state*.

E realistikman, eski nou enn? Esaki Sesel i sitan en menas *within* sa *Egmont Framework* la nou? Ouswa nou menm nou, nou vin devan nou dir ti pou annan terorizm sepa ki bor par sepa lekel. Zis akoz nou anvi target entel ouswa entel?

Be les sa de kote, eski nou pou annan kouraz en zour pou nou debout e koz an faver nou pei, defann nou souvrennte? Koz pou nou lendistri, koz pou tou sa Seselwa ki pe *earn* en

living within sa offshore industry?

Ouswa nou pou kontinyen ki mannyer nou pe ale la. Bese, pwenti e prostern nou? Nou pa kapab kontinyen koumsa *mes chers amis*. Nou apel Lasanble Nasyonal Sesel en pei souvren! Nou'n pran lendepandans avek nou bann Met Kolonyal depi 1976.

And this is another form of colonialism sa! Dir mwan sa ki zot oule sa se en form re koloniz nou! E nou asiz la anndan nou les nou ganny kolonize mantalman, parske nou zis aksepte! Me menm si nou bezwen pas Lalwa, annou kestyionnen foutou! Lev en pe nou lavwa montre nou leren e dir nou en pei souvren! Nou pa pou zis aksepte!

E zot pa kapab zis vini enpoze. Fodre nou koze! Si bann mwan ki pa'n zanmen annan kouraz pou debout dan en eleksyon, mon kapab koze, me bann ki'n ganny elekte pa kapab?

Me fountkwa zot in ganny elekte? Akfer? Mon pa'n ganny elekte, mon'n ganny dir la bomaten. Be mon pa'n ganny elekte, mon annan mwan en lavwa pli for e en kouraz 10 fwa pou zot!

Nou pa bezwen zis aksepte sa *mes chers amis*. Lannen ale,

lannen vini depi *previous Gouvernman i koumsa*. Mon pa ni pe target Gouvernman LDS la, mon pe zis dir annou fer en lafors nou tou. Annou anvoy an mesaz kler koman Lasanble Nasyonal Sesel - se tou!

Annou anvoy en mesaz pou sa bann dimoun ki pe kontinyelman anvoy sa bann zafer la, devan nou, poudir be *at least* i annan en group dimoun Sesel ki pa pe zis *conform*.

I pa pou zis aksepte. I pou lev en lavwa. I pou obzekte letan in ariv ler pou obzekte. E plis Minis, ki mon ava dir ou, mwan mon santi in ler pou komans enkli serten Manm Lasanble Nasyonal, dan sa bann diskisyon.

Letan zot al sa bann *meeting re ratings* la, kantmenm zis lo en nivo obzervasyon, anmenn serten Manm Lasanble Nasyonal a fer en pe *oversight* lo sa bann zafer.

At least i annan en dimoun *in the room* ki ava kapab dir ek sa bann blan, be get la nou pe tro ale la prezan.

Ouswa ki sa blan li menm, i a konnen ki sa bann dimoun i asize la pe obzerv nou. Demen zot pou al dan zot Lasanble, zot pou dir egzakteman kwa ki'n arrive. Be i al zis teknisyen. I al zis ou avek ou bann teknisyen Minis.

Prezan nou *end up* pe fer sa ki en Namibyen, 4 Batswane, en Ugande avek en Angole i dir nou fer.

MR DEPUTY SPEAKER

1minit Onorab.

HON JOHAN LOZE

Mersi Mr Speaker. Mr Speaker, mon ava remersi ou. Mon ava remersi kote LDS osi pou ekout mwan atantivman.

Minis, mon ti a kontan si ou ti zis kapab reponn sa pti kestyon ki mon'n demande. E mersi tou dimoun ki'n ekoute enkli bann zenn adilt dan Galeri. Mersi Mr Speaker.

MR DEPUTY SPEAKER

Mersi Onorab Loze. Prosen entervenan Onorab Labrosse. Pa blyie tou dimoun nou pe met 15 minit maksimonm. Mersi.

HON RICHARD LABROSSE

Mersi Mr Speaker. Bonzour Mr Speaker. Bonzour tou bann zenn Onorab anler dan Galeri. Bonzour tou dimoun ki a lekout. E en bonzour spesyal byensir i al pou mon bann koleg Manm Lasanble Mr Speaker. Ozordi i en zour istorik - pou nou enportan.

E ozordi i li menm sa zour ki Lepep Seselwa ti anvoy nou tou isi dan sa Lasanble, pou vin

fer sa travay ki nou pe fer ozordi. Alors felisitasyon, e bonn fet ozordi.

(APPLAUSE)

HON RICHARD LABROSSE

Mr Speaker, e osi lo menm laliny mon kapab osi ler mon'n ekout entervenan ki'n koz avan mwan, in fer nou konpran ki i annan lavwa ozordi pou li koze. E mon krwar osi si i ti kapab remersi Prezidan Larepublik ki'n travay pou donn nous a lavwa pandan sa 30an ki'n egziste.

(APPLAUSE)

HON RICHARD LABROSSE

Mr Speaker, *Bill* ki devan nou ozordi e nou pe diskrit lo la, sa i ganny konsidere koman *Bill* limero 17. *Bill* pe vin demann sipor Lasanble pou fer sir ki Sesel pe swiv bann norm internasyonal, e ki Sesel i comply ek diferan norm ek regilasyon ki annan pou fer avek *prevention of terrorism*.

I posib ki bokou dimoun pe panse ki Sesel. Ki Sesel i annan pou fer avek teroris, akoz ziska prezan in napa okenn aktive mazer relye avek teroris ki'n afekte nou pei.

Mr Speaker, parey lemonn pe evolye Sesel osi nou bezwen fer sir ki nou osi nou'n pare pou

nenport ki evantyalite ki arive. Serten lensidan ase resan ki'n arive Sesel, in fer nou osi realize ki nou pa kapab eparnyen avek bann tel evantyalite.

Lepep Seselwa pou soke pou aprann lo sa lensidan *attempt* pou fer leksplozyon lo *fuel station* Grand Anse. E mon krwar nou tou nou konnen ki lenpak sa dan li menm ti pou anmennen, pou sa distrik. E sirtou pou bann dimoun ki pe viv dan sa kominote e pei Sesel an antye.

Lo lensidan avek lafreyer e sa 2 lensidan *bomb threat* ki lo *flight Aeroflot*, ki ti pou arive Sesel.

Sa bann legzant i montre nou, poudir Sesel i bezwen met li pare, pou anmenn bann Lalwa pou vin annord avek bann demann lorganizasyon enternasyonal; i ede pou fer sir ki Sesel i osi annan bann striktir ou *framework*, ki pou anpes bann endividé or bann lakonpannyen servis Sesel koman en landrwa pou *facilitate* bann tel aksyon.

Mr Speaker, i enportan note ki ler nou pe koz lo teroris, nou pa pe zis koz lo sa aksyon fizik destriksyon. Me nou pe koz osi lo laspe finansyel ki vin avek.

Bokou fwa nou pa realize ki sa bann aksyon i ganny

sponsor par bann endividé, e lakonpannyen. E alors i enportan ki nou fer sir ki i annan an plas bann *framework* ek bann Lalwa ki kapab detekte bann tranzaksyon, ou bann endividé ki deza anba bann radar bann lorganizasyon enternasyonal, pou anpeste ki zot servi nou bann servis. Espesyalman nou bann sekter servis finansyel pou fer zot bann tranzaksyon.

Mr Speaker, en lot bout dan sa *Bill* ki'n port mon latansyon i lo *biological weapon*, ki pe souvan ganny servi dan bann latak teroris dan lemonn. An vi ki nou en pti pei, tel sityasyon i efreyan ler nou mazin, ler nou mazinen si sa i ganny sans sape e arriv dan nou pti pei Sesel.

Mr Speaker, alors ler nou pe regard bann lamannman ki sa *Bill* li menm i pe anmennen e osi parey nou pe dir nou pe servi bann norm enternasyonal ozordi, pou nou fer sir ki Sesel i anliny ek tousala.

Me nou osi parey loter Mosyon osi byen ki'n koz avan mwan in met en lanfaz lo la, ki mon'n vreman dakor avek li.

Par egzanp ozordi nou annan bann gro pei enternasyonal ozordi ki zot pe fer, ki zot pe met bann restriksyon lo Sesel. Par egzanp

la nou fek tann *European Union* ki'n fer sorti son lalis, in fer konpran ki Sesel i pa pe *comply*, sirtou lo kote servis finansyel.

E ler nou pe fer sa travay ansanm Mr Speaker. parey in ganny dir, mon krwar parfwa osi mon krwar nou bezwen - mon pa konnen ki mannyer mon pou eksplik sa - nou bezwen osi rewwar en fason ler i annan bann diskisyon ki pe ganny arive lo sa.

Parske parfwa mon santi ki nou pe koman en Pt Leta Zil ki nou napa bokou, nou vilnerabilite parey nou dir nou ganny tro bokou enpoze ek sa bann gran pwisans.

Mr Speaker, an terminan parey mon'n site pli boner, ki wi, Sesel pa merit bes son *guard* lo sa bann size. Sirtou kot de fwa nou'n ganny alert konsernan parey mon'n koze lo konsernan *bomb*.

E osi enportan nou fer sir ki nou sekter servis Finansyel i an plas li osi avek bann *framework*. Parey mon'n dir i annan bokou travay ki pe ganny fer.

E Mr Speaker, alor byensir mon pou donn mon sipor pou lamannman ek sa *Bill*. Mersi.

(APPLAUSE)

MR DEPUTY SPEAKER

Mersi Onorab Labrosse. Mon pou al envit aprezan Onorab... mon war lanmen Onorab Loze anler.

HON JOHAN LOZE

Mersi Mr Speaker. Mr Speaker, mon zis anvi adres sa pti bout ki'n ganny vize ver mwan, konmkwa remersi Prezidan ki mon annan drwa koze dan Lasamble. Mon le fer li dan en fason plito pou edik bann zenn adilt ki dan Galeri.

MR DEPUTY SPEAKER

Anba ki *order* ou pe fer sa Onorab? Zis pou nou... si ou pe edik bann zenn, diriz nou anba ki *order*.

HON JOHAN LOZE

Mon pou fer li anba *Order 8*, kot ou, ou annan drwa diriz *conduct* Lasamble Nasyonal Mr Speaker. Mr Speaker, *National Assembly (Privileges, Immunities and Powers) Act* i date depi 2005, Zanyye 2005.

Mon pou zis refer Onorab ki'n koz avan mwan lo son *part 2*,

Privileges of the Assembly and its officers. Part 2 quote 3, i gid lo freedom of speech and debate, immunity from legal proceedings, freedom, from arrest, exemption from certain services e patati.

Mon ti zis anvi diriz Onorab koman en Manm, kote nou laliberte lekspresyon pou koze dan sa Lasanble Nasyonal i *originate* apre Konstitisyon Sesel. Mersi Mr Speaker.

MR DEPUTY SPEAKER

Mersi Onorab. Mon ava osi diriz ou lo *Order 59(7)(d)*. E pou tou Manm ki pe koze.

“A member shall not impute improper motives and make personal charge against any Member, except on a Motion”.

E zisteman lefe ki nou pe diskite nou dan en deba la. Yer mon ti *remind* ban Manm, lo *Order 59 “Content of speech”* ki dir nou

“A Member shall confine his or her observations to the subject under discussion and may not introduce matters not relevant thereto.”

So, si nou obzerv sa *rule* nou pou koz lo merit zeneral sa *Bill*. E okenn lezot keksoz ki pa relevan nou kit an deor. Nou dakor avek sa? Nou bouze, mon ava apel Onorab Aglae pou pran laparol silvouple. Mersi.

HON EGBERT AGLAE

Mersi Mr Speaker. Bonzour Minis ek ou *panel*. E bann zenn Manm Onorab ki dan *Gallery* ozordi. Mr Speaker, Sesel i en

pei souvren. Parey lezot pei nou bezwen annan nou, nou fason ki nou vwar keksoz, e osi nou fason ki nou enplimant keksoz. E baze lo nou listwar Sesel, sa ki mwan mon konnen, nou pa’n tro souvan enterfer dan zafer bann lezot pei souvren. Ki swa nou pei zanmi ki o bor nou ouswa bann lezot pei.

Ozordi avek sityasyon global, kot lemonn in arive, nou war poudir i annan en kantite legzizans ki bann pei i ganny mete anba par bann gran pwisans mondyal. San ki parfwa nou annan swa pou nou dir non. Ouswa si nou dir non, ki bann penaltı ouswa konsekans ki nou riske war li koman en pei pe fer fas avek. In arive sa dan lepase.

E Mr Speaker, lamannman ki la devan nou, i montre poudir nou ankor pe ganny sibzekte avek bann demann, rekomandasyon ki sa *mutual evaluation*, i ganny fer par *ESAAMLG* par sa pei manm, ki nou form par ladan.

E osi ler mon’n regard bokou sa bann pei ki form sa ki zot osi pe donn lanmen pou *rate* Sesel.

Bokou zot pa pli meyer ki Sesel. Akoz mwan dan sa 43 ki mon annan, mon pa rapel okenn *attempt* ki en pei parey Sesel, in al fer okenn aksyon

teroris, ouswa in al siport teroris dan okenn bann lezot pei.

Me letan ou pe regard bokou sa bann pei ki form par nou konnen dan sa 20, bokou zot pe pas dan bann diferan lenstans atrosite teroris dan zot pei.

I annan bann ki'n pas ladan ki ankor pe sibir. E i annan ki pe rekipere avek bann lezot aksyon ki'n pase kot i konsern teroris. So, Mr Speaker, i fer mwan poz bokou kestyion e koman en pei mon krwar i enportan ki nou bezwen osi kestyonn direksyon ki nou pran fas a bann lopresyon. Mon pe met li koumsa bann opresyon ki pe ganny sibzekte lo nou.

Akoz nou bann lavansman ki nou, nou'n fer koman en pei. E nou bann sikse lepase ki nou'n fer osi, ozordi i vin avek en pri ki nou pe peye.

Nou'n annan nou en *offshore sector* ki ti ne ki'n fer byen. E lo sa fer byen ki nou'n fer Mr Speaker, bokou pei was in santi zot dan en fason menase, san ki mon bezwen al dan detay bann ka. In santi zot menase dan en fason ki Sesel progre ki i pe fer, me zot pa'n anvi. Fransman zot pa'n anvi nou *achieve* sa ki nou, nou ti anvi *achieve*.

E se la kot bann diferan lenstans, nou pe war nou pe ganny mete lo bann lalis *grey*, nwar. E nou prezan nou bezwen koman en pei pe tay deryer bann prosedir legal, bann birokiasi ki bann Pei Was, in met devan.

E pran kont osi poudir sirtou avek Eropeen, sa ki pe aplik pou nou. E nou'n tandé aepre 2 semenn pase. Bann regilasyon i pa neseserman aplik pou zot bann Manm, pei Manm.

Kestyon ki ou demande, eski i *fair* prezan pou nou ganny oprese. E taler Onorab Loze in servi sa *colonialism*, i en *new form of colonialism* dan sa Era ki nou pe viv ladan.

Nou konnen poudir nou pei, nou bezwen sipor, led enternasyonal. E sa in touzour reel, en et. Kot nou'n apros osi bann lorganizasyon enternasyonal pou kapab ed nou, kan nou'n pas dan bann moman difisil. I toutafe normal.

Me letan ou tandé poudir bann desizyon i ganny pran pou si Sesel pa pe *comply*, sa bann swadizan led, *loan*, *grants* i an menas. Pou mwan i koz bann konsern. E baze lo sa *Mutual Evaluation Report* ki *ESAAMLG* in fer sorti, depi mon'n swiv en pti gin depi 2018 onwards ek

bann kreasyon ki bann Lalwa ki nou, nou'n met devan.

Nou'n kapab kre nou *FIU*, dabor. E la Mr Speaker, pei i bezwen pran li endesizyon dan en fason serye. Ozordi *FIU* i ti'n tir son ledan ki sipoze morde, ki osi size en kestyon lo son fason travay ki i pe fer pou li kapab anmenn rezulta.

Letan mon pe swiv depi 2018 Mr Speaker, Sesel tou kou dan sa 40 rekomandasyon ki *ESAAMLG* in met devan nou zanmen nou'n arive dan en fason dir *50 percent compliance*. Nou pa ankor arive sa nivo lo sa 40 rekomandasyon - lo *fully compliance*. 50 poursan nou pa ankor arive. Mon pa pe koz 100 poursan la mwan. 50 *percent* mon pe koze la.

La *as at now*, Mars 2023 dapre sa dernyen sa *Follow-Up Report*, in ganny dir ki dan sa 40 Sesel *is now compliant* lo 12 rekomandasyon, *ok*. E large li *compliant, largely compliant* lo 22. *Largely* pa vedir ou *fully compliant*. I vedir ou pe al lo sa nivo, kot ou kapab *fully compliant*.

E i annan 2 rekomandasyon ki nou *non-compliant*. E i annan 4 rekomandasyon ki pe konsider *partial*. Now, mwan mon kestyon e konsern se, ki nou sipoze pe fer koman en pei?

E la taler Mr Speaker, nou dir nou bezwen travay ansanm koman sa pei ki pe ganny mete lo en lalis nwar ouswa *grey*. Kwa ki nou, nou pou aksepte anba sa lemonn modern ki nou pe koz lo *New World Order* ki pe vini. Koman en pei nou bezwen komans refleksyon, akoz nou bezwen mazin ankor dan 10 an, 15 an, 20 an lekel ki nou pou *etre sibzektif* avek?

Akoz letan nou pe regarde Mr Speaker, mon'n dan 6enm Lasanble en kantite lamannman. Nou'n amann *AML* plizyer fwa, nou'n anmenn *BOA*; Komite *CFT* i zwenn i diskite, bann Lalwa Finansyel *Offshore* in ganny amande, in anmennen. Still nou dan problem, nou ganny dir nou pa *fully compliant*.

Enn ler mon bezwen demann mon lekor, problem i ek Sesel? Problem ek sa bann kolonizater modern dan was, ki zis anvi kontrol sa ki ou pe fer akoz ou depandan lo li.

Akoz ou bezwen al kot li pou ou ganny sa *loan*. Ou bezwen al kot li pou ganny sa grant; ou bezwen al kot li pou ganny sa bann ekspertiz ki sa bann lezot lorganizasyon avek bann eksper ki'n provide.

This is where the problem lies. Me preznan mwan i fer mon mazin, letan pase Mr Speaker,

letan Mr Rene, Prezidan Rene pa ti les son lekor ganny sibzektif anba sa bann kalite mantalite *colonialism!* E plizyer pei lo Lafrik osi ti fer, e ki nou ti war? Laplipar sa bann dimoun ki ti debout kont sa bann kalite lespri *colonialism* ti ganny eliminien. Akoz zot ti annan en azanda.

Me la nou pe koze ozordi, si nou swiv nouvel byen, nou get lo nivo Lafrik bokou pei in ganny kolonize ozordi pe debout pe arive. *This the New World Order*, akoz sa bann lorganizasyon in plizyer repriz *for the past decades or so*, zot in manipil sa bann pei.

E Sesel i enn ki pe ganny manipile dan en fason. I annan pa dakor avek mwan. Zot lopinyon, i zot lopinyon. Me mwan mon krwar akoz nou pe war sa. San en pti pe polarize anver serten pei, me mon pa war li drol si ozordi serten groupman i ne.

Nou tann *Brics* pe ne la, Lasin, *Brazil*, Sid Afrik, Larisi, bann lezot pei. Akoz sanmenm sa bann kalite mantalite ki pe deroule dan lemonn, ki fer poudir i annan in krwar poudir la i ase.

Prezan nou koman en pei, mon ti a kontan konnen koman en Lasamble osi, ki nou pou al fer avek sa bann

rekomandasyon ki nou, nou pa pe met. Eski i *attainable?* Eski pei i kapab fer sa ki zot pe demande?

Nou bezwen met tou kart ater, e letan i annan negosyasyon pou al fer, letan i annan *review* pou fer ankor.

Mon dakor avek Onorab Loze ler i dir fodre anmenn politisyen on board, sey pran - mon pa pe dir pran US mwan, me selman pran detrwa ki kapab kantmenm i ava al asiste.

Akoz mwan pou mwan sa pti leksperyans ki mon annan, e nou'n dan Gouvernman isi. Teknisyen letan i regard keksoz, i regard keksoz dan son konteks teknik, an menm tan son laspe legalite.

I pa pe neseserman pran kont bann lefe ki i annan lo pei, e lo dimoun an zeneral.

MR DEPUTY SPEAKER

1minit Onorab.

HON EGBERT AGLAE

I pa travay ek lemosyon li. I travay avek *facts and the data*. Nou politisyen nou bezwen travay ek tou ki enkli konsekans, lemosyon, lavi sosyal e ekonomik.

Se sa ki nou dir nou bezwen annan politisyen

parfwa lo bann negosyasyon, kot i konsern lavansman pei.

So, Mr Speaker, nou annan en kantite keksoz pou nou fer. E direksyon ki nou pou bezwen pran, i pou enportan fas a sa bann gro pwisans pou nou kapab sey *attend*.

E mon dir koman en Lasanble mon krwar nou bezwen, nou pe al pas dan Bidze tre byento. Kestyon i bezwen ganny mete lo sa bann rekomandasyon ki pe ganny sibzekte devan nou.

Si nou koman en pei nou kapab *attend*, kwa ki nou kapab fer? Kwa ki nou pa kapab fer? E akoz si nou pa kapab fer, ki nou pa kapab fer, san ki nou bezwen war nou pe al ganny oprese ouswa ganny penalize lo en bann lalis, ki mwan pou mwan Mr Speaker, i zis en fason ou kontrol nou. Avek sa mon pou dir ou mersi Mr Speaker.

MR DEPUTY SPEAKER

Mersi Onorab. Lot entervenan avan *break* Onorab Cosgrow. Now pou donn ou ziska 10.35. Mon pou manz 5 minit dan *break*, akoz nou'n ganny en kantite enteripsyon avan nou komans travay. Nou pa'n komans travay ziska 9er 22 bomaten, so, nou pou pouse la

ziska 10er 35 nou ava pran break 10er 35. *Proceed* Onorab.

HON WALLACE COSGROW

Mersi Mr Speaker. Mr Speaker, mon pran laparol bomaten koman en Manm sa Lasanble Nasyonal avek tou mon privilez ki Lasanble Nasyonal i akord mwan, pou mwan koz *freely*, eksprim mon lekor *freely*, elekte pa elekte.

E mon konnen ki pandan sa 3an ki mon'n dan sa Lasanble Nasyonal, mon'n fer kontribisyon valab ver lavansman sa lenstitisyon ki mon ladan, ki mon reprezante ozordi.

An di-z-an sa Mr Speaker, mon *welcome* ankor en kou Minis avek bann zenn adilt parey in ganny dir ki pe swiv nou ozordi. E tou Manm bomaten e tou Manm piblik ki pe ekout nou.

Mr Speaker, i annan en keksoz ki pe arive ozordi dan lemonn. I annan en tranzisyon, lemonn pe bouz deplizanpli *from a unit polar world*. E lemonn ki annan zis plizoumwen en *superpower* ki kontrol lemonn, pou en lemonn ki en pli milti kouler.

Kot i annan bokou plis bann gro pei, mwayen pei, e bann pti pei osi ki pe zwenn ansanm, pou sanz en pti pe

zisteman lafason ki lemonn i *operate* ozordi. Lafason ki bann gro, gro pei i *operate* ozordi, e ki fer lavi bann pti pei, sirtou bann pti pei parey Sesel bokou, bokou difisil.

E ou bezwen parey Onorab Loze in dir *toe the line*, letan zot anmenn en keksoz e ou bezwen dir wi akoz zisteman ou, ou en pti pei 100mil dimoun.

Ou en pti pei avek pe resours, ou en pti pei ki depa lo zot. Akoz zot in etablir tou sistenm dan lemonn pou ki keksoz i kapab *operate*. Me selman i annan en sanzman ki pe arive. E sa sanzman Mr Speaker i inevitab, koleg Onorab Aglae in koz lo formasyon *bricks*. E formasyon *bricks* ozordi nou war lenportans kot bokou, bokou plis pei pe eksplore e pe gete ki mannyer zot kapab zwenn sa groupman, zisteman pou sorti dan en lemonn kot nou kontrole par enn ou de pwisans.

E dan en lemonn ko ti annan partisipasyon. E tou dimoun i *operate* lo en nivo plizoumwen egal. Mr Speaker, sa Lalwa ki devan nou bomaten i enn ki paret senp. E Minis dan son lントro diksyon in fer li paret senp.

Me i en Lalwa ki al bokou pli lwen ki zis teroris. I en Lalwa

ki al bokou pli lwen ki sa. E i malere bomaten ler nou'n komanse, mwan osi mon ti annan lenpresyon ki nou pe al konsantre zis lo bann rekomandasyon *ESAAMLG*.

Me bomaten i annan Manm ki'n entrodwir en bann size ki mon krwar pa ti neseser. Par egzanp Stasyon Petrol Grand Anse, Fizi. Bann keksoz ki *sub judice*, bann keksoz ki Ankour.

E mon pa krwar i annan okenn relasyon avek sa Lalwa ki devan nou. E mon pa krwar, e si i annan relasyon petet i annan serten motiv par deryer sa Lalwa ki zot pa pe dir nou.

Me pou mwan mon pou *stick* ek mon lentervansyon lo bann rekomandasyon *ESAAMLG*, ki mon krwar - ki mwan mon santi i par deryer petet sa bann lamannman ki pe vini.

Mr Speaker, *IMF* in estimen ozordi ki difisil fer en *speech* letan ou annan bann dimoun lot kote pe koze Mr Speaker – en?

MR DEPUTY SPEAKER

Address the Chair. Ou zis koz ek mwan, mon pe ekout ou mwan.

HON WALLACE COSGROW

Ya me zot *disturb*. Anyway. Mr Speaker, IMF in estimen ki ozordi dan lemonn i annan apepre \$500 a \$600 bilyon ki ganny *divert from* bann gro lekonomi, an term *tax reveni* ki zot perdi atraver bann *day offshore financial sector*.

E bokou bann Lalwa ki ozordi nou pe war Mr Speaker i vize ver sa. I vize ver bann gro pei ki pe perdi en kantite larzan. E zot pe rod diferan fason, ki mannyer zot pou rekiper sa bann larzan, ou pou anpes sa bann larzan sorti dan zot bann lekonomi.

Alors zot vin ek tou sort kalite Lalwa. Tout sort kalite presyon, zot met lo bann lezot pei. Sirtou bann pti pei parey Sesel ki'n devlop zot en Sekter *Offshore Finansyel*.

E zot rod tout sord kalite pinez pou met lo ou, tout sord kalite zafer, dan en mannyer ki ou pa ava ganny sa bann kalite biznes, ki ozordi pe afekte zot laba dan sa bann pei was. E Mr Speaker, sa pou mwan - Onorab Loze in eksplik nou. Onorab Aglae in eksplik nou koman bann novo form kolonyalizm, kot bann gran pei i kontinyen egzers serten presyon, serten kontrol lo bann lezot pti pei.

Akoz zisteman zot bann dominan - sirtou zot bann

dominans dan Sekter Finansyel.

Ozordi Mr Speaker, ESAAMLG in *rate* nou dan son dernyen *Mutual Evaluation Report* ki ti fer an Mars 2008 si mon pa tronpe. E ESAAMLG i annan li apepre 40 rekomandasyon. I annan 40 rekomandasyon. E in ganny dir boner ki Sesel i *compliant* avek 12 - *largely compliant* avek 22. E larestan nou pa neseserman *compliant*.

Me le kestyon i reste Mr Speaker, ki sa bann prose la nou pe fer li mon pa konnen depi kan nou pe fer sa bann prose. Nou ale vini, nou ganny *assess*, nou ganny *rating*, nou aranz nou Lalwa. Lalwa i vin devan Lasanble Nasyonal, la probableman apre Bidze nou pou annan en bann Lalwa finansyel ki pou vin devan Lasanble Nasyonal.

Ki swa bann Lalwa *AML/CFT*, ki swa Lalwa Teroris, ki swa Lalwa *Off-Shore*. Sa prose i ale, ale, ale, ale zanmen fini Mr Speaker. Mon krwar in ariv en ler ki nou bezwen dir avek koman en pei souvren mon krwar i ariv en ler ki nou bezwen dir avek sa bann lorganizasyon be hold on en kou.

Nek nou amande, tou lazournen zot set the bar en lot

oter nou vini nou *practice* nou sote. Zot met en lot oter bar, i en prosedir ki zanmen, zanmen fini.

Prezan ou demann ou lekor, eski zot anvi ki nou *achieve* sa ki nou anvi *achieve*, sa ki zot anvi nou *achieve*? Ouswa zot anvi zis met serten lobstak dan larou bann pti pei parey Sesel pou ki, nou a bezwen kontinyen vin soubalern avek zot.

Nou a bezwen kontinyen fer tou sa ki zot fer, fer tou sa ki zot dir nou fer. Fer tou sa ki zot bezwen, nou, nou fer pou zot. Akoz relman Mr Speaker, ler mon get sa kantite lamanman ki nou'n fer, kantite diskisyon ki nou'n fer, kantite evalyasyon ki nou'n pas ladan, nou pa zanmen war en laklerte a lafen sa tinel.

E sa zafer i kontinyen reste la, mark nou. E nou aparet lo tout sort kalite lalis. Malgre tou zefor ki nou fer, nou aparet lo tout sort kalite lalis. Swa lo lalis *OECD* kot i komans dir ou pa *compliant* dan en zafer, ouswa zot envant or zot azout en lot kalite regilasyon ki aprezan ou bezwen al *compliant* avek.

Swa lo lalis *EU*. Resaman nou'n war poudir *EU* in met nou lo en lalis. Malgre nou'n fer serten zefor pou nou kapab

amelyor nou bann Lalwa, *EU* in deside ankor met nou lo en lalis.

E nou bezwen re al ganny evalye, re fer serten travay lo serten Lalwa. E le pwen avek tousala Mr Speaker, se ki i pa zanmen fini.

Ler in arive mon krwar pou nou asize avek sa bann lorganizasyon. Si Lasanble Nasyonal parey in ganny dir, i bezwen osi akoz sa zafer i tonm lo nou apre pou nou asize debat, pas Lalwa.

Si Lasanble Nasyonal i bezwen ganny reprezante. E la mon krwar lo kote Gouvernman zot bezwen. Zot ki annan sa pouvwar, zot bezwen fer serten, serten demann atraver sa bann diferan lorganizasyon.

Pou ki Lasanble Nasyonal i ganny reprezante lo sa bann Komite, lo sa bann evalyasyon. Pou ki nou osi nou ava war, nou ava sey konpran ki pe arive. Akoz nou pa kapab lannen ale, lannen vini nek nou amande, bar i ganny met pli o, nou amann ankor, bar i ganny met pli o, e zanmen fini Mr Speaker.

Nou, nou krwar poudir sa i en mannev pou zis kit Sesel ek bann pti pei parey Sesel *in check* e personn pa pe pran okenn nou zentere pa pe get nou resours. Pa pe gete kantite

difikilte sa bann zafer i anmenn nou. E nou pe zis trouan an ron.

E mwan mon krwar Mr Speaker ki nou bezwen pran sa serye, e nou bezwen kapab *deal* ek sa bann sityasyon.

Mr Speaker, parey mon dir mwan, mon pa ti pou antre dan okenn sa bann kalite diskisyon parey in ganny leve lot kote latab. Mwan mon krwar sa ki la i en *issue* serye pou Sesel, ki nou bezwen asize nou tou met latet ansanm, gete ki mannyer nou *deal* ek sa sityasyon.

E mon krwar poudir mon *hope*, mon *hope* parey mon'n dir o komansman ki sa Lalwa napa okenn motif par deryer, apard ki sa bann rekomandasyon. Apard kis a bann travay ki nou bezwen fer an relasyon avek *ESAAMLG*.

Me petet *FATF*, me travay i annan en kantite pou fer. E mon krwar nou bezwen focus lo la, e nou bezwen dir ek sa bann dimoun donn zot en mannyer ou dir sa?

Donn zot en pe, en *peace of our mind* lo sa size. E dir ot poudir nou pa kapab kontinyen ganny *threaten*, par egzamp dan *correspondence banking*, avek nou bann diferan *issues*. Ki apre zot kontinyen re aranz bar, remet bar, remet soz, remet isi, remet laba.

So, avek sa Mr Speaker mon pou aret la. E mon krwar ki poudir sa zafer nou bezwen *deal* avek li *once and for all*. E fer sir ki dan lefitir, nou konnen petet i kapab annan diferan keksoz ki sanze. Sirkonstans i sanze, me *at least* ou pa kapab tou lazournen vin sanz bar avek nou! Mersi bokou Mr Speaker.

MR DEPUTY SPEAKER

Mersi Onorab Cosgrow. Donk sa in anmenn nou ler pou nou pran break. Nou pou returnen 11er pou kontinyasyon deba lo Prozedlwa ki devan nou, *Prevention of Terrorism (Amendment) Bill, 2023*. 11er nou zwenn.

(BREAK)

MR DEPUTY SPEAKER

Welcome back tou dimoun. Nou kontinyen avek deba lo merit zeneral *Bill Prevention of Terrorism (Amendment) Bill, 2023* prezante par Minis pou Internal Affairs Mr Errol Fonseka bomaten. Prosen entervenan lo lalis i Onorab Wavel Woodcock.

HON WAVEL WOODCOCK

Mersi Mr Speaker. Mr Speaker, sa *Bill* ki devan nou i en *Bill* ki mon kapab dir i vreman enteresan. Annefe depi ler deba

in komanse, i annan en mo sirtou ki pe ganny servi par lot kote latab. Sa mo “colonialism”. Mr Speaker, kot zot pe dir i annan en *modern form of colonialism*.

Me selman Mr Speaker, i enteresan pou note ki poudir nou pei in anba en form kolonizasyon pou 43an. Ozordi i annan bann Manm pe koze i dir - in fact Onorab Loze in mansyonn zafer ozordi fodre nou koze. E fodre pa zanmen rapel poudir sirtou pandan letan bann zafer Parti Inik, nou pep ti napa drwa koze.

Akoz ler zot ti koze pou konnen ki ti arive avek zot. E annefe ozordi, le 25 Oktob, se sa dat ki nou pei ti ganny libere anfen apre sa vre kolonizater *SPUP, SPPF, Parti Lepep*.

Mr Speaker, *Prevention of Terrorism (Amendment) Bill* parey Minis in eksplike, se ki i annan en diskisyon. Annefe plizer diskisyon lepase ant lapolis, nou bann teknisyen nou bann profesyonnel avek *ESAAMLG*, i *Eastern and Southern African Anti-Money Laundering Group*.

E i malere ozordi mon tann bann Manm Lasanble Nasyonal pe kritik en pe sa bann negosyasyon, kan annefe ler zot ti la, zot Gouvernman ti la - i annan plizer bann

konvansyon, bann Lalwa ki ozordi nou pe enplimante ki *obviously* in apre bann diskisyon, ki Gouvernman avan e osi Gouvernman presedans in annan avek *ESAAMLG*.

Mon kestyon I, eski sa bann letan zot pe demann nou Gouvernman pou enkli zot dan sa bann diskisyon, bann Manm Lasanble. Eski zot Gouvernman ti enkli zot dan sa bann negosyasyon? Eski ozordi zot pe dir ki nou bann teknisyen, nou bann profesyonnel pa kalifye, pa konpetan?

Mwan mon annan konfyans dan sa bann teknisyen, sa bann profesyonnel dan lapolis e osi dan Minister Finans, pou fer sir ki ozordi nou pei, pa perdi zot *correspondence banking*. Akoz si nou perdi sa nou tou nou konnen ki pou arive.

Zis parey ozordi sa ki Larisi pe eksperyanse, kot dimoun pe ganny difikilte pou travel, akoz zot in perdi *correspondence banking*. Ou kapab mazinen si nou Sesel nou perdi sa. Nou bezwen met nou azour e *compliant* avek bann norm ek bann Lalwa internasyonal.

I malere ozordi zot pe demande pou zot ganny enkli lo sa bann Komite, lo sa bann diskisyon. Kan dan lepase

Gouvernman in enkli zot dan plizyer Komite parey *Platinum Committee*, kot zot *leader*, enkli *Leader Lopozisyon* ti sorti lo sa Komite Mr Speaker. La ozordi zot pe demande pou enkli zot ankor.

Mr Speaker, nou koman en pei nou pa kapab afford pou nou perdi *correspondence banking*. E nou bezwen pas bann Lalwa pou anpese ki blansisaz larzan dan nou pei, sirtou ki pou finans *terrorism*, i pa zanmen - i vin en keksoz lepase.

Akoz in annan bann ka Mr Speaker kot larzan, kot *terrorism* in ganny fasilite dan nou pei Mr Speaker. Mon kapab donn legzanp. E sa lamannman ki devan nou pe fer provizyon pou donn bann definisyon apropriye, pou fer distenksyon ant *act of terrorism and financing terrorism* Mr Speaker. I 2 keksoz sa.

E i annan bann lenstans dan nou pei ki'n arive, kot in annan bann *act of terrorism* dan nou pei Mr Speaker. Nou pa zanmen blyie Mr Speaker, dan nou pei in arive dan lepase, kot *bomb* in ganny met dan tant, dan sak vakwa Mr Speaker!

Bomb in ganny mete dan bann landrwa kot Radyo Sesel, kot *Reef Hotel* Mr Speaker. E zisteman resaman la, pa bokou

letan pase i annan bann dimoun ki'n kondannen. E bann ki afilye ek sereten parti politik Mr speaker, mon pa pou mansyonn non, ki'n kondannen ozordi ki ti anvi met *bomb* kot Stasyon Petrol Mahe. Tousala i bann *act of terrorism* Mr Speaker!

E zanmen mon pou blyie en lazournen nasyonal Mr Speaker, kot ti arive kot nou ti envit Lerwa Prempeh pou vin Sesel. Ti fer la - si mon pa tronpe anvil, kot ti annan en lalert konmkwa i annan *bomb*. En pti moman nou war Lerwa Prempeh avek son bann sekirite pe taye, lapo *Rhino* ganny kit deryer, akoz i dir i annan *bomb* Mr Speaker.

E sa in arive dan nou pei sa bann kalite, sa bann kalite keksoz. E pa blyie i annan en lenstans dan nou pei pou ankouraz *terrorism* dan nou pei, i annan en parti politik ki ti fer vini bann *Tanzanian*, pou *train* bann mersener pou fer koudeta dan nou pei Mr Speaker! Pou fer sa bann kalite *act of terrorism* Mr Speaker!

Mr Speaker, *financing terrorism*, Onorab Aglae in dir ou zanmen Sesel in *involved* dan *financing terrorism*. Be i blyi le fame saga Bato Malo, kot zarm ti ganny vann avek *Rwanda*, kot zenosid ziska

ozordi nou ankor pe ganny blanmen pou nou partisip dan zenosid *Rwanda*?

Kot nou Gouvernman Mr Speaker Gouvernman *SPPF* sa bann letan, ti vann zarm avek *Rwanda* Mr Speaker?

Mr Speaker, i annan plizyer keksoz ki'n arive dan nou pei pou fasilit e fer e pou nou osi ... i annan en kantite keksoz ki'n arive dan nou pei Mr Speaker, kot *terrorism* in ganny ankouraze.

Mon a donn ou en legzanp Mr Speaker, ki ozordi mon kontan ki nou Gouvernman pa pe fer sa. I annan en lenstans dan nou pase, kot nou Gouvernman ti pe vann paspor.

E nou paspor in ganny vann avek plizyer bann dimoun, en bann ki'n enplike avek bann *act of terrorism*. En bann ozordi in ganny kondannen Mr Speaker, bann dimoun ki nou pa ni konnen ki'n fer bann *act kriminel* partou dan lemonn, ki nou'n zis vann nou paspor avek. Tousala i bann fason ki *terrorism* i ganny ankouraze dan en facilite e ganny *finance* Mr Speaker!

Mr Speaker, zis pou mwan eksplik en pti pe ki mannyer ou *finance terrorism* sa diferans, *act of terrorism* ler ou fer sa akt.

E *financing* letan ou pe donn larzan ouswa ou pe

acquire bann keksoz ki pou ganny servi ki bann teroris pou ganny servi, parey *uranium* ouswa pou pey bann mersener, pou fer bann aksyon kot zot pou pran lavi dimoun.

Parey la si en dimoun in pey \$4000 pou pey en boug, pou touy en group dimoun. Pa konnen si i pou servi bann zarm toksik. Tousala i bann *form of terrorism* ki kapab ganny servi Mr Speaker. Kot ou *finance* bann dimoun pou pran lavi bann group endividé.

Mr Speaker, sa Lalwa osi pe fer provizyon pou donn en definisyon pou *define biological weapons and chemical weapons*, ki de diferan keksoz. So, la dan sa Lalwa i ganny fer kler kisia *biological weapons*, e kisia *chemical weapon*. I donn sa definisyon.

E ler ou pe koz lo *chemical weapon*, zis pou mwan donn legzanp, lager ki ti arive *Iran* ant Lanmerik avek *Iran*, annou pa blye akoz Lanmerik ti *invade Iraq*, zot ti *invade Iraq* lo preteks ki Saddam Hussein sa letan enkli son bann lezot siporter, zot ti pe fer bann *weapon and mass destruction*.

E bann zarm kemikal Mr Speaker. E sa letan ti annan en msye prominan politisyen prominan *Iraq* ki ti apel Ali Hassan Al Majid ti byen koni

koman *Chemical* Ali. Finalman i ti vin *Comical* Ali, akoz *at the end of the day* ti ganny arete.

I ti ganny atrape, sarze, kondannen a mor Mr Speaker pou zenosid. E Sesel osi resaman nou annan nou prop *Ali Ali*, ki'n sey antre dan pei ki li osi parey in ganny entersepte ozordi, ozordi i dan kaso. Mon pa konnen si i ti pe anmenn bann kemikal li osi, bann toksik, bann mon pa konnen. Selman nou'n annan sa bann kad dan nou pei osi.

Mr Speaker, *biological weapon* i bann *microbiological or over biological weapon* ki ganny servi dan bann *armed conflict*. I ganny servi pou *harm* bann dimoun, ouswa bann *military purposes*.

E *chemical weapons* i ganny servi osi en pe parey Mr Speaker, koman bann zouti dan *warfare*. Mr Speaker, koman zouti aminisyon, anpwazonn e *harm* bann dimoun.

E nou, nou bezwen fer sir ki nou pei i pa enn bann pei ki pe ede ankouraz finansman, sa bann tel aktivite Mr Speaker. Se sanmenm sa ki nou bezwen *compliant* avek sa bann norm, sa bann Lalwa bann Konvansyon Enternasyonal, ki annan plizyer Konvansyon ki nou'n ratifie.

E plizyer Lalwa ki nou pei i bezwen *enforce* pou fer sir ki nou pa pe ankouraz sa bann keksoz ki'n arive dan lepase, pou repet ankor dan nou pei Mr Speaker.

Akoz in arive, e nou bezwen fer sir poudir nou *compliant*. Mr Speaker, i annan en bann ki'n koz lo souvrennte nou pei,

"Arr fodre nou koz nou pei. Nou pei - nou lager pou nou pei, nou defann nou souvrennte."

Mr Speaker, me selman i malere ki sak lenstans dan Lasanble, kot nou annan bann loportinite pou nou defann souvren nou pei, pou nou lager pou nou pei pou nou koz pou nou dimoun, nou annan en parti ki tou le semenn pe *walk out* Mr Speaker.

Kan nou dan sa Lasanble nou pe kontinyen koze, e debat pou byennet nou pep Mr Speaker. Mr Speaker, en lot keksoz ki zot in dir ankor se ki an regardan sa, sa lamannman se ki, nou bezwen fer sir nou pa vann nou souvrennte Mr Speaker.

Me selman lekel pei, lekel sa Gouvernman dan lepase, ki'n anvi vann nou souvrennte Mr Speaker? Me se pa lot ki *United Seychelles*.

Zot ti oule vann nou Zil Lasonpsyon Mr Speaker! Se nou ki ti anpes zot vann nou zil Lasonpsyon Mr Speaker. Apre ozordi zot vin koz ek nou lo souvrennte, protez drwa nou pep. Kan dan lepase Mr Speaker, nou konnen tou nou bann aki, se zot ki'n akimil nou bann aki Mr Speaker. Nou pe koz protez nou pei kont zarm Mr Speaker.

Ozordi zarm pe ganny kasyet dan beton, dan lakaz en serten endividé, ki afilye avek en serten parti politik, ki ankor enn fwa i ankour mon pa kapab donn detay lo la. Akooz i en *case e i sub judice*.

Mr Speaker, so, ozordi nou bezwen fer sir ki nou protez nou pei. Nou fer sir ki nou pa perdi *correspondence banking*. E an menm tan nou pa ankouraz sa bann aksyon, sa bann keksoz sirtou sa ki konsern finansman *terrorism*, ganny ankouraze.

E ankor ganny fer dan nou pei Mr Speaker. Avek sa 2 mo, mon pa war naryen mal avek sa lamannman. E mwan mon pou siport sa lamannman. Mon dir ou mersi Mr Speaker.

(APPLAUSE)

MR DEPUTY SPEAKER

Mersi Onorab. Dernyen entervenan lo lalis, Onorab Pillay.

HON SEBASTIEN PILLAY

Mersi Mr Speaker. Bonzour Minis ankor enn fwa avek ou delegasyon, e sa 2 zofisyé lapolis. Zofisyé Sinyor lapolis ki la, mon rekonnet zot prezans dan Lasanble. E mon osi rekonnet prezans reprezantan Biro Attorney Zeneral, mon prezimen avek nou. Mersi.

Bomaten, permet mwan ofer zot en leskiz lo lapar Lasanble Nasyonal lo sa ladyare verbal ki zot fek ekoute. Fotespere...

(Interruption)

MR DEPUTY SPEAKER

Onorab! Onorab! Onorab! I annan diferan mo ki nou servi, ki nou kapab dekri. Ou kapab dir ki sa diskour pa ti alaoter. Me sa enn i zis *unparliamentary!* Silvouple, si ou ti kapab *withdraw* sa deskripsiyon. Mersi.

HON SEBASTIEN PILLAY

Mersi. Mersi pou ou gidans Mr Speaker mon ava *withdraw* sa ki mon'n dir *regarding* sa 'ladyare verbal' ki'n pase. Me mon ava plito dir par sa diskour ki parey Speaker, in dirk i pa

alaoter. Rezon mon dir sa Mr Speaker, se akoz sanmenm sa Onorab ki'n donn nou gous lay semenn pase.

Ok, i konnen sa bann zafer gous lay. Akoz probableman petet i annan serten, serten leksperyans personnel avek.

(Interruption)

MR DEPUTY SPEAKER

You are imputing improper motive towards another member. Bomaten mon konnen si ou ti dan lasal, mon'n kosyonn en Manm letan in fer en latak lo Onorab Loze. Silvouple, *let us keep the standard.* Mersi.

HON SEBASTIEN PILLAY

Mersi Mr Speaker. Mon prezimen tou dimoun pe war lakantite lenteripsyon ki mon pe resewvar, apre ki en diskour in ganny fer ki mwan mon pa'n enteronpe, ouswa dir okenn keksoz lo la.

Mr Speaker, mon krwar i enportan ki nou met keksoz an konteks. E nou koz keksoz parey nou devret.

Ou ganny ou en kote latab ki li i pe lager kont sa ki nou santi poudir i sa legzizans par bann pouvvar enternasyonal, pou kontinyen sanz lafason ki keksoz i ganny fer.

E pou kontinyen demann nou koman en pti pei pou *comply* ek bann keksoz. E ou ganny ou en lot kote latab ki plifere maltret sa kote latab. Ki li i e lager avek sa bann pouvvar ki pe met plis presyon lo nou.

Konmsi i montre ou de balansman psikologik ki nou annan dan sa Lasanble, premyerman.

Dezyenmman Mr Speaker, dan en fason tre kalm, nou pe koz bann keksoz terorizm eksetera ki zanmen in deza ganny prouve. E nou fer sa bann *statement* lo Radyo Nasional. E fodre nou konpran ki annan bann pouvvar la deor ki ekoute sa bann deba.

E ler ou pe fer sa bann *statement* koman en Manm Lasanble avek serten lotorite, sa bann lanbasad i tradwir sa ki ganny dir dan Lasanble. Ou pa kapab sitan stipid pou fer bann *statement* kot Sesel in *condone* terorizm, Sesel in *condone* isi, Sesel in *condone* laba, san ki ou mazin reperkisyon ou aksyon!

Ou bezwen komans balanse. Oule anvoy labou lo ou kanmarad, me si nou vire nou dir ou pli gro akt terorizm ki'n arrive dan sa pei, se ler en group dimoun ti anmenn mersener dan sa pei. E Minis mon krwar i konn sa tre byen li, *ok?* Nou ti

bezwen al dan sa letap? Mersener ti vin isi, konbyen dimoun ki ti pou'n mor?

Konmsi, nou oule koz tou keksoz tou keksoz dan nou fason, san ki nou konsider problemm ki nou pei i ladan. Se ki nou kontinyen war nou pe comply, pe ganny met lo *blacklist*, pe ganny met lo bann lalis nwar. Akoz zisteman nou pa'n fer isi, nou pa'n fer laba.

Me ou ganny ou en mazorite dan en Lasanble ki pas son letan dan plas fer sa, i pas son letan kritik son bann oponan, rod problemm ek son bann oponan retourn dan lepase, san ki nou kapab avans keksoz devan.

E sa oi montre nou, e mwan mon krwar i enportan pou nou met keksoz dan konteks dan sa pei. Ou konnen, yer nou'n prouve nou. *US in prouve yer li LDS i intellectually spent!* Ki mannyer nou'n prouve ki *LDS i intellectually spent* se atraver son Sekreter Zeneral ki'n admet zot in pran in pran en group *Allemagne* pou vin fer sesyon workshop ...

(mic switched off)

MR DEPUTY SPEAKER

Onorab! Onorab! Onorab, bomaten mon pa konnen ou ti

pe antre sorti, antre sorti dan Lasanble. Mon'n kosyonn bann Manm poudir *Order 59(1), we stay on the relevance subject matter. Workshop LDS napa naryen pou fer avek Prevention of Terrorism Act. Silvouple stay on the subject matter!* Mersi.

HON SEBASTIEN PILLAY

Mersi, mersi Mr Speaker. I enportan pou nou met sa bann keksoz an konteks. Akoz, lenterpretasyon Lalwa i en keksoz ki nou tou nou kapab fer. Me pa nou tou ki annan konpetans pou fer.

E ki Lalwa i kler lo ler ou sorti dan ou pei pou al rod siper avek en lot pei pou *revise* en Lalwa, oubyen pou vin fer *workshop* pou ed ou pou konpran en keksoz, i annan son reperkisyon.

E nou'n prouve i *successfully that is the case.* So, nou, nou issue lo sa kote latab i se ki, kan eski zot pou aret sey bat latet Seselwa, otour bann size ki napa naryen pou fer avek sa ki nou ti pe diskite dan Lasanble?

Mon'n ganny enteronpe pa plis ki 7 fwa. Depi ler mon'n komans koze, me par kont Onorab in ganny pou al dan tou size posib ki in anvi ale; Malo, lot eksetera, san ki ou'n enteronp li en fwa.

E sa i montre poudir malerezman akoz Lasanble Nasyonal i ganny *chaired* par en dimoun ki en Dirizan en parti politik, ou pa pou zanmen war ou ...

(Interruption)

MR DEPUTY SPEAKER

Mon pou enteronp ou ankor Onorab. Akoz bomaten ankor mon'n dir avek bann Manm ki dan Lasanble, “*Order 59(5) The conduct of*” en lalis dimoun ki enkli ou. *Why are you always targeting me?*

Mwan mon en politisyen. Wi, dan mon parti mon'n debout dan en eleksyon pou mwan ganny pozisyon Sekreter Zeneral. *What is the problem of the Leader of the Opposition with that? Eski sa pozisyon, i en pozisyon of Prevention of Terrorism? You are not talking on the subject matter Onorab.*

Mon pe zis demann ou pou reste lo *subject matter*. Entervenan avan ou in al dan sa bann direksyon akoz bann komanter ki ou kote latab in fer. I pe senpleman reponn, ou kapab reponn li, kit mwan an deor dan mon pozisyon koman Sekreter Zeneral silvouple. Mersi.

HON SEBASTIEN PILLAY

Mersi Mr Speaker. Mon pa ti ekspekte ou ganny lakoler avek sa. Me mon ava *retract*. Akoz mon war li drol, akoz mwan mon pe *address* Deputy Speaker Lasanble e non pa Sekreter Zeneral LDS.

So, mon pa konnen, mon pa konnen si i annan en distenksyon dan Lasanble oubyen non. Mon ti ekspekte poudir i annan en distenksyon dan Lasanble, be i byen ki ou'n fer mwan konpran ki napa en distenksyon. So, ...

MR DEPUTY SPEAKER

Onorab! Onorab Pillay, pa vin zwe malen avek ni mwan, ni ek Lasanble Nasyonal, ni Lepep Seselwa. *You said it, ok? So, mon pe zis kosyonn ou poudir you are, you are attacking my conduct dan sa Sez.* E ou pe anmenn mon lot pozisyon ki mon annan ki mon pa pe desarze la *right now*.

So, if you could please stay on the subject matter, which is the Bill devan nou Prevention of Terrorism (Amendment) Bill silvouple. Mersi.

HON SEBASTIEN PILLAY

Mersi Mr Speaker. Rezon akoz sa i *relevant to the subject matter is sa; when you have poor leadership*, ou pou war goalpost kontinyen ganny sanze

avek ou. E se sa nou problem ki nou annan. Akoz mon dir *poor leadership?*

An 2022, ok nou propoz en lamannman to the *Prevention of terrorism Act*. Ok? E an 2023, nou retournen nou propoz en lot lamannman. Be sa ki enteresan pou nou konpran koman Lasanble, menm seksyon ki nou pe amande ozordi nou fek fer en *substantial amendment to it not 1 year ago*.

Not 1 year ago nou fek pas sa Lalwa. E pou tou manm piblik ki anvi ganny sa Lalwa, i en pe partou i lo *website FIU*, i lo *website Labank Santral*.

E pou mwan sa zour, kote mazoriter dan Lasanble ti dekri sa lamannman koman enn bann pli bon lamannman ki bezwen ganny fer, pli bon lamannman - depi son eksper dan *Bar* ti sir nou bann pli bon lamannman ki annan ki bezwen ganny fer. Be, lan pli tar nou pe amann ankor.

E alors Onorab Loze i annan rezon pou li demande poudir, be from en perspektiv *leadership*. From en perspektiv abilite pou diriz pei, ki pe arive an sa ki konsern bann negosyasyon, kan nou fek fer sa bann lamannman.

E Lasanble ti aprouve a linanimite, tou lede kote latab pou sa bann lamannman. So,

en lamannman ki pa vo, pa ni annan lan an sa ki konsern *the use of the word terrorist ek terrorism* i ganny sanze.

And nou Lasanble Nasional nou zis aksepte. *This is what I meant by intellectually spent!* Mon pa bezwen al *Allemagne* pou rod sipor ek personn pou vin dir mwan sa!

(laughter)

HON SEBASTIEN PILLAY

Mon pa bezwen al *Allemagne* pou rod sipor pou vin dir mwan sa mwan. Ok? Mon pa bezwen al danse dan simityer ek gous lay pou mwan konpran sa! So, mon pa ganny en konpran ki mannyer koman en pei, koman en Leta souveren, nou pa ankor *come out e dir ok la, la sa bann Lalwa ki nou sipoze aranze and this is what we need to fix*. Kan nou pe fer keksoz *piecemeal as we go along*.

E mon pa pou *surprise*, si ankor dan 2 mwan, 3 mwan komansman lannen prosenn apre *SONA*, nou war nou pe fer en lot lamannman. Me ki sa ki enteresan?

E personn dan kote mazoriter, ki swadizan zot sipoze konpran sa, nou selman pe al koz lo en Lagreman avek *EU*, kot nou pe al donn *EU* loportinite an sa ki konsern

arms trafficking pou fer prosekisyon e enkarserasyon dimoun Sesel.

Swadizan zot bann gran koneser lo lot kote latab. Nou, nou pe *bend over backwards*, pou nou satisfer sa ki bann Eropeen pe demann nou koman en pei. Me selman *when it comes to compliance*, nou ganny *deregulated overnight*, nou ganny *blacklisted overnight without anything happening!*

Mwan sa i bann kestyon ki koman en Lasanble nou devret pe demande. Nou pa kapab zis kontinyen aksepte poudir keksoz i ganny sanze lo nou. E nou donn sitan kantite, nou met sitan kantite resours *just for the sake of what?*

So, dan plas lager avek nou, annou anmenn en lager koman en Lasanble kont sa bann pouvwar ki le enpoz *their will* lo nou. Sa ki nou devret pe fer.

E si ozordi bomaten mon kapab anmenn zot ansanm avek nou pou fer sa deba dan sa direksyon, se sa ki nou devret pe fer. I ti ava enteresan pou vvar Minis vi ki *ESAAMLG* in vin fer *assessment* kot nou, pou demann zot lekel ki zot *biggest funding agencies* ki donn zot larzan? *Where does the funding come from for ESAAMLG?*

E pou lenformasyon Lasanble, wi dan 6enm Lasanble, nou ti form par *assessment* ler i ti vini. Be ler ou Gouvernman in vin o pouvwar atraver ou Mr Speaker - pou Onorab Woodcock, ou Prezidan in deside pou pa enkli personn dan okenn keksoz ki ganny fer.

E la i loportinite pou mwan fer en *personal explanation* lo son Komite *Platinum*, ler son Minis Dezinyen ti dir mwan poudir sa ki ganny deside lo komite nou tou nou bezwen agree.

Mon ti dir ek li poudir mwan, mon pa dakor avek sa. Akoz se li ki pe anmenn sa size toulstan dan Lasanble. I enportan pou nou konpran sa! Nou annan nou en Gouvernman ki oule tou dimoun *comply* ek tou sa ki i dir a tou moman! I pa leka.

Zot kontan akiz tou dimoun lo tou size, blanm tou dimoun pou tou keksoz. Nou parti ti ganny blanmen dan deba *TRNUC* konmkwa poudir nou devret ganny *stricken off*.

Me la mwan mon krwar *LDS* i devret ganny *investigated* pou lafason ki zot in *conduct* en *workshop* avek led en azan etranze!

MR DEPUTY SPEAKER

You are going back to en pwen ki mon'n kosyonn ou lo la. E ki nou'n fini deal avek depi yer. Mersi.

HON SEBASTIEN PILLAY

Mr Speaker, annou regard serten lamannman prezan ki sa Lalwa pe propoze. E demann nou lekor *why is it material* ki en mo, i ganny zwe avek pou satisfer en definisyon? Annou get byen sa lamannman *to* sa section 5.

In fact sa Section 5 ki la ki pe ganny amande, was a repeal Section 5 konpletman. E en lot lamannman ti ganny ammennen pou li.

E Minis sa zour ti ammenn en lamannman. Mon rapel tre byen ou ti dir nou poudir sa i *based on assessment* ki zot ti donn nou. E foutkwa alors sa bann dimoun i donn nou en *assessment*, pa ni menm 1 an pase, dir nou fer sa, *and then* i retournen pa ni menm 1 an pli tar vin dir nou fer en lot keksoz?

Nou bezwen demann zot pou ki rezon, akoz zot pe abiz, zot pe *abuse* lo privilez ki nou donn Gouvernman pou ammenn Lalwa kot Lasanble ozordi.

E zot pe pran nou Lasanble pou en - term Kreol nou pa kapab servi dan Lasanble - be zot pran nou

Lasanble koman en naryen ditou! En lot keksoz ki enportan Mr Speaker, ler nou regard sa definisyon ki pe ganny propoze *in terms of definition of biological weapons and chemical weapons.*

Now, enteresan sa Mr Speaker.

Lemonn antye li e bann pei was in angaz zot dan en lager kont en lot Leta souvren - Larisi. Prezan tou dimoun pe ganny *drag into* sa lager. Parmi bann pwisans dan lemonn, ki annan kapasite pou fer WMDs napa bokou, me *Russia* i sertennman enn ant sa bann.

Me i osi annan bann laboratwar dan bann lezot pei parey Lasinn ki fer bann resers lo en baz syantifik lo sa bann domenn ki la.

E la i dir ou,

"Chemical weapons mean military purposes not connected with the use of chemical weapons or not dependant on the use of toxic properties of chemicals as a method of warfare."

Savedir ki i pe dir ou i oule *outlaw* tou resers ki ganny fer par en pei, apard en pei ki pou tonm dan en serten kategori.

Now, from en pwennvi miltilateral pou Sesel, nou bezwen konsidere what this means. Akoz at the end of the

day, sa pou vedir poudir nou ki pou bezwen fer de-regularised serten partner kle ki nou annan ki siport nou. Enkli Lenn, enkli Lasin, enkli Larisi.

So, mon krwar se sa ki mon ti a kontan ki nou pran bann parol ki'n ganny avanse lo sa kote latab ki i bezwen annan en prezans Lezislasyon an relasyon avek sa bann diskisyon, pou nou kapab konpran egzakteman ki lanjeu, ki lenportans direk sa i anmennen pou nou kapab fer sa.

Akoz la Mr Speaker, as it stands admeton ki nou pa fer sa bann lamannman, so, nou ganny war koman pa compliant. So, nou ziridiksyon i soufer lo en perspektiv correspondence banking. Nou soufer lo en lot perspektiv ki kapab grants oubyen dan bi lateral avek ant serten pei. What are we losing out? You, see?

Minister nou napa problemm siport okenn Lalwa ki ed Sesel. But at the same time nou bezwen fer sir poudir Sesel koman en pei souveren, i ganny respekte as such koman en pei souveren. E nou pa kapab zis play the fiddle, play second fiddle pou sa ki sa bann pei i met devan nou.

Mon dernyen pwen Mr Speaker, i relate lo formil sa

assessment li menm. Pou mwan i en kestyon ki mon bezwen demann mon lekor. Petet Minis i kapab reponn nou.

So, ESAAMLG i fer serten assessment nou konnen poudir Financial Action Task Force i en zouti Gouvernman Ameriken. Nou konnen poudir OECD osi i annan son bann legzizans. EU i annan pou li.

Nasyonalman mon prezimen poudir AML/CFT Committee i en landrwa kot tou sa bann keksoz i vin ansanm. Mon prezimen.

So, mon ti a kontan demann Minis ki reprezentasyon ki son Minister li menm i annan lo AML/CFT Committee. Eski li menm li Minis i asiz lo AML/CFT Committee? Eski se Komisyoner Lapolis ki asiz lo AML/CFT Committee?

Mon konnen i deza annan ACCS, Central Bank, Sekreter Deta pou Finans, mon krwar FCIU i prezan lo la. Me FCIU i prezan as en intervening agency.

Me from a policy perspective, eski i annan en reprezentasyon ki a permet nou pou kapab annan en pe plis lizye pou regarde kwa ki pe pase.

MR DEPUTY SPEAKER

One minute Onorab.

HON SEBASTIEN PILLAY

E mon dernyen pwen lo sa size prezan, i vin lo mon krwar sa Komite i devret vin pli *open*, pou nou kapab konpran kwa ki pe pase, ki pe ganny diskite la pou le moman la.

Akoz esansyelman sa ki Onorab Cosgrow in dir pou arive ankor, ler nou pou'n fini pe pas Bidze, nou pou war nou pe ganny ankor seri lamannman ki pou vin an relasyon ek bann Lalwa finansyel ki annan pou fer avek *deregularisation*, ki annan pou fer avek *black listing*.

Ki annan pou fer avek gard Sesel, lo bann lalis enternasyonal. Mon aksepte ki nou en pti pei, me i pa vedir ki toultan nou bezwen zis *bend over backwards* e aksepte sa ki bann pouvwar kolonyal i met devan nou. Mersi Mr Speaker.

MR DEPUTY SPEAKER

Mersi Onorab. Zis avan mon donn Minis laparol. Mon ti ava kontan zis met en sizesyon devan Lasanble Nasyonal, e nou ava pran en dernyen pwen ki Onorab Pillay in fer. Mon'n swiv sa deba bomaten, e mon vwar i annan en kantite

dezagreman ant le 2 kote lo sa size.

Me fransman sa i konsern Sesel. Nou koman en pei pou mentenir sa bann standar enternasyonal. *And I think*, propozisyon ki mon oule met devan Lasanble pou nou konsidere.

Pou nou annan en konversasyon avek sa *AML/CFT Committee*. Akoz vwala kot tou sa bann rekomandasyon i vini. E zot ki dwatet pe swiv pou asire ki nou *compliant* baze lo sa bann rapor.

So, mwan mon pe envit tou manm Lasanble Nasyonal pou nou fer refleksyon. Pou nou annan en konversasyon, zot ava vin isi fer en prezantasyon avek nou. Nou demann zot kestyon, akoz toultan sa bann Lalwa i retourn devan nou.

Nou annan en dezagreman politik kan vreman *the picture is much bigger*. Akoz sa i konsern nou pozisyon, nou standar, nou repitasyon dan kominote enternasyonal. E nou koman bann reprezantan bann piblik Seselwa, nou pa kapab les nou pei e nou pep desann laba anba.

So, nou bezwen annan en konversasyon avek *AML/CFT Committee*. Minister, aprezan le

moman in arive pou mwan donn ou *Right of Reply*. Mersi.

MINISTER ERROL FONSEKA

Mersi Mr Speaker. Mr Speaker, en moman enteresan ki apre ki mon'n ekout tou sa bann *submission* devan par diferan dimoun, i fer mwan trakase, panse, persepsyon. Ki mannyer nou pei Sesel i bezwen negosye, travay dan sa *global order* ki enportan ki nou *part of it*. E mon trakase.

Akoz okenn negosyasyon ki Sesel i fer, i bezwen pou en pozisyon lafors, en pozisyon for e en pozisyon entelizan. En keksoz ki pe anpes ou fer sa, i si ou komans en diskisyon e ou en viktim ou menm. Ou bezwen konn ou lafors byen ou.

E ler mon pe tann bann tel dimoun pe dir ou mon pe diskite akoz mon ganny oprese, mon'n ganny kolonize mon santi mwan koman en viktim i pe en bon resipi pou fer diskisyon.

Akoz ou pe komans lo en leta fay. E ou bezwen komans lo en lepa for. Akoz lo en lepa for, ou pou war ou bann loportinite. E menm bann loportinite ki pa tro la devan ou, ou pou rod li dan sa bann pti zwen, pou ou fer pli bon pou nou pei Sesel. Me koman en viktim ou vin *blind to the opportunities*.

E sa nou'n war, nou'n war dan en pei, dizon nou'n war dan lepok mon koleg a kote i sorti *Zimbabwe* li. I konnen bann lepok ler Dolar *Zimbabwe* ti apepre *30 trillion to 1 US Dollar*. Dimoun ti napa manze; lamizer dan sa pei. E sa bann nide ki ou pa for, ou pa war ou pa servi lentelizans ek lafors, i anmenn ou dan sa direksyon.

Les mwan donn zot en legzanp lo ki'n arive ek sa bann Lalwa ki nou pe pase. Ozordi nou annan en *strong offshore business*. Mon pa tro asire mon krwar dan 15 an a 20 an sa in komanse Sesel. Ti napa bann *financial business* ki nou annan ozordi, dan *financial sector*. E ler sa ti komanse, ti napa Seselwa ladan vreman. Ozordi laplipar i Seselwa ki pe *run it*.

E zot pe fer byen. E pou zot kapab fer byen, nou bezwen anliny ek bann *global requirements* pou nou benefisyé lo sa. *I mean*, ler mon ekout serten rekomandasyon, be nou pe al dan en presipis. Si nou pa kapab war kote nou bann, nou bann oportinite i ete.

Ler nou get sa ki mon fek propoze la devan, i enportan e tou sa bann *organised crime* bann defi ki nou pe gannyen ozordi, ki nou annan en bon *legal finish*, sansan tou bann louvraz, tou bann zefor, tou sa

bann travay ki nou pe fer, i ganny zet anba si ou napa en *proper legal finish*.

E nou sanse ki dan nou bann negosyasyon, dan nou bann partisipasyon dan *ESAAMLG*, ki zot gid nou lo la. E wi pou annan plis.

Onorab in dir, *Leader Lopozisyon* kan nou pou vin ankor plis. Akoz? Akoz *crime* i *fluid*. I annan en gran sanzman dan pei, dan lemonn ozordi menm ek *digitalisation* to sa bann nouvo sityasyon.

E nou, nou bezwen anliny ek tou sa bann diferan keksoz ki pe vini. E sa *change* ozordi i ariv sitan Onorab sitan vit, ki si nou pa *keep up with the change - in effect* ki pe arive *we are going backwards*. E nou pa oule *go backwords, do we?*

Egzakteman. So, basically annou pa anmenn bann largiman senp, akoz nou pe retournen. Akoz nou la pou travay nou. Zot la pou travay? Nou la pou travay.

Si nou bezwen vin 10 fwa pou fer nou keksoz vin pli byen pou nou ganny plis loportinite pou Sesel nou pou vini, nou pou travay.

E sa i enportan ki nou konpran sa, nou la pou travay. E sa sityasyon i pou arive akoz parey mon'n dir sityasyon i *fluid* dan lemonn ozordi.

Si ou krwar nou travay pou reste dan blok, ou pa pou war ditou an deor sa blok. Me pa zis lo *financial sector* ouswa lo *legal part of it*, annou get *organised crime* ozordi.

Organize crime, financial organize crime i link up laplipar ditan ek *terrorism*. E nou'n war bann *failed state*, nou war ki pe arive dan *West Africa especially ok*, kot krim in antre ladan. E nou, nou konn nou problem isi Sesel. Nou konn nou problem, sa diferan kalite krim ki pe vini.

E mon pou sezi sa loportinite, mon pa oule tro al dan detay ozordi. *Next time* mon vin dan Lasamble mon pou donn zot detrwa rapor, pou eksplike ki mannyer sa bann *organize crime* i anzandre. E nou pe fer en kantite zefor pou *deal* avek sa.

E ler ou annan en bon Lalwa, ler ou kapab *prosecute* vitman, apre ganny en rezolisyon apre ou ganny sa gran mo ki apel *deterrence*.

E *deterrence* i fer ou vin *safe and secure*. Nou, nou annan *border* isi, nou *borders* i gro. E les mwan dir zot, zanmen, zanmen, zanmen nou pou kapab patrol nou *border* nou tousel. Nou bezwen korperasyon.

E ozordi ki nou'n war, nou remarke ki *European Union* i enterese ek *Indo-Pacific*. Akoz *90 percent of their goods*, zot bann *income*, zot bann *trade* i pas dan nou lakoupe.

E ler nou war zot enkyet lo zot bann *chain* biznes - zot *security* zot bann *chain* biznes nou, nou sezi sa loportinite. Nou dir la ou bezwen fer sa pou nou. Akoz nou pa kapab patrol nou landrwa. So, la en lot loportinite ki nou pe sezi.

Sa kalite louvraz ki nou pe fer ozordi ek *UNODC*, lo *regional centre*. E sa *ESAAMLG* i enportan lo. *ESAAMLG* i *regional, East African Regional Anti-Money Laundering Team*.

E regional corporation i zis fason nou pou domin Losean Endyen. E la pe arrive la, nou annan *regional courses*. I annan Somalyen ladan e diferan ... *being funded by the UN - UNODC United Nations Organisation of Drugs and Crime*.

So, basically ki mon pe sey dir zot, annou pa get keksoz *narrow* ek wi mon'n ganny viktimize, wi isi laba. Nou, nou bezwen *stop feeling sorry for ourselves and get on*. Rod loportinite pou Sesel and travay dan benefis Sesel.

Mr speaker, mon krwar ek sa 2 pti mo, mon'n les zot

konpran lenportans sa bann lamannman. Sa bann lamannman ki mon pe demann zot pou pase ozordi, pou *perfect* nou *legal finish* dan sa gran defi ki nou pe fer, pou fer *Sesel secure, safe* pou kontrol nou bann *border*.

E an menm tan pou ankouraz bann zenn marmay ki anvi al dan *financial sector* pou ganny en bon benefis lo sa sekter.

Kot sa bann *income* ki vini, pa sorti Sesel sa bann *income*. Sa bann *income* i sorti deor. E sa i loportinite, *come on guys-ok?* Sa i sa loportinite ki nou kapab zet anba ki en kantite Seselwa pe viv lo la. Mersi Mr Speaker.

MR DEPUTY SPEAKER

Mersi Minister pou *the Right of Reply*. E aprezan in ler pou nou pran en vot lo merit zeneral sa *Bill*. Donk, mon ti ava demann tou bann Manm Lasanble ki vot an faver pou endike silvouple? Mersi. Eski i annan okenn Manm ki kont? Mersi.

Donk, vot lo *Second Reading of the Prevention of Terrorism (Amendment) Bill, 2023*. Nou annan 18 Manm ki'n vot an faver, napa personn ki'n vot kont. I annan 9 Manm ki'n *abstain*. Alor sa vot in pase.

Aprezan mon ava demann Madanm Deputy Clerk, pou fer en *Second Formal Reading of the Bill* silvouple.

MADAM DEPUTY CLERK

Mersi Mr Speaker.

A Bill for an Act to amend the Prevention of Terrorism Act (Cap. 179) in order to bring clarity to the definition of “Terrorist Act”. Mersi.

MR DEPUTY SPEAKER

Mersi Madanm Deputy. Donk, prezan nou annan en pe letan, nou pou travay ziska midi edmi la. Nou pou bouz dan Committee Stage pou nou regard sa Bill pli an detay. Serzan?

Mersi. Donk, nou dan Committee Stage. E parey labitid nou pou demann Vice Chair of Scrutiny of Bill Committee Onorab John Hoareau pou lead nou diskisyon silvouple.

HON JOHN HOAREAU

Mersi Mr Chair. Mr Chair nou premye lamannman i ganny trouve lo paz 3, dan *long title of the Bill* li menm. I lir koumsa,

“An Act to Amend the Prevention of Terrorism Act, (comma) (cap 179) in order to bring clarity to the definition of “Terrorist Act” and for other

connected or incidental matters.”

MR DEPUTY SPEAKER

Mersi.

HON JOHN HOAREAU

Dezyenm lamannman i lo clause 1. After the word “(Amendment)” dan dezyenm laliny nou retir sa mo “Bill” nou met “Act”.

Trwazyenm lamannman i lo amendment of section 2. Nou retir “(Cap. 179)”.

MR DEPUTY SPEAKER

Hold on. LGB i annan en keksoz pou dir.

HON BERNARD GEORGES

Yes, mersi Mr Chair. Mr Speaker, mon pe regard short title. Son punctuations mark a lafen, eski i en comma oubyen en full stop? Si i en comma, i devret en full stop. Mon war li en pe sonm lo mon...

MR DEPUTY SPEAKER

I en comma actually.

HON BERNARD GEORGES

It should be a full stop.

MR DEPUTY SPEAKER

It should be a full stop.

HON BERNARD GEORGES

Yes.

MR DEPUTY SPEAKER

Savedir i annan en lamannman la. Ou ava kontinyen kot ou ti'n arrive.

HON JOHN HOAREAU

Alright. Nou al lo clause number 2. I lir koumsa “Section 2 of the Prevention of Terrorism Act (Cap. 179) (hereinafter referred to as the principal Act) is” nou pe tir sa mo “hereby” nou kontinyen avek “amended in the definition of “terrorist act” by repealing” nou insert sa mo “repealing” apre i kontinyen “paragraph 9”.

MR DEPUTY SPEAKER

Savedir ou pe tir “repeal of”?

HON JOHN HOAREAU

“Repeal of” yes. Nou pe tir “repeal of”, nou’n ranplas li par “repealing”. Nou al lo lot amannman. Amendment of section 3, ankor nou retir “Cap. 179”.

Clause 3 aprezan. “Section 3 of the principal Act is amended in subsection (1)(a)(iv) sorry (1)(a)(iv)” prezan nou retir “the deletion” nou met “deleting” of the word “facilitate”. Deleting “the word” sorry. Not “of the word”. Nou pou retir “of” la, “and” ...apre and nou retir “the” nou kontinyen avek

“substituting therefor the word” “facilitated”. Mersi.

MR DEPUTY SPEAKER

Lo sa pwen Onorab Pillay ou annan en konsern?

HON SEBASTIEN PILLAY

Mr Chairman, wi. Mon oule konnen egzakteman ki nou pe fer, pou mwan ganny en konpran la. *Ok, original version of the Act section 3 (1)(iv) ok? “facilitated the Commission of the terrorist act” the word is “facilitated”.*

Probably subsequent amendment in sanz “facilitated” to “facilitate”. Now we are changing it again? Akoz sa ki nou pe repeal the word “facilitate” e substitute the word “facilitated”.

Me in the original version of the Act, the word is already “facilitated”. Nou pe refer to the “facilitation of a Commission of a terrorist act”. The version of the Act which is in 2004 unless in annan en subsequent amendment ki nou pa konnen, to sub section 3.

MR DEPUTY SPEAKER

Can you say that in English to facilitate the understanding of the legal draftsperson?

HON SEBASTIEN PILLAY

I was not aware that the legal draftsperson is not Seychellois.

MR DEPUTY SPEAKER

Really?

HON SEBASTIEN PILLAY

Yeah. I was not aware of that. I was under the impression that she was a Seychellois.

MR DEPUTY SPEAKER

I did mention her name this morning. We could tell by her last name, that this is not a Seychellois.

HON SEBASTIEN PILLAY

I-I'm not a -I do not judge people by their last name Mr Chairman, ok. So, what I am saying is that in the original Act of 2004 legal draftsperson, I see that the word for section 3 we already have the word there are 3 words. There are 4 words used; one is "committed", two is "attempted" three "participated" and four "facilitated". In the original Act.

I find that in our amendment that we are making now, that's why I'm wondering whether there was a subsequent amendment to before this one, that changed that word "facilitated" to "facilitate". I am trying to understand why we have the amendment being done.

Well, I'm reading the Act now, as it is. The word "facilitated" already exist. Thank you, Mr Chairman, I will like the draftsperson to clarify.

MR DEPUTY SPEAKER

Honourable Hoareau wants to say something first.

HON JOHN HOAREAU

Mr Chair, dan sa Bill ki mon pe gete 2004, sa mo i "facilitate" not "facilitated". Pa konnen ki bor Onorab in vwar sa mo "facilitated".

MR DEPUTY SPEAKER

Can we clarify this? Onorab Pillay, which version of the law you...

HON SEBASTIEN PILLAY

Mr Chairman, mon pe lir en version of the law ki mon'n download from SeyLII. Akoz apre nou annan, mon'n download tou bann subsequent amendments.

MR DEPUTY SPEAKER

But SeyLII is not authoritative, that's may be the problem.

HON SEBASTIEN PILLAY

The point that I'm making Mr Chairman is that is the original version of the law that is there without the amendments, that

have been consolidated. And according to this version, subsection 3 specify entity order” where the Attorney General has reasonable grounds to believe that an entity has knowingly committed, attempted, participated and facilitated the Commission of a terrorist act.”

I'm reading this one now Mr Chairman. I am sure if Honourable Lemiel look at hers, it will also come out as “facilitated”.

MR DEPUTY SPEAKER

But she is also looking at SeyLII's version.

HON SEBASTIEN PILLAY

But there is no other version for the Bill for 2004...

MR DEPUTY SPEAKER

The version that you are ...

HON SEBASTIEN PILLAY

... I do not know which version that you are looking at.

HON JOHN HOAREAU

(Off-Mic)

MR DEPUTY SPEAKER

Put your mic on please.

HON JOHN HOAREAU

The version that I am looking for is 2004, edited 2010.

MR DEPUTY SPEAKER

And this one is from the Office of the Attorney General. So, this is the authoritative version?

HON JOHN HOAREAU

Yes.

MR DEPUTY SPEAKER

Yeah. SeyLII we cannot trust. It is not authoritative.

HON SEBASTIEN PILLAY

Thank you, Mr Chair. The point I am making to the Honourable Minister, is that in 2004 we have used the word “facilitated”. Fast forward 2023, minus an amendment in 2010, we change the word to “facilitate” probably on the basis of an assessment from ESAAMLG or another body.

And now we are being asked again to change the word back to where it was in 2004. Your version that you are looking at Honourable Hoareau is the version of the amendments of 2010. Ok? Dated 2010. The point I am making is the original version of the law in 2004, used the word “facilitated”.

Thereby we are enforcing the point that we were making Minister. It was not about us

negotiating from a point of weakness. It is about understanding why these changes keep happening, even when we have made the changes initially.

MR DEPUTY SPEAKER

But certainly, Minister you want to say something?

MINISTER ERROL FONSEKA

Yes, Mr Speaker. This is as simple as eggs and beans. It is just i would think, it is just a typing error. Because you cannot make such a mistake a change, where the preceding sentence is as knowingly. It is impossible to use any other word but “facilitated”.

So, if it appears somewhere that it was not, it is not an amendment. It is someone ... wrongly type to ... Thank you very much.

MR DEPUTY SPEAKER

So, at this point I have to rule that we have to go with the version that the Vice Chair of the Scrutiny of Bills Committee is using. Because this one is from the office of the Attorney General, that is what we consider as the authoritative document for the National Assembly, not SeyLII.

HON JOHN HOAREAU

Thank you, Mr Chair. In fact, i was going to make exactly the same argument, that the Minister has made. Because after the word “has knowingly” you cannot use any other word. Must be in the past tense.

Alright, so we continue.

MR DEPUTY SPEAKER

Amendment to section 5.

HON JOHN HOAREAU

Sorry?

MR DEPUTY SPEAKER

We are on amendment to section 5. The next one.

HON JOHN HOAREAU

Yes. Ok. Lo paz 4, nou al lo clause 4 “section 5 of the principal Act is amended in subsection (3) by” olye “deletion” nou met “deleting” “the word” nou retir “of” nou met “the word “Terrorism” and nou retir “with” “and substituting therefor the word “terrorist”.

Nou al lo amendment of section 12, nou retir sa bout “Cap.179” at the end. Aprezan lo clause 5 “section 12 of the principal Act is amended by deleting the word “provides” when it first appears and

substituting therefor” nou retir “of” “the word “provide”.

MR DEPUTY SPEAKER

Nou annan en pwen la? Onorab Cosgrow?

HON WALLACE COSGROW

Thank you, Mr Speaker. Sorry for taking you back to section 4. On my version of the tracked version, “section 5 of the principal Act is amended in subsection (3) by “the deleting” do we still have “the” on the... because that’s my version that I have.

So, it should not be “by ‘the’ deleting” it should be “by deleting”. Are we removing “the” or because it was something that we mentioned in the....Ok. It was mentioned in the Bills Committee, did we not do the cleaning of the Bill before it came before the Assembly?

But “the” still appears in the text here. So, do we keep “the” or we remove “the”?

MR DEPUTY SPEAKER

Yeah. Propose that we remove the “the”. Because in my version the “the” is still there. There needs to be a deletion of it. So, please propose that amendment.

HON WALLACE COSGROW

Ok Mr Speaker. I’m proposing that we remove “the” in the text. So, that it reads “by deleting”. Thank you.

MR DEPUTY SPEAKER

I think it is a very minor, we accept it. We proceed. That you very much Honourable Cosgrow.

HON JOHN HOAREAU

Mr Chair, I’m reading the actual correction, the tracked version. So, I think that the panel and the members should be following what I am reading.

MR DEPUTY SPEAKER

Non. Sa ki i pe dir Onorab Hoareau, normalman letan nou pe tir en mo nou annan sa laliny. Me i napa dan mon versyon, ni pou li napa.

So, savedir i pa pe endik nou poudir i ti merit en deletion. So, prezan nou pou bezwen propoze ki sa i ganny fer. Ou konpran nou? I annan sa enn la zot in manke. Mersi. Onorab Georges ti annan en pwen ki i ti le fer.

HON BERNARD GEORGES

Similar point Mr Chair. In clause 5, amending section 12, the first word which is being deleted which is the word “amended”, in our version has been deleted. It should not be, because

otherwise it does not read properly. The word “amended” should be retained.

And to the extent of that it has been “deleted” in the tracked version that we have; I move that it be brought back. And that word “amended” should not be deleted.

So, that the clause reads, “Section 12 of the principal Act is amended by deleting the word “provides” when it first appears and substituting therefor the word “provide”. Thank you.

MR DEPUTY SPEAKER

Ok, I think this one also is a minor one. Ou ok avek sa Onorab Hoareau? Akoz pou mwan osi tou i koumsa. Ale.

HON JOHN HOAREAU

Alright we are going to amendment of section 15. We “delete Cap. 179”. We continue with clause 6 “section 15 of the principal Act is amended in paragraph (a) by deleting”. So, nou’n tir “the deletion” “deleting “of” i ganny retire. So, by “deleting the word “knowing” and substituting therefor the word “knowingly”.

So, sa mo “substitution of” i ganny retire after the word “and”. Follow?

MR DEPUTY SPEAKER

Wi, la i korek.

HON JOHN HOAREAU

Nou al lo amendment of section 20B. Nou retir “Cap.179” deryer. Nou al lo clause 7, “Section 20B of the principal Act is amended by” nou retir “the deletion” nou met “deleting” “the definitions” nou retir “of” deleting sorry. “deleting the definitions of “biological weapons” and “chemical weapons” and nou retir “substitution” nou al lo substituting therefor the following”. Nou retir “of the following” at the end.

Apre i kontinyen avek son definisyon pou “biological weapons” avek “chemical weapons”. Nou kontinyen aprezan lo paz i annan en pti fot numbering after (iii), olye “(e)” i vin “(b)”, olye “(d)” i vin “(c)”.

Nou al lo Amendment of section 20D, nou retir “Cap.179”. Nou al lo 8 clause 8(a)(i). In paragraph (ii) “by deleting the letter “a” before the words “terrorist or”. Kler?

(ii) aprezan “in paragraph (iii) by deleting the letter “a” after the word “by”.

Nou al lo subsection (b) “in subsection (3D) ...

MR DEPUTY SPEAKER

Ou pa’n sot 8(a)iii)?

HON JOHN HOAREAU

Yes, (a)(iii) “in paragraph (iv) by deleting the letter “a” after the word “of”. Ok?

Nou al lo (b) aprezan. “in subsection (3D) in paragraph (d) by deleting the words “on behalf”. (Full stop) Or” and substituting therefor the words “on behalf of or”.

So, nou’n tir en full stop avek *after the word “behalf”*. I kler? Sa ti dernyen lamannman pou sa Bill Mr Chair. Mon propoze ki preznan nou kapab *proceeds to votes*.

MR DEPUTY SPEAKER

Mersi Onorab Hoareau. Aprezan nou kapab *reconvene* dan Lasamble. Nou ava demann Serzan pou bouz Mes silvouple. Mersi.

Sete Chief Whip LDS ki ti move Mosyon pou *First Reading*. So, nou ava *Second Reading*. For *Second Reading* so, nou ava demann ou pou move Mosyon for *Third Reading*.

HON SANDY ARISSOL

Mersi Mr Speaker. Bonn apremidi ankor enn fwa tou bann Manm e tou dimoun a lekout.

Mr Speaker, mon oule move ki anba Order 76(1) mon move ki *Bill Prevention of Terrorism (Amendment) Bill, 2023 - Bill No.17 as amended this time i ganny lir en Trwazyenm Fwa*. Mersi.

Terrorism (Amendment) Bill, 2023 Bill No. 17 as amended this time, i ganny lir en Trwazyenm Fwa. Mersi.

MR DEPUTY SPEAKER

Mersi Onorab Arissol. Nou ava demann segonde. Onorab Hoareau.

HON JOHN HOAREAU

Mr Speaker, mon oule segonn sa Mosyon. Mersi.

MR DEPUTY SPEAKER

Mersi Onorab Hoareau. Aprezan nou kapab *reconvene* dan Lasamble. Mon ava demann Serzan pou bouz Mes silvouple. Mersi. Sete Chief Whip LDS ki move Mosyon for *Second Reading*. So nou ava demann ou pou move Mosyon pou *Third Reading*.

HON SANDY ARISSOL

Mersi Mr Speaker. Bonn apre midi ankor enn fwa tou bann Manm e tou dimoun ki a lekout. Mr Speaker, mon oule move ki anba Order 76(1) mon move *Bill Prevention of Terrorism (Amendment) Bill, 2023 - Bill No.17 as amended this time i ganny lir en Trwazyenm Fwa*. Mersi.

MR DEPUTY SPEAKER

Mersi Onorab Arissol. Nou ava demann segonde Onorab Hoareau.

HON JOHN HOAREAU

Mr Speaker mon oule segonn sa Mosyon.

MR DEPUTY SPEAKER

Mersi. Le moman in arive pou nou pran en vot lo *Motion for Third Reading*. Tou bann Manm ki an faver silvouple. Mersi. Okenn Manm ki kont? Mersi. Mersi Madam Deputy.

Vot lo *Third Reading of the Prevention of Terrorism (Amendment) Bill, 2023 as amended* 17 Manm in vot an faver, napa Manm ki'n vot kont e i annan 8 Manm ki'n abstain.

Mon'n poz en pti kou la akoz bann sif in sanze konpare avek *Second Reading*. So i annan bann Manm in sorti dan lasal. Me tout menm sa *Bill* in pase.

Donk, aprezan mon ava demann Madanm Deputy Clerk pou proceed avek *Third Reading of the Bill please*.

MADAM DEPUTY CLERK

Mersi Mr Speaker.

This Act may be cited as the Prevention of Terrorism (Amendment) Act, 2023. Mersi Mr Speaker.

MR DEPUTY SPEAKER

Mersi Madanm Deputy. Donk, sa in anmenn nou lafen nou sesyon avek *panel* ki'n la depi bomaten. Mon ava dir zot mersi bokou pou avek nou. Delegasyon ti pe ganny dirize par Minis pou *Internal Affairs* Mr Errol Fonseka.

I ti akonpannyen par de Komisyoner Lapolis bomaten. Nou'n dan *good company* sa se Mr Ned Wirtz avek Mr Antoine Desnousse. E osi Manmzel Donna Muganhiri ki *Assistant Principal Legislative Drafter* sorti kot Lofis Atorni Zeneral. Mersi pou zot prezans. Nou ava eskiz zot e apre nou ava fer zis de pti *housekeeping* avan ki nou adjourn for lunch.

(Minister Errol Fonseka and his delegation were excused from the House)

MR DEPUTY SPEAKER

Bon avan nou kontinyen. Avan ki nou *adjourn*, mon war lanmen *Leader* Lopozisyon anler?

HON SEBASTIEN PILLAY

Mersi bokou pou akord mwan loportinite, pou fer en demann avek Lasanble Nasyonal. Mon konnen apre midi nou pe sipoze al debat lo en Konvansyon, ki annan en lenportans

miltilateral e enportan pou nou pei. Me serten konponan sa konvansyon pou *involve* serten desizyon ki Gouvernman i bezwen pran, lo en pwennvi ziridik lo en pwennvi zafer entern.

Sa ki nou pe demann lo nou kote latab, eski nou kapab la ganny lendikasyon si nou pou kapab *turn Lasanble into a Komite?* Pou ki nou kapab ganny en prezantasyon ki ganny fer par bann dimoun ki'n *deal* ek sa dosye kot *Foreign Affairs?*

Ki ava eksplik nou ramifikasyon pa zis legal, me finansyel ki sa desizyon ki nou pe al pran konmann Lasanble Nasyonal pou anmennen.

Parey ou konnen Linyon Eropeen i en *partner* miltilateral enportan pou nou pei. E nou ti a kontan fer sa desizyon dan en fason pli enformen posib, avek annan tou lenformasyon posib lo sa dosye.

Mon pa konnen si i pou en keksoz ki Lasanble i kapab konsidere. Si non, *then* nou ava *move* en Mosyon e nou a gete si Lasanble i dakor pou fer li. Mersi.

MR DEPUTY SPEAKER

Mersi Onorab. Sa ki mon ti ava propoze ou fer, akoz i annan en veikil anba *Standing Orders* ki

kote *LDS* in servi a plizer repriz avek Fon Pansyon, avek *Air Seychelles* mon rapel. Kot pandan *Electoral Commission*, pandan Mosyon nou'n *move* en Mosyon pou *go into Committee Stage and call in the -*

So mwan mon ti ava propoze ki - *I cannot decide this* akoz *this the floor* ki bezwen *move the Motion and vote on it.* Me ki mon ti ava konsidere *the two Leaders and the two Whip* i deside.

Akoz si nou pou fer sa *we have to enform bann teknisyen* avan pou met zot pare pou vini.

So, mon pa pou antre ladan akoz i en desizyon ki *the Floor* ki pou pran. So, my advice i zis pou bann *Leaders* vin ansanm e deside. Nou pou *adjourn* la nou pou zwenn ABC 1er kar. E mon konnen poudir Komite *MYSCC* pe zwenn avek bann *SNYC*. Donk sa i nou travay pandan *lunch break*. Onorab Arissol?

HON SANDY ARISSOL

Bonn apre midi ankor enn fwa. Letan ou'n mansyonn bann *Leaders, Chief Whip*, mon'n ganny dir par Manm *IAC* poudir Manm *IAC* zot in zwenn avek sa bann dimoun konman en Komite. E lo sa Komite i annan de group. I annan group lo kote

LDS e i annan group lo kote parti minoriter.

So deza in annan serten lenformasyon mon mazinen ki zot in gannyen. Me selman pa anpes nou pran sa lot pa.

Me selman mon ti anvi partaz sa lenformasyon ki mon pe ganny sa avek mon bann Manm, pou dir zot in deza annan sa enteraksyon avan zisteman sa Mosyon i ganny mete lo *Order Paper*. Mersi.

MR DEPUTY SPEAKER

Ok, mon war lanmen Onorab Aglae akoz mon konnen i pe al reponn ou akoz i en Manm IAC - mon sa. Mon pa anvi ki sa deba i al dan piblik this is housekeeping of the National Assembly. Mon'n donn en konsey bann Leaders get together dan lunch break la, deside and then Lasanble ki move or not. Mwan mon dan Chair mon pa pe antre dan sa zistwar. Fer sa. Nou pou rezwenn 2er. Mersi.

(BREAK)

MR DEPUTY SPEAKER

Bonn apre midi tou Manm Onorab, e tou dimoun ki pe swiv nou travay pour ozordi. Byenveni pou sa sesyon apre midi. Nou pou kontinyen avek nou *Order Paper*.

Prosen item se Mosyon ki dan non *Leader of Government Business*, Onorab Bernard Georges. Mon ava envit ou pou prezant Mosyon silvouple.

HON BERNARD GEORGES

Mersi Mr Speaker. Bonn apre midi Mr Speaker. Bonn apre midi tou bann Manm Onorab, e tou bann dimoun ki pe swiv nou.

Mr Speaker, apre midi mon annan en *ratification Motion*. I en Mosyon ki ase long. Avek ou permisyon mon ava lir li. Mosyon i lir koumsa;

In accordance with Article 64(4) of the Constitution, this Assembly resolves to ratify an Agreement in the Form of an Exchange of Letters between the Republic of Seychelles and the European Union to Facilitate the Transfer by a Member State of the European Union of Persons Arrested and Detained under its National Law of Participating, Off the Coast of Somalia, in Violation of the United Nations Arms Embargo on Somalia or in Narcotic Drugs Trafficking.

Signed by Seychelles on 3rd August 2023.

Mr Speaker, mon ti a kontan koz lo sa Mosyon. E parey nou labitid mon ti a swete aret la, pou le moman e ziska ki Mosyon i ganny segonde. Mersi.

MR DEPUTY SPEAKER

Mersi Onorab Georges. E mon ti a kontan demande lekel ki pou segonde? Onorab Samynadin.

HON KELLY SAMYNADIN

Bonn apre midi Mr Speaker e tou dimoun ki a lekout. Mr Speaker, Mosyon i ganny segonde. Mersi.

MR DEPUTY SPEAKER

Mersi Onorab. Onorab Pillay?

HON SEBASTIEN PILLAY

Mersi Mr Speaker. Vi, ki nou annan en Mosyon ki'n ganny segonde ki'n fini ariv devan Lasanble, Mon ti a kontan demann ou anba *Order 84* ki nou konstitye Lasanble dan en Komite, pou nou kapab bann zofisyen konsernen. Dan sa konteks si posib Minis pou Zafer Entern, pou kapab donn nou en prezantasyon lo sa Lagreman.

E ki nou a kapab demann serten kestyon pou demann en pe plis klarifikasyon. E ki ava osi ed piblik pou ekoute e tann sa bann klarifikasyon ler pe ganny demande.

Mon ti a kontan *move* sa Mosyon, annakor avek Lord 84 ki dir poudir,

In any matter, other than matters considered under the

procedure on a Bill, or financial procedure, a Member desires that the matter be considered in a Committee of the Whole Assembly, the Member may move, without notice, that the Assembly shall immediately or on a future sitting day, resolve itself into a Committee of the Whole Assembly, to consider the matter.

Mon pe sizere - mon pe request ki Lasanble i constitute itself into a Committee straightforwardly, apre ki mon'n move sa Mosyon e ki'n ganny segonde.

E si i ganny laprouvasyon Lasanble pou ki nou kapab al dan en Komite pou nou kapab fer sa sesyon kestyon. E ki bann panelist i a kapab reponn bann kestyon ki bann Manm i annan. Mersi. *I beg to move* Mr Speaker.

MR DEPUTY SPEAKER

Mersi Onorab. *Motion is seconded.* Onorab Lemiel?

HON SYLVANNE LEMIEL

Mersi Mr Speaker. Bonn apre midi tou dimoun. Mosyon i ganny segonde. Mersi.

MR DEPUTY SPEAKER

Mersi. Aprezan laranzman in ganny fer ki i annan en *panel* ki pou avek nou. Nou ava demann

madanm reporter pou nou – *we take a vote. Ok akoz mon pe get Order 84 it doesn't mention a vote. 84(2) it says constitute itself without question put. But if we want to take a vote we will take a vote.* Akoz mwan mon *read* ki i annan konsansis. *But we will take a vote. You want to vote, no problem. Ok, the Assembly agrees.*

Very well. In annan – nou ava kriy bann delegasyon ki pou zwenn nou. Wi an atandan kit zot pe vini nou ava constitute to a Committee. Serzan i ava fer li neseser?

Nou ava dir bonn apre midi *panel* ki fek zwenn nou dirize par Minis pou Zafer Entern Mr Errol Fonseka. (Minis bomaten ou ti'n ale, mon ti krwar ou'n al net en pti moman ou'n retourn ankor) Koumsa travay Lasamble i ete kapab ariv nenport keksoz nenport ler.

I annan detrwa lezot dimoun ki'n akonpanny li sa se Raymond St Ange ki *Commissioner of Prisons.* Mr Christian Faure ki *Director General* pou *Regional Affairs Division* dan Departman Zafer Etranzer.

I osi annan Mr Georges Thatchett *Principal State Counsel in AG's Chambers* avek Madanm Sandra Michel ki

Legal Advisor kot *Foreign Affairs* ki asiz lo site *Official Table. Welcome to the National Assembly.*

E savedir ki mannyer nou pou *proceed* la, se ki nou le *panel* i donn en kontrandi lo sa ratifikasyon. E apre nou ava donn en peryod kestyon avan ki nou kontinyen avek deba. So, Minister. Onorab Georges?

HON BERNARD GEORGES

Mersi Mr Chair. Mr Chair, mon ti'n *brief* Minis en pti pe taler lo lefet ki ti pou en *question/answer.* Annefe Minis in spesifikman demann mwan si i bezwen fer en lentrodiksyon. E mon ti dir se mwan ki pou fer sa lentrodiksyon ler mon prezant Mosyon. Me nou pa'n fer sa.

Mon ti anvi zis ki kekfwa ou a kapab dir avek Minis, si i annan en lot dimoun dan son *panel* ki kapab fer sa lentrodiksyon, i ganny drwa deziny sa dimoun. Mersi.

MR DEPUTY SPEAKER

Wi akoz nou dan Komite, so they are free to speak, because we are in Committee Stage.

MINISTER ERROL FONSEKA

Mersi Mr Speaker. Mr Speaker, obviously the points apre midi pou anmenn sa Lagreman ki'n

ganny pase through Cabinet le 23 Zen. E ozordi nou le obviously anmenn sa devan Lasanble pou zot laprouvasyon. Mersi Mr Speaker.

MR DEPUTY SPEAKER

Mersi. Donk bann Manm ki annan kestyon zot ava endik mwan e nou ava proceed. Onorab Pillay?

HON SEBASTIEN PILLAY

Mersi Mr Chairman. Mr Chairman avek ou permision mon pou demann ou, eski i posib pou nou vi ki nou dan Staz Komite, pou nou kapab koz plis ki en fwa lo nou bann kestyon? Mersi.

MR DEPUTY SPEAKER

Sertennman. Solman mon krwar nou bezwen set en time limit. Maximum mon pou donnen, i depan mannyer nou ale i kapab pli kourt. Selman maximum mon pou donnen 3er edmi. Then nou ava release the panel, ki letan nou retournen nou ava pran Mosyon itself.

Me solman be prepared depandan la kantite Manm ki le koze. I posib ki nou pou travay apre 5er. Nou pa pou pouss sa – nou pa pou anmenn sa semenn prosenn. Ok, mersi.

HON SEBASTIEN PILLAY

Mersi Mr Chairman. Mr Chairman petet premye kestyon ki mon ti a kontan demande, not necessarily address to the Minister. Be nou annan nou nou'n deza annan Mr Faure isi and we have Mr Thatchett here; ki nou ti a kontan gannyen se en overview as to why ki Sesel pe angaz dan sa Lagreman on a multilateral level?

Why is Seychelles engaged in this agreement on a multilateral level with the European Union?

And what does this entail for the country? So that we can get a brief overview. And we have more questions to ask in relation to the specific nature of the commitments that we have to make as a country in relation to the agreement. Thank you Mr Chairman.

MR DEPUTY SPEAKER

Thank you Onorab Pillay. Lekel ki pou reponn lo panel? Minister?

MINISTER ERROL FONSEKA

Mersi Mr Speaker. Mr Speaker, pas ek Mr Faure from the Foreign Affairs, apre mon a kouver en pti detay on the operational side. E Mr Faure i a kouver en pti gin lo relasyon ant EUNAVFOR ek European Union ek Sesel. Mersi Mr Speaker.

MR DEPUTY SPEAKER

Mersi. Mr Faure.

DIRECTOR GENERAL
CHRISTIAN FAURE

Mersi Mr Speaker. Bonn apre midi tou Manm. Sa Lagreman ti ganny *initiate from Operation ATALANTA*. Sa misyon ki ti ganny *deployed* ler nou ti pe *deal avek the issue of piracy initially*.

Me selman apre parey zot okouran *piracy in sort of suppressed*. Nou kontan dir *not totally eradicated - nou keep an eye on it*. Me selman i *more a less anba kontrol*.

Me ki nou'n war, se ki nou'n war bann *newer and more - a newer emerging threats, newer emerging issues post-piracy. And par egzamp the rise in drug trafficking*. E osi nou war bann eleman *arms and weapons trafficking*.

So ler nou'n fer bann diferan rankont baze lo *maritime security* nou'n realize, ki nou bezwen *deal avek now look beyond piracy and now look at the newer more emerging threats in a more holistic and more comprehensive manner*.

So Linyon Eropeen lo son kote in *sort of extend e aziste son manda, son Operation ATALANTA, ki pou operate dan*

nou rezyon. Pou *now look at the newer and more emerging threats parey mon'n dir - drug trafficking and weapons trafficking*.

So nou'n antre dan en negosyasyon pou konklir sa Lagreman, ki *basically* lafors *Operation ATALANTA* ki *do the operations sort of catch; catch bann perpetrators* ki pe angaz zot dan *drug trafficking and weapons trafficking*.

E i *handover to Sesel* kot nou, nou *provide the legal finish*. Well, prosekisyon ki *involve* *prosekisyon lanprizonnman*. That's *basically it*.

MINISTER ERROL FONSEKA

Mr Speaker, zis mon a pran en pti gin lo *after* sa ki Mr Faure in eksplike. *Basically, the European Union* i pe kontribye anba enplimantasyon *United Nations Arms embargo within the coast of Somalia, to counter narcotics and illicit traffic and drugs in that area*.

Nou Sesel nou pe pran sa loportinite pou servi sa deplwayman, sa bann diferan assets maritime ki nou konman Sesel nou pa pou kapab – nou napa sa kalite assets pou kouver sa lespas *area*, ki pa zis enkli nou prop *area of nou economic zone*, me menm an

deor sa nou napa sa posibilite pou fer sa.

Alors sa Lagreman i permet nou pou servi sa bann *asset European Union* ki nou, nou kapab otoriz li pou fer bann loperasyon dan nou delo *exclusive economic zone* - nou *territorial water and internal waters* and nou extend sa lotorizasyon ki nou ki kontrole at any moman, for flagged and Seychelles flagged vessels.

And menm si i annan en Seselwa lo en *non-Seychelles flagged vessel*. Ki savedir sa? Nou'n deza war en sityasyon kot nou ti annan en dimoun ti ganny pran otaz lo en *non-Seychelles flagged vessel*.

E la i permet nou servi sa bann *asset European Union* pou intervene. With no cost to us at all.

So la bomaten, mon ti a pe koz lo loportinite. La i donn nou en loportinite klerman, kot nou annan sa posibilite pou servi sa bann assets. E sa bann loperasyon koumsa, i ganny kontrole par nou centre - the *Regional Coordinating Centre* Sesel. Nou ki coordinate sa bann loperasyon koumsa.

E savedir ler nou pe coordinate sa bann loperasyon osi nou annan total kontrol lo sa bann loperasyon. Nou kapab aret li. Nou kapab fer nenport

keksoz, akoz kontrol i dan nou lanmen lo sa bann loperasyon.

Natirelman i annan en lot - sa lo en *specific operation*, i annan en lot *area* ki nou anvi servi sa bann fasilite ki e lo nou deterrence.

Basically, zis pou annan at okenn moman plizyer bato ki pe zet en koudey dan nou maritime area zone. E pa zis dan nou zone an deor, akoz sa bann menas ki pe vin kot nou i sorti dan diferan landrwa. Normalman anler dan *flagrant coast* pe desann bor isi. So nou ganny sa abilite, pou prevwar bann sityasyon pou anpes li arriv dan nou bann delo.

So la i en sirkonstans kler ki nou annan ek *EUNAVFOR* e tou sa bann loperasyon i ganny funded under the *MAZE Programme*. E osi sa Lagreman isi, i permet nou pou nou prosecute bann dimoun ki'n fer sa bann lofans. E sa prosecution, nou pe ganny lasistans osi pou extend nou bann Lalwa pou nou devlop nou bann Lalwa si posib.

Apre pou ganny sa bann legal support ki nou bezwen pou fer sa bann louvraz. I annan bann lezot *logistical* lasistans ki nou bezwen pou fer sa louvraz. Menm pou tenir prizonnyen isi Sesel, e nou bezwen deside.

E sa ki bon osi ek sa Lagreman *whether* pou deside pou pran, pa pou pran se nou ki pou deside a okenn moman.

I annan sityasyon ki Atorni Zeneral i pou dir i pa pou kapab fer sa, pou rezon ki petet prizon i plen ouswa petet nou pa oule fer li. Nou kapab aret sa bann loperasyon e retourn okenn prizonnyen *back* lo sa bann bato ki zot in vini.

I annan plis detay lo la. Mon krwar pou enstan mon a les bann Manm demann mwan en pe plis kestyion lo la. Mersi Mr Speaker.

MR DEPUTY SPEAKER

Mersi Minister. Onorab Pillay ou annan klarifikasyon?

HON SEBASTIEN PILLAY

Thank you Mr Chairman. Mr Chairman, avek ou permisyon mon prezimen eski tou dimoun lo panel i koz kreol? Oubyen i annan dimoun lo panel ki koz Angle? I annan dimoun lo panel ki koz Angle non?

So for the benefit of the whole panel I am going to ask the question in English. E mon pou bezwen sey repet li pou piblik an deor. Mr Chairman, maybe Mr Thatchett can weigh in here. We are going to do the legal finish, meaning we are going to do everything from

prosecuting, incarceration and ensuring that incarceration.

Now we already have concerns currently with the prison as it is. Ok, now dernyen fwa ki mon'n tande la mon pa konnen si korek, mon a ganny korize, nou annan kondannen nou annan dimoun ki'n dan prizon, ki'n mor la. Ki'n passed away an relasyon ek bann size medikal, ok?

E si nou pe ganny difikilte sirtou bann kondannen ki annan bann problem kronik maladi kronik. E la nou pe pran bann *high profile prisoners*. Nou pe met zot lo zil e nou pe *incarcerate* zot, ki pe anmenn en lizye medya lo nou.

Are we satisfied that nou annan sa kapasite, pou nou fer sa complete legal finish from deal avek sa prosekisyon, enkarserasyon e maintain en standar pou en enkarserasyon? Sa i first question that I have.

Do we have the capacity to do the legal finish from prosecution and maintaining a level of incarceration, that ensures that it miss the norms, international norms because we would have high profile prisoners in relation to this?

Now dezyenmman, keksoz ki mon ti a kontan klarifye Mr Speaker, ler mon pe get sa

Lagreman, EU i dir koumsa poudir i rekonnet *limited capacity* ki nou, nou annan Sesel pou nou *deal* ek sa problem.

I ti menm parey tou dimoun ti rekonnet *limited capacity* ki nou ti annan, ler nou ti *deal* ek problem piratri. Be Sesel ti *ended up carry the burden; the majority part of it* Sesel ki ti *end up carry - pa EU* ki ti *carry!*

E ladan prezan en lot keksoz ki enteresan i dir nou koumsa, nou pa pou kapab fer transfer en prizonnyen, si sa pei ki'n met li dan nou *custody* pa aprouve pou nou fer sa. Be problem ki nou pou annan se ki si par egzant sa pei ki'n met sa prizonnyen dan nou *custody*.

Let's say Italy e i annan en dispit avek en lot pei dan larezyon. E sa prizonnyen i en resortisan sa lot pei ki nou Sesel nou annan en bon relasyon ek sa pei - par egzant Turkey.

Nou pa pou kapab fer transfer sa prizonnyen *Turkey* akoz *Italy* ki'n donn nou sa prizonnyen. So, *what does that mean* ki sa i vedir pou nou lo en pwennvi bilateral bann relasyon bilateral ki tranzaksyonnel pou Sesel, ki permet nou ganny bann benefis

atraver sa relasyon ki nou annan? Mersi Mr Speaker.

MR DEPUTY SPEAKER

Mersi Onorab.

MINISTER ERROL FONSEKA

*Thank you Mr Speaker. Thank you Onorab pou ou kestyon. I annan 3 bout dan sa kestyon. I annan enn *legal finish, incarceration* apre sa *clause of transfer of prisoners*. Mon a *deal* ek sa dernyen mwan mon menm.*

*Me pou enstan avan mon al lo *legal finish*, mon a pas sa avek *Commissioner of Prisons to talk about incarceration. Commissioner.**

MR DEPUTY SPEAKER

Sertennman *Commissioner*.

COMMISSIONER OF PRISONS

RAYMOND ST ANGE

Thank you Minister. Mersi pou kestyon Onorab. Mr Chair – (Creole and English ok.) Mersi pou ou kestyon. Wi nou'n ganny lensidan where we had an inmate who succumbed to an illness and passed away.

And in fact he is funeral is this afternoon. I will be attending with the family. So nou kondoleans pou fanmir. This situation is - we talk about chronic illness is a reflection of

society, and when somebody gets convicted, they go to prison and things can happen, for sure. It's not unique to the Seychelles.

Be se pou sa rezon ki stratezi ki si i annan en lakor ki Lasamble i dakor and we enter into this agreement with European Union, Operation ATALANTA, that there would not be a mixing of inmates where you can call them high profile. There would not be a mixing of inmates with those at Montagne Posée.

I personally visited Marie Louise some weeks ago, with the European Union and UNODC. And I must command at the IDC for excellent maintenance of the facility to date. And they would not be a major turnaround, if we can get the approval for us to prepare and get Marie Louise back on-line commissioned. Because she's already declared a prison.

That's that bit. We work very hard Onorab, to counter the negatives that an inmate or inmates can have when they are incarcerated. It's not an easy task. I know you know that as well. You have visited and thank you for your visit few months ago.

We try our best. Malerezman with human nature, things can happen. And

we do respond proactively and we are managing a situation. I just want to profite pou dir ki last year we launched our HIV Roadmap Hepatitis plan, along with Lasante and other keys stakeholders.

In fact, that was supposed to be at Aids Control Management Programme with World Health right now. But the Minister called me to attend, so we are here.

So work is on multiple fronts, multiple levels and risk managing everything that comes to us, for those who are addicted, those who succumbed to illnesses, high profile inmates, those on remand. The work is there. But we work to a standard and every day we are improving. Thank you.

MR DEPUTY SPEAKER

Mersi. Minis, oule azout keksoz lo la?

MINISTER ERROL FONSEKA

Yeah, Mr Speaker. Mon a demann Mr Thachett pou kouver the legal finish.

MR DEPUTY SPEAKER

Please proceed.

PRINCIPAL STATE COUNSEL GEORGE THATCHETT

Thank you Minister. As far as legal finish is concerned, once this agreement is ratified by the Assembly, we may need to amend certain laws. Misuse of Drugs Act and Firearms and Ammunitions Act. Once this is ratified, that will give the jurisdiction to the Courts of Seychelles to try such offences.

And there is already a provision preserving the right of Attorney General, to review the files forwarded to us for prosecution. To see the sufficiency of evidence. And also there is a right that Seychelles can at any time decides not to prosecute any transferred prisoner.

And I believe that will be sufficient to cover the legal finish. And we have the capacity, we can do the – from our experience in dealing with piracy trials. We are sure that we can cover this legal finish issue. Thank you.

MINISTER ERROL FONSEKA

Mr Speaker, i annan en dernyen pwen ki Mr Thatchett pa'n kouver, e sa clause kot bezwen averti EU ler nou pe retourn en prizonnyen. E sa clause i ganny mete pou en rezon, ki nou pa pran en dimoun isi, nou anvoy dan en pei ki kot *death sentence* i ganny kouver lo

bann zafer drugs. Nou pa annan drwa fer sa e sa en clause.

Apre ou pou war dan sa – Mr Speaker ou pou war dan sa Lagreman under 7 i annan en series of human rights requirement, treat human treatment trans to be promptly brought before a judge. To be entitled to a reasonable time, to prepare the defence fair and public hearing by a competent person, presumed innocent until guilty.

So, i annan en kantite under 7 a series of human rights requirement ki EU in met lo nou. E nou tonm dakor pou swiv sa. Because parey zot konnen isi nou pei nou support human rights. Nou'n lager pou human rights pou kantite lannen. E obviously we are happy very happy ek sa. Mersi Mr Speaker.

MR DEPUTY SPEAKER

Mersi Minister. Prosen Mann lo lalis se Onorab Lemiel.

HON SYLVANNE LEMIEL

Mersi Mr Chair. Bonn apre midi Minis ankor ek ou delegasyon e tou dimoun a lekout. Minis, ou'n fer resorti ki i annan bann lasistans ki European Union li menm, pou donn Sesel pou nou kapab petet met sa bann lenfrastriktir mon pe mazinen an plas.

Eski ou pou kapab enform nou petet la mwan mon ti a kontan konnen. An term finansyel petet eski zot annan en sonm larzan ki *European Union* in dir i pou kapab donn Sesel, pou nou met an plas sa lenfrastriktir? Mon lot kestyion ti lir lo ki zil petet mon'n tann nonm Marie Louise.

E letan nou pe regard lo kote mon'n demann bout larzan. Mon ti a kontan konnen osi si i annan resours an term imen, dimoun ki *EU* pou donn ou osi pou *beef up* en pti pe lo kote resours imen, ki petet Sesel or kot prizon pou pe donn sa lasistans letan zot al Marie Louise? Mersi Mr Chair.

MR DEPUTY SPEAKER

Mersi Onorab. *Panel* ou larepons?

MINISTER ERROL FONSEKA

Mersi Onorab pou ou kestyion. Yes, Onorab *in fact* sa loperasyon antye *if you get para 2, i en commitment of EU to fund the operations. Over and above - over and above* sa *MAZE* programm ki egziste. Sa *MAZE* programm i egziste la nou *top up* tou nou bann loperasyon menm ozordi. Tou nou bann loperasyon ki nou pe fer nou fre *Coast Guard* par egzanp.

Nou fre avyon, son *fuel cost* i annan en *rate per hour*. Tousala so called akoz ler i annan en loperasyon ki nou pe fer i ganny *sanctioned*, nou bezwen ganny *sanctioned by EU*. This is a joint operation. I ganny peye anba sa *MAZE programme*. That is existing - pe arive sa.

Now sa i on top of that, sa ki nou pe fer. Initially zot in donn nou en *advance of US\$ 1.5 million* - Sorry *EU - European - Euro*. But the operation itself the facilitation parey nou bezwen *enhanced* nou bann *legal areas if there needs to be, you know*. Sa bann lezot keksoz i a vin lo loperasyon of this operation.

So, i annan de bout la, en? I annan *MAZE programme*, apre i annan *the management of* sa kontra ki nou pe fer. E nou'n ganny *advance already*. Mon pa konnen si in arriv dan nou kont, but we have been given an advance.

E the rest of the keksoz ki nou bezwen, i annan obviously it would be funded according to para 2.

Now lo *human resources*, byensir nou bezwen osi *human resources especially to deal with the legal side*.

Mon pe rod par egzanp nou loperasyon *ARSI* osi. Nou

napa en *legal person* a se moman pou get nou bann loperasyon ler i pe arive. So, sa bann keksoz koumsa nou pe gannyen ek zot.

En lot keksoz mon bezwen dir sa Lasanble ki dan nou *ARSI* i osi i annan en reprezantan *EU* permanan. Si nou bezwen aret loperasyon sa ki nou bezwen fer zis nou bezwen *direct* sa dimoun, nou lentansyon konman en Gouvernman.

Nou pa bezwen al ekrir let. Nou kapab *follow up* ek en let, me selman okenn loperasyon ki pe arive sa en keksoz ki nou'n met dan kontra. Akoz ki nou pa ti anvi perdi kontrol a okenn moman.

So nou annan en dimoun permanan *which is a permanent staff* dan *ARSI* osi. E sa Gouvernman i kapab dir mwan pran en desizyon lo *whatever* sityasyon. E zis mon bezwen donn sa direksyon kot *ARSI* osi e *ARSI* i ganny arive. So, mon krwar mon'n kouver tou bann kestyon. Mersi.

MR DEPUTY SPEAKER

Mersi. Ou annan klarifikasiyon Onorab?

HON SYLVANNE LEMIEL

Wi Mr Chair. Konmsi mwan mon ti anvi konnen *the whole project itself* i bezwen in fini

ganny bidzete. La in donn en €1.5 milyon. *So the whole project itself* ki *EU* i anvi vin fer isi Sesel, eski zot annan en nide konbyen i pou al arive?

E petet osi sa klarifikasiyon ki mon ti a kontan sa 1.5 ki *EU* in donnen, sa €1.5 milyon ki bann travay la konmsi - parey si sa - *definitely* i pou aprouve, ki bann travay ki zot annan la ki zot pe konmans fer avek sa €1.5 milyon? Mersi.

MR DEPUTY SPEAKER

Minister ou pou pran sa enn la?

MINISTER ERROL FONSEKA

Yeah, mon kapab zis Mr Speaker, sorry mon kapab donn zis en ti breakdown allocation of sa 1.5. I ti ganny allocated by 665.344 in terms okenn refurbishment of prison, Marie Louise wherever we decide to do that.

B). En lot 263, 860 mil pou bann lekipman ki pou bezwen ganny annan. Lekipman special equipment - tou bann reinforcement ki nou pou bezwen ek sa landrwa.

Expert services pou obviously plan everything. I annan en amount of 398,000 dizon 400,000. Apre administrative cost in ganny breakdown 272, 566. Sa i zis en rough allocation it's not detailed

obviously. Be selman zis en rough thing.

But basically Onorab, sa ki ou bezwen konpran the real operation i deor lo lanmer. Sa pa pe kout nou nanryen sa. Sa nou pa peye sa zis nou request sa.

E this is lavantaz ki nou bezwen konpran sa. Nou nou'n pti pei, nou kapab request. Nou annan nou bann centres ki annan good surveillance system now. Nou demann zot pou fer.

E nou kapab demann zot pou fer nou, pou asiste nou beyond our waters. Be akoz zot, zot annan jurisdiction everywhere according to UNCLOS. So great advantage for Seychelles. Mersi Mr Speaker.

MR DEPUTY SPEAKER

Mersi Minister. Onorab Aglae.

HON EGBERT AGLAE

Mersi Mr Chair. Minis ankor enn fwa bonzour avek panel. Minis mon annan de leklersisman anvi ki i pou pase sa Lagreman definitivman, mon ti a kontan petet konnen la kan ki sa mazin pe pran lefe? Ok?

E dan clause 2 ou annan Linyon Eropeen i rekonneta poudir nou annan serten limited capacities pou enplimant serten bann rekomandasyon ladan.

So baze lo sa premyerman, i annan sa laspe sekirite premyerman, ki letan ou pou annan sa bann fasilite laba lo zil.

Eski letan nou pou annan akoz la nou pa pe koz piratri i en lot kalite dimansyon aktivite e kalite prizonnyen. La nou pe koz bann arms traffickers avek bann drug dealers, ki well organised dan en sans, e parfwa zot annan bann gran pwisans lafors finansyel ki kapab deryer zot pou fer sa bann kalite aktivite.

So premyerman, laspe sekirite letan i annan bann enkarserasyon ki ganny arive lo zil, nou war poudir the security is well equipped. Eski bann programm i an mars pou kapab si fodre al fer recruitment li menm, pou anpe?

Akoz nou lo en zil laba ou pa kontan si demen i annan en attempt pou vin tir enn zot dimoun laba, you never know. Nou pa swete sa i arive. Sa i enn.

Dezyenmman i bann konversasyon. Ou konnen akoz letan nou pe get beyond devlopman Sesel nou annan osi bann lenvestisman dan domenn touristik, ki pe ganny fer lo outer island, ok?

E annou pran kont tousala. I annan ki ase pre - pa

sitan pre me selman ase pre avek Marie Louise li menm, ki nou pa konnen ki kalite bann devlopman, ki kapab annan lo sa bann zil. Eski zot pe pran kont osi tousala poudir i kapab annan serten lefe ekonomik?

E dernyen se mon konnen dan *meeting* avek Lotorite, Prizon in fer nou konpran poudir zot pe *involve* zot osi ladan pou zwe en rol sirtou dan laspe *oversight*. Nou'n war bann lenstans sirtou avek loperasyon letan Marie Louise ti la, ki ti met serten bann group prizonnyen.

E enn bann pli gran konsern pou ganny travayer ki pou travay laba lo sa landrwa. Akoz Seselwa i mazin ti lwen. In ganny pa mal *issues* pou kapab *keep* travayer.

So eski zot pe osi mazinen pou ganny bann lezot lafors sipor etranze, pou kapab ede, pou kapab gard sa landrwa *up and running*, avek tou son bann *staff* ki i pou bezwen? Parey en *proper fledged*. I sipoze en *high security prison* osi mon mazinen.

Akoz sa bann kalite prizonnyen ki pou al ganny transfer laba. Eski zot pe met tousala annord? E dernyerman i konsern bann kou *additional, ok?* Byensir Linyon Eropeen pe donn en *upfront 1.5million*. Apre

nou konnen *running cost* pou run sa *all along*.

Eski petet i annan en lot konversasyon ki pou ganny fer, pou fer sir ki nou pa zis pe – nou pe kontribye? Byensir akoz nou pe *see over* nou souvrennte nou lanmer. Me osi i annan sa kou legal osi, ki ganny atase pou ou kapab prosekisyon - fer prosekisyon.

So eski sa osi pe ganny pran kont dan sa bann Bidze, pou fer sir Sesel pa war li *in the end* li tousel, pe fer bann prosekisyon pe depanse? Mersi.

MR DEPUTY SPEAKER

Mersi Onorab. *Panel?*

MINISTER ERROL FONSEKA

Mersi Mr Speaker. Mr Speaker, premye keksoz lo kestyion *the prison services to manage the place*. Mon a pas sa ek *Commissioner*, apre mon a kouver pou bann *areas* lo *security aspect*. E bann sekirite li menm sa landrwa ki ou'n demann plizyer kestyion lo la.

MR DEPUTY SPEAKER

Mersi. *Commissioner?*

COMMISSIONER OF PRISONS

MR RAYMOND ST ANGE

Thank you Mr Chair. I will continue in English because we

have a panel member Mr George tou ede an Kreol osi.

Onorab, mersi pou ou kestyon and the context of prison operations from Marie Louise, we have already done our homework and the research and the background.

And yes, we do understand constraints for human resource. And we do understand the security needs for this facility on Marie Louise.

Having operated the facility before and the short answer is yes, we have a manpower identified, through our MOU with the Tanzanian Prison Service.

In fact, we are receiving staff Monday and then remainder staff before the close end of the year. And then into the next year as well will be getting more staff.

So, our operations will be mostly foreign-based staff with appropriate training that they already are bringing. And appropriate security apparatus and equipment, weapons. Prenon kont sa ki ou'n dir pou asire ki we can defend, we can protect, we can maintain, and we can also safeguard inmates in our custody and care. Mersi.

MR DEPUTY SPEAKER

Mersi Commissioner. Minister?

MINISTER ERROL FONSEKA

Yes, mersi Mr Speaker. Mr Speaker, zis pou kontinyen en pti gin konsern Onorab lo kestyon sekirite zeneralman.

Ou'n mansyonn tourist. Ou'n mansyonn sa kalite dimoun ki ou pou annan laba. Definitivman. Me sekirite i enportan, me an menm tan pou enstan ki nou annan ozordi?

Nou annan en problem ozordi ki sa i a kouver li. Akoz en kantite nou bann *investment* ki nou'n fer dan nou bann zil, i pa neseserman *adequately protected*. Ou konnen ou menm, mon pa le al koz lo bokou *weakness* ki nou annan.

Me selman ek sa si oule, menm si ou pe *deal* ek en karakter, me sa i pou donn ou en sans, pou annan plis dominasyon lo nou bann zil elwanye, lo tou nou bann teritwar Sesel.

So mwan mon war sa en lavantaz, akoz normalman krim i antre en landrwa. Letan i war en *weakness* letan i war en *vacuum* i antre. Me si i annan aktivite en landrwa, e sa pou anmenn serten kantite aktivite, i pou donn ou sa *deterrence*.

So an tou leka ler nou balans sa sityasyon lo sekirite, mon krwar i dan nou faver. Me selman naturelman en lot

lavantaz, ki nou annan i bann *surveillance system* e bann *access* ki nou pou annan lo *intelligence, global intelligence, regional*. Tousala ki pou donn nou en kantite *foresight* lo sa bann *threats* ki kapab dan nou landrwa.

So, mon kontan ou'n demann sa kestyon *because* sa i donn nou sa plis sa deterans dan sa *region*. Nou Sesel ek sa - *in fact* ki nou'n fer nou, nou pe pran en *leading role in the region* ek tou nou bann lezot *partners*.

Zot osi zot enkli ladan. *Kenya* i enkli ladan. *Madagascar, Moris, La Reunion and all*. Zot tou zot enkli ladan selman nou, nou pe pran li en pti pe plis pou nou pran sa *leading role* baze lo kot nou ete. Nou dan sant Losean Endyen e mwan mon krwar sa i enportan.

I enportan dan tou sa bann rezyon en pei i al en pti pe pli devan; met son zepol en pti pe pli devan e pran kontrol keksoz. Be selman nou korperasyon ek sa bann zil i enportan osi. E nou pe koz ek zot osi lo sa bann zafer *burden sharing*.

Nou nou'n komans met en lipye devan. Nou le zot osi vin ek nou, travay ek nou pou nou donn sa rezyon antye. Akoz tou bann trafik ki *supply* Sesel, *the*

region through Suez Canal tousala, i pas dan nou bann rezyon. E nou tou nou annan en lentera lo la. Mersi Mr Speaker.

MR DEPUTY SPEAKER

Mersi Minister. Ou annan -

HON EGBERT AGLAE

I annan zis dernyen pwen lo kote *the running cost itself financial aspect* ki mon ti a kontan -

Par egzanp la eski prizon nou pou bezwen al donn li en larzan adisyonnal Lotorite Prizon dan Bidze pou li kapab - ?

COMMISSIONER OF PRISONS

RAYMOND ST ANGE

Thank you Mr Chair. Mersi Onorab pou ou kestyon. If we are looking at timelines by time everything is done parske Onorab Lemiel osi in demann lo training, capacity building.

Mon anvi azoute profite poudir *by coincidence* nou plan stratezik i pe konmans nouveau plan stratezik 2024-2029. I annan 4 pwen.

Enn dan sa pwen se plis *training* avek atraver *University of Seychelles*. E en pe sa larzan ki *EU* pe donne i baze lo *Dynamic Security Training based on human rights-based training*. So, *by the time all of*

these measures are done and applied and approached, nou, nou pe war ki dan nou lespri, nou pe war ki Marie Louise avek tou bann preparasyon ki bezwen ganny fer. I ava vin operasyonnel mid-year next year.

We are looking at a cost for about \$25 to \$30,000 per month. Minis in fer serten koze avek IDC, pou get bann – aktyelman akoz i annan deza bann enfrastriktir laba.

So, it's not new investment. It's some tidying up and some repairs. We can keep the cost low. Bidze hopefully if it's approved for next year. Nou deza annan human resource ki pe vini. So it's nothing extra.

An prenon kont osi Onorab ki nou pe ouver en novo Sant Remand. Nou pe travay avek COGA ki ti vizit nou semenn pase, pou al en loperasyon lo Praslin.

So, we'll have opportunities to shift staff around and better focus training and be prepared for mid-year start, at about \$30,000. Ki mon bezwen kalkil sa an larzan Sesel per month. Be konmansman Zen, Zilyet koumsa.

And by the hopefully avek diskisyon ki Minis pe fer, avek Gouvernman pe fer avek European Union - Operation

ATALANTA, they can continue to give certain funding ki ava ed nou osi. Mersi.

MR DEPUTY SPEAKER

Mersi Commissioner. Onorab Cosgrow?

HON WALLACE COSGROW

Mersi Mr Speaker. Mr Speaker, sa size ki devan Lasanble ozordi mon krwar ki i enn ki vreman, vreman enteresan e enportan. Ou konnen Linyon Eropeen i anvi vin Lapolis Losean Endyen.

Me selman Linyon Eropeen i annan li 2 zil dan Losean Endyen li. Mon pa konnen si dan konversasyon, dan negosyasyon, eski Sesel in dir avek Linyon Eropeen ki poudir ou annan 2 Zil Mayotte ek La Réunion. Plus, zot annan bann pti zil ankor ki tonm dan sa 2 landrwa.

Eski in annan okenn konversasyon pou dir avek zot; be ou annan 2 zil laba. Nou pe donn ou serten fasilité lozistik, lot, lot, lot anba *Operation ATALANTA*. Me, pran sa bann dimoun met lo ou 2 zil. Akoz ou bezwen vin met lo Marie Louise?

So eski in annan sa konversasyon pou dir ek sa bann dimoun, be – or Linyon Eropeen - sorry mon dir sa

bann dimoun - Linyon Eroopeen, pou dir ou annan 2 zil. E met ou bann dimoun or sa travay ki ou fer dan Losean Endyen, met zot laba lo ou zil. E ki nou Sesel, akoz zisteman sa kou.

Ozordi mon asir ou Komisyoner Prizon ti a kontan ganny sa 25 mil Dolar par mwan, pou li met dan loperasyon Prizon Montagne Posée. Met dan loperasyon *Remand Centre* ki pou al ouver. Met dan loperasyon *Juvenile Centre* lo Praslin ki nou fek vizite. *This is additional burden, additional cost to Seychellois taxpayers' money!*

So eski zot in pran kont tousala? Ki longer sa Lagreman? Ki dirasyon sa Lagreman? E ki kantite *taxpayers* Seselwa pou *bear the cost* pour en loperasyon? Mwan mon pou apel sa en loperasyon ekstravagans avek Linyon Eroopeen.

Pa blyie Linyon Eroopeen fek *blacklist* nou la li, en? La i pe vin demann nou pou li met prizonnyen *high risk* lo Marie Louise. So nou bezwen a size balanse. So si Minis i kapab dir nou sa.

Apre mon dezyenm kestyon Mr Speaker, i annan en lot kestyon enportan nou bezwen a size mazin lo la. Ler ki nou'n tyonbo sa bann dimoun -

sa bann *very high risk* - mon pa pou apel zot prizonnyen akoz zot in fek ganny tyonbo. Zot in ganny tyonbo. E i annan en peryod ant ler zot ganny tyonbo avek ler zot pas Ankour e zot ganny kondannen.

So ki nou fer, ki pou arive ek sa bann dimoun pandan sa bann letan? Eski zot pou lo *Remand Centre Mahe?* Kote sa bann dimoun pou ganny mete e ki pou arive ek zot?

E lekel ki pou *fund* zot legzistans *wherever* kot nou met zot isi? Eski se *taxpayers' money* Seselwa ki pou *fund* sa kalite ekstravagans? Mersi Mr Speaker.

MR DEPUTY SPEAKER

Mersi Onorab. *Panel?*

MINISTER ERROL FONSEKA

Mersi Mr Speaker. Mersi pour sa. Lo kestyon *funding*, mon krwar mon'n eksplike pli boner, sa bann loperasyon pe ganny *funded by European Union*. So mon pa konnen ki Onorab pe *insinuate* la.

E lo kestyon *Mayotte* ek *La Réunion*, nou pa oule *Mayotte* ek *La Réunion* fer li. Nou, nou le fer li, akoz nou, nou le fer sir ki nou landrwa - *La Réunion* i anba dan sid. Nou problem i anler isi dan nor.

E nou, nou pou ganny en proteksyon. Nou le proteksyon dan nou bann rezyon akoz sa bann *high risk* dimoun i egziste ozordi. I egziste. Zot la.

So basically, sa menas pa pe deside pou li vini, ler nou konmans sa loperasyon. Sa menas i egziste. E la en loportinite pou nou *grasp* sa lavantaz devan nou.

E byensir parey mon pe dir zot, Sesel pe pran en *leading role* ladan akoz nou konpran sa *dynamic*. Keksoz pe deroul sitan vit.

E nou *already* annan serten defayans dan nou pti – Corgat Estate, dan nou bann landrwa isi partou. Zot konnen ki mannyer sa i vini. Nou, nou bezwen *safe borders* Sesel. Nou bezwen *safe borders* Sesel. E sa ki nou pe fer pou ed nou fer nou *borders*, nou *maritime borders secure*.

Mon pa konnen ki mannyer pli bon marse nou kapab fer li ki sa loportinite ki la devan nou pou nou fer li. Mersi Mr Speaker.

MR DEPUTY SPEAKER

Mersi Minister. Ou annan klarifikasiyon?

HON WALLACE COSGROW

Mersi Mr Speaker. Mr Speaker, mon klarifikasiyon i an sa ki

konsern Bidze. Akoz zot in dir i annan en sonm inisyal dan sa Lagreman ki pou ganny donnez pou fer renovasyon. Pou fer bann *initial expenses*.

Me diran sa Lagreman, eski Linyon Eropeen pou *fund the recurrent budget of* sa lenstitisyon, sa fasilité lo Marie Louise? Eski Linyon Eropeen pou *fund the recurrent budget – the yearly recurrent budget*, ziska ler sa Lagreman i fini?

Akoz sa Lagreman i paret mwan i al pou en...

(Off-Mic)

HON WALLACE COSGROW

Pardon? Egzakteman, perpetwite. So eski Linyon Eropeen i pare pou *fund*, pou donn Sesel tou sa larzan ki i koute pou ou *run* Prizon Marie Louise pou ziske ler sa Lagreman i *expire*? Mon pa konnen kan mwan. So sa ki mon anvi konnen Minis. Pa sa bout ki ou'n dir mwan konmansman proze. Mersi.

MR DEPUTY SPEAKER

Mersi Onorab. Panel?

MINISTER ERROL FONSEKA

Mersi Mr Speaker. Part 2;

"The European Union, aware of the limited capacities of the Republic of Seychelles to accept requests for the transfer,

detention, prosecution and incarceration of suspected arms traffickers and narcotic drugs traffickers, shall provide the Republic of Seychelles with financial, human resource, material, logistical, legislative and infrastructural assistance for the detention, incarceration, maintenance, investigation, prosecution, trial and repatriation of the suspected or convicted arms traffickers and narcotic traffickers”.

Lo kestyon expiry. Sa Lagreman i kapab ganny averti pour - both parties can within 6 months, agree to terminate the agreement. 6 months.

MR DEPUTY SPEAKER

Nou pou move on lo next kestyon aprezan. Onorab Uranie?

HON ROCKY URANIE

Mersi Mr Chair. Minis, zis pour leklersisman, vi ki mon'n tann ou dir ki nou pa pou ankouraz bann prizonnyen ganny anvoye bann landrwa ki annan *death sentence*. Zis pour klarifikasyon. Be si sa prizonnyen orizinalman li i sorti dan en pei ki annan *death sentence* pour...

Par egzanp Lezip en legzanp; *drug trafficking*. E nou nou'n pran li la. Nou pa pou

kapab retour li Lezip ou pe dir la, en? Zi pou klarifye pou dimoun konpran.

Apre mon pe get dele letan ki petet ki AG's Office Lakour i gannyen. Eski zot pe mazin osi vin fer diskisyon avek Lakour pou *beef up* en pe AG's Office pou kapab *take up bann case*?

Apre i annan en lot klarifikasyon, en pti pe dan laliny Onorab Wallace Cosgrow. Si mon pe get 6, i pe dir; *designated facilities* pour bann prizonnyen petet ki zot napa ase levidans. Pa prizonnyen. Bann dimoun ki zot in atrape napa ase levidans pou prosecute zot.

Oubyen nou refize, nou'n deside pa prosekit zot. Konmsi kote zot pe mazinen sa *designated facilities* pou ete? Mersi.

MR DEPUTY SPEAKER

Mersi. Panel?

MINISTER ERROL FONSEKA

Mersi Mr Speaker. Mon a pran ou kestyon lo the 10 zour ou'n mansyonnen. Sa 10 zour i la ki dapre *human rights*, zot pa le en dimoun asiz isi ki pa pe ganny *prosecuted* pour en kantite letan. So, zot donn ou apepre 10 zour pour AG anmenn son *case* devan.

E si pa kapab fer, nou bezwen retourn sa dimoun *back lo* sa bato ki'n anmenn li. So *basically*, en keksoz *human rights* ki pe met en limitasyon lo la.

So, dan sa 10 zour, AG i kapab dir; mon kapab *prosecute*, ouswa mon pa kapab *prosecute* dapre levidans ki i annan. E *then* nou bezwen retourn li lo sa bato ki'n vin lo la.

Lo bann fasilite ki sa dimoun ares lo la, naturelman mon krwar dan 10 zour i kapab reste dan *Remand Centre*. Sa *new Remand Centre* ki nou pe fer. Apre - mon pa rapel ou trwazyenm kestyon?

MR DEPUTY SPEAKER

Designated facilities?

HON ROCKY URANIE

Non, premye kestyon ti baze lo *death sentence* bann dimoun ki... Yes.

MINISTER ERROL FONSEKA

Yeah, lo kestyon *death sentence*, definitivman en dimoun si in ganny *prosecuted*, ki en landrwa kot i annan *death sentence* pour *drugs*, nou pa pou kapab anmennen li ziska ler son term in fini. Ziska ler son term in fini. Nou pa pou kapab fer sa. E i dapre nou

Konstitisyon osi. Mersi Mr Speaker.

MR DEPUTY SPEAKER

Mersi panel. Onorab Gill?

HON CHURCHILL GILL

Mersi Mr Chair. Bonn apre midi *panel*. Mon premye kestyon; baze lo sa detay ki ou'n donne bann *support* ki EU pou donne, mon kestyon i pou lo *logistical support*.

Ou'n dir nou poudir dan sa premye *lump sum* ki ou'n gannyen, i pou *cater* pour detrwa keksoz, enkli *logistic*. E an menm tan ou'n dir nou poudir, si nou bann *assets* i ganny servi, ki i pou ganny servi, me selman EU ki pou *foot the bill* pour bann costs.

Prezan mwan mon le konnen, an servi nou bann *asset*, i annan *wear and tear*. Eski dan bann diskisyon a en serten pwen, si nou santi parmi nou bann *asset* i annan ki *basically* son *lifespan* pe ganny afekte, *given frequency* travay?

E eski EU pou also kontribye pou ranplas *asset* ki pe ede dan sa bann travay?

Mon dezyenm kestyon. I annan – ozordi dan Prizon Mahe i annan bann dimoun ki dan prizon pour rezon drog; eski ler sa fasilite i fonksyonnen, sa bann dimoun pou oblize ganny

bouze laba, oubyen sa i pour zis bann ki pou ganny tyonbo *en mer?*

Apre mon lot kestyon se; mon'n note ki tou lede parti i kapab donn 6 mwan notis parey ou'n dir. Me selman an menm tan, si dan lenstans kot tou lede parti in donn notis, me selman bann *detainees* apre sa notis i *take effect, detainees* pa ankor kapab bouze. Ki pou arive dan sa lenstans?

Apre ler i annan bann *repatriation*, eski EU ki pou *bear the cost of* sa tou? Sa i form par dan son bann keksoz ki pou responsab?

Apre donnen sa bann *high profile* dimoun ki pou ganny met laba. Nou konnen nou bann zil i annan bann aktivite ekonomik an term lapes ki pase.

Eski a en pwen pou annan restriksyon oubyen tou keksoz pou reste parey. Menm si laba i annan bann *high profile* dimoun, e nou konnen sekirite i pou solid laba.

Alors eski landrwa prezan pou annan en landrwa ki ou kapab frekante, e en landrwa ki ou pa pou kapab frekante, pou Seselwa konnen?

E mon dernyen; mon pa'n war mansyon lo *environment protection* lo Lagreman. Eski sa i en keksoz ki *given* ki Sesel i

annan sa kalite repitasyon. Eski sa i en keksoz ki osi in ganny met devan pou fer sir sa osi i ganny *Maintained*, anmezir ki bann travay pe ganny fer, oubyen bann dimoun pe ganny *detained* laba? Mersi.

MR DEPUTY SPEAKER

Mersi Onorab. Panel?

MINISTER ERROL FONSEKA

Mersi Mr Speaker. En gran lalis.

MR DEPUTY SPEAKER

6 kestyon.

MINISTER ERROL FONSEKA

Mon a sey – mon a sey gete si mon'n ganny tousala. Premyerman, *6 months' notice*. Okenn obligasyon apre sa i kontinyen ziska ler i fini. So, basically si i annan bann *cost everything*, sa i pou ganny negosye at that point.

MR DEPUTY SPEAKER

Ou le re klersi?

HON CHURCHILL GILL

Zis pou klersi sa bout. Mon kestyon se; nou'n fini donn 6 mwan kanmarad. Nou 6 mwan in fini. Sa bann dimoun i ankor la. Me selman menm si ou dir mwan sa bann *whatever* lot keksoz ki pa ankor sort out, pou

bezw'en sort out. Me selman lefe i reste pou napa en Lagreman sa letan. So, sa ki mon pe demande. Ki mannyer nou pou deal avek? Mersi.

MR DEPUTY SPEAKER

Mon krwar i kler pour panel.

HON CHURCHILL GILL

Ok. Yes, Mr Speaker. Mon ti a kontan lir sa dernyen bout, unless si ou get lo para 10.

'The EU and the Republic of Seychelles, may terminate this Agreement at any time by a written notification informing the other Party of the intent to terminate it.

The termination shall take effect six months after the date of receipt of the notification. The termination of this Agreement shall not affect any rights of the parties arising out of the execution of this Agreement before such termination, including the rights of any transferred persons, as long as they are held in custody or are being prosecuted by the Republic of Seychelles".

So, this continues.

"When the termination takes effect, nor shall it affect any other obligation under this Agreement, including financial obligations; unless otherwise

agreed by the EU and the Republic of Seychelles.'

So, it covers there – the agreement. Apre ou'n koz lo whether dimoun Montagne Posée pe al...? Montagne Posée nou pe fer High Security Prison pour Montagne Posée. And hopefully that should be in March - in line next year. So, sa i ongoing. Mon hope premye brik i ariv sa lannen – Commissioner. Me selman sa i pou la. I pou la pour Montagne Posée.

Environment? The conditions of the environment issues held by IDC, remains. Ok? It remains. And there's a big environment program lo la. So, sa i remain. Mon krwar mon'n – ou'n demann en kantite. Mon krwar mon'n kouver – mon'n cover most of it. Mon pa tro konnen. Yeah, Commissioner?

COMMISSIONER OF PRISONS **RAYMOND ST ANGE**

Thank you Minister. Onorab, as it concerns Marie Louise and activities, it's not a facility for rehabilitation. It's a facility for containment. For potentially dangerous high-risk inmates.

So, they will stay there. This will not be one where they will be out gardening, fishing, carpentry. They'll just be there – will be storing them for the

amount of time based on risk assessments.

*So, we see en loperasyon kot en kondannen i al laba. I ganny anmase, i ganny kondannen. In anmenn pwazon dan nou pei. I pa pe al lo en zil pou fer okenn labitasyon, selman i pou annan *humane treatment*. Pou annan serten keksoz ki nou pou donn a zot dispozisyon.*

But general movement around the island will be strictly controlled. And the island will be demarcated as a no-go area as well, parey i ti ete avan Mersi.

MR DEPUTY SPEAKER

Ou annan?

HON CHURCHILL GILL

Excuse me Mr Speaker. I pa'n konpran mon kestyon. Mon kestyon ki mon ti pe demande se; ler sa prizon in fini fer; ou'n tyonbo bann dimoun laba ki deal ek bann drug dealers, armed dealers. Me osi Mahe nou annan bann dimoun ki anndan avek drug related case. Konmsi zot anndan akoz drugs.

Mon kestyon sete; eski sa bann dimoun ki isi, ler sa pe fonksyonnen pou fer lespas, eski zot pou ganny bouze laba? Akoz zot pe fer menm – zot anba menm... Konmsi zot in fer

menm kalite lofans. Sa ki mon ti pe demande.

MINISTER ERROL FONSEKA

Mersi Mr Speaker. Wi, mon konpran ou Onorab. Nou napa plan pou melanz sa 2 group dimoun ansam. E dan nou - Montagne Posée parey mon'n dir ou, nou annan plan pour en *High Security Prison* ki petet ler sa i vin an mars, petet zot a volunteer pou al Marie Louise. Selman nou napa sa an plan. Mersi Mr Speaker.

MR DEPUTY SPEAKER

Mersi panel. Which one?

HON CHURCHILL GILL

Regarding our asset? Ya. Kestyon lo asset ki mon ti demande se anba logistical support. Ou mazinen?

MINISTER ERROL FONSEKA

Mersi Mr Speaker. Again, lo kestyon – ou ti a pe koz lo wear and tear?

HON CHURCHILL GILL

(Off-Mic)

Yes.

MINISTER ERROL FONSEKA

Ok. If you look again. Mon pa pou lir. Mon'n fini lir. Mon pa pou lir ankor. Para 2, it talks about maintenance. It's very

clearly dan para 2 si ou gete. Maintenance of infrastructural assistance, detention maintenance and all that.

HON CHURCHILL GILL

Minister, ya. I saw that clause. But it says maintenance. But even maintenance have a lifespan. I was asking whether after exhausted maintenance and the asset needs replaced. If that will be taken care of? Thank you.

MINISTER ERROL FONSEKA

Thank you Onorab. Thank you very much. Ok. Further to sa ki mon ti lir pli boner lo at the end of 2, mon pa'n lir sa dernyen paragraf.

'The Republic of Seychelles and the EU may, as necessary, enter into further implementing arrangements regarding financial matters for the implementation of this provision'. So, there you are. Mersi Mr Speaker.

MR DEPUTY SPEAKER

Mersi. Onorab Loze?

HON JOHAN LOZE

Mersi Mr Speaker. Mr Speaker, mon annan zis 3 pwen ki mon le leve. Mon premye kestyion se; eski i annan en initial risk analysis ki'n ganny fer pour

okenn risk ki sa i kapab reprezante pour nou pei?

E pli enportan; eski nou pou annan active continuous support from nou bann partners, pou continuously update sa risk analysis as and when we go along? Akoz dan term Kreol tradisyonnal la, nou pe pran salte dan semen nou pe anmenn kot nou. So, si nou annan analiz lo risk?

Mon dezyenm kestyion se ki, in recent years, nou pe pratik en sistenm catch and release avek sa bann international drug dealers. Nou atrap zot, nou anmenn zot, nou ziz zot. Apre nou dim zot en - mon kapab dir en lenfeksyon dan nou prizon. So, nou release zot back dan zot pei.

Eski sa Lagreman ki nou annan la, i pou met en stop avek sa pratik catch and release, ouswa eski sa pou kontinyen separeman? E mon dernyen kestyion, e possibleman mon kestyion pli enportan - Superintendent of Prison in koz lo en monthly bill of around R435 mil si mon pa tronpe.

E kestyion ki mwan mon anvi poze; IDC li i provide la mazorite logistical, utilities and whatever else support ki annan pou fer avek son bann zil. Now, mon anvi konnen; eski i annan en protokol ki'n ganny

hammered out deza, oubyen ki zot pe plan asize vin avek en proper protokol, en let de change?

Kan mannyer okenn tranzaksyon pou deroule ant *Internal Affairs*, ouswa *Department of Prisons* avek IDC? Dan en fason ki demen nou pa war personn pe ganny kestyonnen – entel ouswa entel. Me i annan *clearly set out SOPs* lo ki fason pou annan *invoicing, bills* ek peyman ant sa 2 lenstitisyon. Mersi Mr Speaker.

MR DEPUTY SPEAKER

Mersi Onorab. Panel?

MINISTER ERROL FONSEKA

Mersi Mr Speaker. *Before lo 2, premye kestyon regarding risk. Well done. Very important question lo risk analysis. And it is continuous. It is. It's not something ki nou pou koz lo la devan piblik la. Be risk analysis lo – dan nou losean, dan nou areas, dan sa bann influence ki pe arive.*

E risk analysis i go further than the borders of the East Coast of Africa. Akoz i annan en nespes gran sityasyon pe arive. Partou dan lemonn ozordi. Me certainly right across the West Coast of Africa.

So, very important sityasyon ki nou kontinyen

revwar risk, lo nou area. E mon krwar mannyer keksoz i ete, sanmenm mon pe war sa konman en loportinite.

Lo ou kestyon the management with IDC, mon a pas sa ek Commissioner pou kouver. Mersi.

MR DEPUTY SPEAKER

Mersi. Commissioner?

COMMISSIONER OF PRISONS RAYMOND ST ANGE

Thank you Minister. Mersi Chair. Onorab mersi pour ou kestyon. Basically, ki pou arive, se en diskisyon pou ganny antre avek IDC. And we've got best practice from years past where an Agreement will be in place between Island Development Company and the Ministry of Internal Affairs-Seychelles Prison Service.

Ki ava met an detay tou bann ekspektasyon, bann liabilities. Bann - kote bann resours ki IDC pou met a dispozisyon. You talked about some infrastructure. I annan dieselization STP plants, power generation.

An menm tan nou pou profite pou do rainwater harvesting to reduce our water consumption. Solar PV to reduce consumption of diesel generation.

So, with these discussions i will start very shortly, if we get the approval by the Seychelles National Assembly to enter in discussions with IDC on that.

Some discussions have already been had avek IDC. And mon kontan pou dir ki pri ki nou ti pe peye avan ler nou ti pe operate – pa zis Marie Louise. Me nou ti pe operate Coëtivy at a very high rate, compared today that it's almost half what the Minister's been able to discuss with IDC.

A reduction of about 50percent if I'm not mistaken. So, that is a big step forward and hopefully parey mon'n dir, si nou ganny aprouvasyon atraver Lasanble Nasyonal, sa bann diskisyon i ava kommans tre vit. E pou antre dan en draft Agreement ki ava be able to guide us. Thank you.

MR DEPUTY SPEAKER

Ti annan en kestyon lo zafer
catch and release?

MINISTER ERROL FONSEKA

Mersi Mr Speaker. *Catch and release* i en keksoz ki ou fer ler ou dan en presyon lo space. I pa en bon – i pa en bon keksoz pou fer, baze vreman lo deterrence.

So, mon pe hope osi ki sa sityasyon la i a ed nou en pti gin lo la. E akoz i pa bon si toulstan

ou pe fer sa akoz i pou zis envit plis problem.

So, sa en lot – mon kontan ou'n fer resorti sa, akoz sa i vin en lot - en lot keksoz ki pou ed nou lo la. Akoz nou annan serten kapasite isi. E kapasite i vreman, ozordi Montagne Posée tre, tre difisil. Mersi Mr Speaker.

MR DEPUTY SPEAKER

Mersi panel. Ou annan klarifikasyon?

HON JOHAN LOZE

Mersi Mr Speaker. Mr Speaker, zis briyevman, mon ti a kontan konnen si *Superintendent* si i pou kapab fer *available* avek FPAC zot Lagreman once i finalize.

En fason ki National Assembly oversight i ava get a foot in the door from day one. Nou tou nou a kler lo kwa ki kwa, e demen ou pa ava ganny somonn Mr St Ange. Mersi.

MR DEPUTY SPEAKER

Mersi Onorab.

COMMISSIONER OF PRISONS **RAYMOND ST ANGE**

Mersi Mr Chair. Byensir mon ava garanti sa. Mon krwar sa *expectation and for transparency reasons* osi, nou ava met sa devan avek FPAC

avek Onorab, pou war tou bann detay ki pe ganny agree. Mersi.

MR DEPUTY SPEAKER

Mersi. Dernyen entervenan lo sa sesyon, akoz nou pou bezwen pran en *break*, se Onorab Herminie.

HON WILBERT HERMINIE

Mersi Mr Speaker. Bonn apre midi Minis. Minis, vi parey ou'n dir ki sa bann *inmate* pou bann *high profile target*. E ler sa bann dimoun i ganny atrape, nou risk latak teroris lo nou *mainland* Mahe, i ogmante.

Eski dan sa Lagreman nou pou pe ganny okenn lasistans avek *EU*, pou protez popilasyon Sesel? E mon dezyenm kestyon i *regarding* kapasite kot Marie Louise. Ler mon pe dir kapasite, mon pe dir kantite *inmate* ki zot kapab pran laba? Mersi.

MR DEPUTY SPEAKER

Mersi Onorab. *Panel?*

MINISTER ERROL FONSEKA

Mersi Mr Speaker. Mon pa tro konpran ki mannyer nou *risk* pou lo latak lo Sesel. *Already* nou annan en gran *risk*, akoz nou napa bokou defans. *So, I can see* sa pe – pou amelyore ek sa bann prezans ki nou pou annan.

So, mon pa tro konpran sa lozik akoz nou pe met plis defans ek sa Lagreman. Plis defans ki nou napa ozordi. Ou dezyenm kestyon Onorab?

MR DEPUTY SPEAKER

I lo kapasite Marie Louise. Kantite *inmates* i kapab pran?

COMMISSIONER OF PRISONS

RAYMOND ST ANGE

Thank you, Mr Chair. Onorab, currently Marie Louise i annan 2 blok, ground floor. And push comes to shove, we can fit – we can take 100 inmates. Push comes to shove. However – however - however, however the target audience is about 20 to 30 inmates of facility of about 20 to 30. And I did say push comes to shove it can take about 100.

However, we are looking for about no more – more than 30 inmates to manage at the Marie Louise, if the approach is to very strategic when these suspects are detained. And proof of who they are. The bosses or not the bosses. And who we want to prosecute. Thank you.

MR DEPUTY SPEAKER

Ou annan klarifikasyon?

HON WILBERT HERMINIE

Mon krwar Minis, mon a re eksplik ou ankor. Ou menm dir

sa bann dimoun i bann *high profile target*, bann *arms dealer*. Zot annan zot *gang* ki vin avek. So si zot deside pou zot vin fer en *attempt* pou *rescue* zot bann dimoun, i fer risk lo popilasyon Seselwa i monte la?

En latak pou zot kapab ganny *exchange*, pran *ransom or something* i kapab arive lo Sesel, lo Mahe. So, mon pe demande, eski dan sa Lagreman nou pe ganny *funding* pou nou *deal* avek sa bann sityasyon koumsa? Mersi.

MR DEPUTY SPEAKER

Mersi Onorab. *Panel* i le klarifye sa?

MINISTER ERROL FONSEKA

Yeah, Mr Speaker sa Lagreman i dan nou *funding* pou prevwar okenn risk ki pe vin bor kot nou, akoz nou annan plis lizye lo losean. So, lozikman mon pa ganny en konpran kan mannyer ou pe dir la ou pou dan plis risk.

Ou pou annan plis fason pou *deal* ek risk la. So, akoz ou annan pli bokou *assets* ki'n ganny deplwaye dan sa bann landrwa. Pli bokou lizye. Pli bokou *technical* lizye ki pe get landrwa.

So, sa *in itself* – nou, nou pa oule en keksoz arive ki i ariv

ater. Nou anvi *deal* ek sa bann zafer avan i arive.

So, in terms of defence protection, i annan en keksoz, en prensip ki apel *depth*. E *depth* savedir ou annan diferan laliny or *protection*. E pli ale ou annan *depth* ou ganny pli bon proteksyon. E sa pe donn nou en kantite *depth of protection*. Mersi Mr Speaker.

MR SPEAKER

Mersi Minister. Mon krwar sa i moman ki nou kapab pran en *break*. Nou pou re zwenn 4er pou nou antann entervansyon loter Mosyon. E apre nou ava swiv avek deba. Nou pou eskiz *panel* parmi nou.

E nou ava dir mersi *panel* ki ti pe dirize par Minis pour Zafer Entern, Mr Errol Fonseka. Ki ti akonpannyen par *Commissioner of Prisons* Mr Raymond St Ange. Osi *Director General* pour *Regional Affairs Division* dan Departman Zafer Etranzer, Mr Christian Faure. Mr George Thatchett ki *Principal State Counsel* dan AG's *Chambers* avek Mrs Sandra Michel ki *Legal Advisor* kot *Foreign Affairs*.

Donk, mersi pou zwenn nou pour apre midi. Malgre ti en *bit short notice*. E nou ava rezwenn 4er.

(BREAK)**MR DEPUTY SPEAKER**

Welcome back tou dimoun. First thing first, nou ava retourn dan Staz Lasanble. Mersi Serzan. Aprezan nou pou kontinyen avek Mosyon ki devan Lasanble. Loter se Onorab Bernard Georges e mon ti ava envit li pou fer son prezantasyon Mosyon.

HON BERNARD GEORGES

Mersi Mr Speaker. Mr Speaker, mon - ler i tar. Nou'n kapab demann en kantite kestyon. Nou'n ganny en kantite leklersisman avek *panel* ki ti la taler.

Mon konnen ki bann Manm IAC pou adres sa *Treaty*, sa *Exchange of Letters* dan en fason byen detaye taler. Alor, mon pou gard mon lentervansyon a en *minimum*.

Premye keksoz mon ti anvi dir Mr Speaker, se parey mon ti mansyonnen pli tar – pli boner, sa set en Mosyon ratifikasyon. E anba nou Konstitisyon parey dan bokou pei, Gouvernman i kapab siny en Konvansyon Enternasyonal parey in fer dan sa enn.

Me, sa Konvansyon pa kapab vin an fors ziska ki Lasanble Nasyonal ki reprezent Lepep Seselwa, i konfirm sa

sinyatir. Annefe i ratifye. I donn li valer legal. E se sa ki pe ganny fer la ozordi.

Gouvernman li i pran en desizyon politik. I deside dan dapre son manda pou siny – antre dan en *Agreement* Enternasyonal. En Konvansyon. En Protokol. En Lesanz Let. Okenn sa bann keksoz.

Me se Lasanble Nasyonal ki bezwen aprouv sa desizyon. E sa set en fason parey mon profite pou dir sak fwa ki mon koz lo en ratifikasyon, sa se en fason pou diviz pouvwar. Pa pou gard pouvwar dan zis en brans Gouvernman, me fer sir ki i annan en divizyon pouvwar, en *oversight* par Lasanble. E en balans pouvwar dan en rezim demokratik.

Alor, toulstan Mr Speaker, mon fyler ler i annan en Mosyon ratifikasyon, ki vin devan nou Lasanble akoz i donn valer nou Lasanble.

I montre ki Lasanble pa la zis pou demann kestyon, zis pou fer bann – pas bann Lalwa. Me i osi annan en rol pou zwe dan gouvernans pei.

Dezyenm keksoz, mon ti ava profite pou dir apre midi se ki depi sa Lasanble in konmanse, e depi mwan mon'n pran sa rol *Leader of Government Business*, nou pe

fye lo *International Affairs Committee (IAC)* Lasanble, pou fer travay parey *Bills Committee* i fer lo bann *Bills* ki vin devan nou, pou travay lo bann Konvansyon.

E donk Lasanble i repoz en pe lo zot. E i demann zot pou fer sa travay de baz pou etidye sa Konvansyon. Pou rankontre bann *promoters* sa Konvansyon. Sa *line ministry* ki sa Konvansyon i vin anba.

E raport avek Lasanble, dan en fason ki ler nou ariv a staz deba parey nou ete la apre midi, Lasanble i kapab ganny byen enformen e pran en desizyon ki kler, ki valab. E en desizyon parey mon'n dir ki enformen.

Trwazyenm keksoz Mr Speaker, ki mon ti a kontan vin lo la apre midi se ki; bomaten nou'n pas en bon pe letan pe koz lo terorizm. Lo ki mannyer nou pei i vvar sityasyon kot nou ete avek bann gro pwisans. Parey *European Union* dan sa ka, ek nou bann pti pei – bann pti pei en pe mwen for, ou bokou mwen for. Ki mannyer nou kapab gard en relasyon?

E bomaten nou pa'n kapab arive annan en konsansis lo la. Lasanble in diviz an 2 pour – lo sa size. Mon ti a kontan apre midi ki nou pa divize. Mon swe – e mon ava

eksplike taler akoz. Mon swe se ki; tanzantan ler i annan en keksoz ki dan lentere nasyonal, ki nou kapab vvar Lasanble pe travay konman en sel Lasanble.

E mon annan en serten rekonfor dan parol Onorab Aglae, ki taler ti dir ki selon li sa Trete, sa Mosyon – sa Mosyon pou pase apre midi.

Wi, i pou pase akoz lo nou kote nou pou *vote* an faver. Me mon demann avek bann Manm lo lot kote latab. Nou bann koleg dan Lopozisyon pou zwenn avek nou lo sa enn.

E pou montre ki ler nou fer fas a bann menas ki tous nou tou, e ki tous nou pei. Ki nou kapab konman en Lasanble an antye, ki ganny demande pou ratifye en desizyon ki Gouvernman li tousel in pran. Ki nou kapab zwenn ansanm e fer sa pa.

Alor, mon swete ki apre midi apre ki nou tou nou'n eksprim nou lopinyon - en pti pe parey Manm Lopozisyon taler ti fer dan zot kestyon, nou kapab ariv a en konsansis.

E mon'n dir taler mon ava mansyonnen akoz. Les mwan fer li la Mr Speaker. I pa premye fwa ki nou pe al dan en tel direksyon ozordi. Nou'n fer li dan lepase. E annefe ler Gouvernman Parti Lepep ti pran desizyon akoz nou ti

annan menas piratri, egzakteman parey sa ladministrasyon pe pran ozordi.

Akoz nou annan menas terorizm, menas drog, menas zarm dan nou delo, dan nou rezyon - dan nou morso losean. Tel parey zot, zot ti fer ler zot ti vwar ki i ti neseser. E zot ti *extend ziridiksyon Sesel*.

E Sesel in pran li sa ki nou apel en *universal jurisdiction*.

I annan tre pe pei dan lemonn antye ki fer - ki pran en ziridiksyon ekstra territoryal. Nou ti fer li pour bann pirat. La apre midi nou pe ganny demande dan en serten fason pou fer menm zafer avek trafik zarm e trafik drog.

E mon ti a kontan ki tel parey nou ki ti dan Lopozisyon ler Gouvernman Ladministrasyon Parti Lepep ti anmenn sa Lalwa devan Lasanble, e ki nou ti donn li *full siper*. Ozordi nou a kapab osi *rely* lo zot pou donn siper a sa kontinyasyon sa travay ki ti ganny konmanse ler pirat ti konmans menas nou lendistri touris. E menm pran serten Seselwa otaz.

Donk Mr Speaker, nou dan en sityasyon. E se sa ki'n anmenn Linyon Eropeen dan en serten fason. E bann pei dan sa rezyon dan en lot fason, vin ansanm pou travay ansanm

pou minimiz bann risk ki sa bann trafik nefas i anmennen dan nou rezyon losean.

Parey Minis in dir, lenportans pour Sesel se ki nou annan *safe and secure borders*. Nou annan 1.4milyon kilomet kare losean. Nou enn bann pli gran nasyon - pa lo nivo popilasyon, me lo nivo siperfisi nou teritwar dan sa rezyon lemonn. E donk nou bezwen pran en responsabilite primordyal dan sa ki nou pe fer.

E mon ava dir zot la, ki kekfwa nou pa konnen e sa zafer pa'n sorti taler. Me nou pa sel pei ki pe antre dan sa bann negosyasyon avek *European Union*. *European Union, EU* pe antre - pe fer menm negosyasyon avek Moris, ek *Madagascar* avek bann lezot pei dan sa *border*.

E zot pe fer sa. E nou, nou pe siport sa pou ki i annan *risk sharing*. Ki nou pa pran tou risk nou menm. Me ki nou partaz en pe sa risk avek bann lezot pei ki annan menm problem ki nou a savwar en menas dan sa rezyon. E en mank kapasite pour nou tousel fer fas avek sa menas.

E Mr Speaker, mon pa kontan mwan personnelman, toultan koz lo *quid pro quo*. Kisisa ki nou, nou pou fer. E kisisa ki nou pou gannyen an

retour. Me nou bezwen dan sa ka abord sa akoz in en size enportan apre midi. E i en size enportan dan sa Lesanz Let ki'n vin devan nou apre midi.

Nou, ki nou pou gannyen? Akoz nou pe pran en kantite risk parey serten Manm ki'n koze in rekonnet. Nou pe aksepte serten bann dimoun ki vreman bann move dimoun. Nou pe ziz zot. Nou pe enkarser zot dan nou pei. Nou pe vey zot e donk *obviously* nou pe pran en serten nivo lobligasyon ki ozordi nou pa pe pran.

Me ankontre parti, nou bezwen rekonnet ki akoz ki nou annan en lafors enorm ki *EUNAVFOR, ATALANTA, EU – whatever ou anvi apel li, ki la pe vey nou losean*. Sirtou lo kote nor avek nou e lo kote nor wes avek nou. Nou santi nou plis an sekirite. E nou annan en listwar, ki'n montre nou ki mannyer nou viv an pli bon sekirite.

Nou annan en lizye Eropeen. En lizye bokou pli gran ki nou, nou annan lo sa morso losean. E nou konnen ki bann pei rivren sa losean e Lafors Linyon Eropeen ki dan sa morso losean, i pe regarde e i pe fer nou konnen ler zot vwar en keksoz ki nou, nou kapab entersepte.

Donk i annan en travay kolaboratif ki nou pou bezwen fer. E wi, wi *La France* i enn bann pei Eropeen – Linyon Eropeen. I annan 2 zil deza dan Losean Endyen. E se pour sa rezon mon sir ki zot la.

Akoz pa zis lefet ki bokou trafik maritim i pas atraver nou losean. Me osi zot annan en lentere pou defann zot pei ki dan sa morso losean.

Alor Mr Speaker, sa ki nou pe fer la ozordi set en travay kolaborasyon. Set en travay kot nou, nou pou gannyen. Me nou osi nou pou bezwen fer serten keksoz. Me zot osi zot pou gannyen, akoz nou, nou pou fer serten keksoz ankontre parti.

E annou pa bliye ki anba – anba protokol ek Konvansyon ki nou ti sinyen pour piratri, nou'n ganny nou en Lakour. I annan sa ki nou apel *Supreme Court Annex* ki nou'n gannyen *for free* avek *UNODC*.

Nou'n ganny Bois de Rose, en *building* avek bann lekipman ladan ki Sant Loperasyon Maritim dan sa losean. E sanmenm sa in anmenn bokou kapasite.

Nou annan dimoun ki ti pe travay deor. Bann Seselwa ki ti pe travay dan bann larne deor. Par egzanp Captain Sam Gonthier ki ansarz sa loperasyon ki ti en Kaptenn dan

larme an deor Sesel, ki'n arriv isi ozordi.

Alor, pei pe benefisyé Mr Speaker avek bokou keksoz. E nou pou benefisyé ankor plis.

Sa Trete li menm, mon'n promet mwan pa koz lo la akoz mon konnen ki lezot pou fer li. Me selon mwan, akoz mwan mon'n lir li e mon'n relir li, e mon'n relir li ankor. Mon vwar ki i enn sa bann Trete, sa bann lesanz ki'n pli byen balanse.

Akoz Mr Speaker? Sesel pe ganny demande pou pran – pou pran sarz bann dimoun ki'n ganny arete par Lafors Linyon Eropeen. Me nou annan en swa pou nou dir non, nou pa pe pran.

Dezyenmman, en fwa ki nou'n pran zot ansarz, nou annan en swa pou dir nou pa pe prosekit zot akoz napa ase levidans.

Trwazyenmman, si nou prosekit zot e ki nou kondann zot prizon, nou annan en opsyon pou dir; repran ou dimoun, anmenn li servi son term prizon dan en lot pei.

Donk Sesel i annan en kantite *opt out*, si ou anvi. E pli gran *opt out* se, a nenport ki moman nou kapab zis donn 6 mwan notis e nou sorti dan sa lobligasyon.

Ankontre parti nou pou annan nou – parey in ganny dir,

nou pa pe depans en sou. Tou bann depans ki pou vin avek sa bann lobligasyon ki nou pou antre ladan, se Linyon Eropeen ki pou peye.

Alor mon pa vwar ki *downside* ki nou annan. O kontrer, sa ki nou annan se – sa ki mwan mon pe propoze se ki, annou al pli vit. Annou enplimant sa pli vit posib pou anpes ki Moris, *Madagascar*, *Comores*, bann lezot pei ki pe negosye menm kalite Trete, i pas devan nou. E se zot ki ganny sa bann benefis e pa nou.

E en kestyon i ava ganny demande. Be Marie Louise, eski i meyer landrwa pour nou met en prizon pour sa bann dimoun ki nou pou al arete? Mr Speaker, mwan mon konn Marie Louise tre byen. Mon pa sel dimoun dan sa Lasanble ki konn Marie Louise.

Okenn bann Manm ki ti lo *Islands Committee* e ki ankor la avek nou ozordi, in vizit sa zil. E sa zil vre i annan en *top – en top part* prizon ki Gouvernman Administrasyon Prezidan Michel ti'n kree, pou met Seselwa. Pou met bann *drug traffickers* Seselwa laba.

E mon toutafe dakor ki konman en prizon pou met Seselwa ladan, i pa apropriye., Akoz premyerman i lwen.

Dezyenmman i kout en kantite larzan.

E trwazyenmman i pa anliny avek drwa imen pou enkarser en Seselwa dan en landrwa kot i napa kapasite, pou li ganny vizite regilyerman parey Lalwa Drwa Imen i presize ki i bezwen ganny fer.

Me nou pa pe demann sa prizon la pour Seselwa nou. Nou pe demann sa prizon, pour bann dimoun ki bann trafikan drog. Bann dimoun ki bann *king pin*, bann *arms dealers*. Pa bann bon dimoun.

Nou pa kapab met zot *obviously* isi lo Mahe. Nou bezwen met zot dan en landrwa kot i ava annan sekirite apropiye.

Lo nivo lanvironnman, nou konnen ki Marie Louise in ganny *designated* konman en *bird area* akoz i o bor *Desnœufs*. I en zil ki annan en kantite zwazo e en kantite lespes zwazo. E i bezwen ganny prezeve.

Mon konnen ki atraver sa negosyasyon ki pe al ganny fer, Marie Louise pou ganny prezeve akoz sa negosyasyon ki pe ganny fer avek *IDC* pou ganny prezeve konman en *Bird Sanctuary*. Me an menm tan, i kapab servi konman en prizon.

Alor Mr Speaker, san ki mon al dan plis detay, mon anvi lezot dimoun ganny sa

possibilite koze apre midi. Mon pe demann avek tou mon bann koleg lo sa kote latab, me osi, mon pe *reach out across the aisle* avek tou mon bann koleg lo lot kote latab, pe demann zot...

Nou'n fer li en fwa. Nou ler nou ti dan Lopozisyon nou'n siport zot, ozordi ki zot, zot dan Lopozisyon, siport nou akoz sa i en kontinyasyon sa ki nou ti fer ler nou ti ganny menase par pirat. E la ozordi menas drog avek zarm ilegal dan sa rezyon losean.

Annou pa koz lo zarm *Malo*. Akoz depi en pe letan, menm zafer pe arive dan sa morso losean.

Annou vin premye devan pou montre avek sa bann lezot pei otour nou ki nou, nou pare pou *step up* akoz bann benefis ki nou, nou pou gannyen i far *outweigh* bann okenn reperkisyon negativ ki kapab tonm lo nou.

Alor Mr Speaker, mon ava arret la, e mon ava demann avek Lasanble parey mon'n fer 2 fwa deza, pou siport nou dan sa demars. E siport sa Mosyon apre midi. Mon remersye ou Mr Speaker.

(APPLAUSE)

MR DEPUTY SPEAKER

Mersi. Mersi Onorab Georges. E, lekel ki ti segonde? Ou pou koz la? Ou le koz la? Ok, so parey mon ti fer bomaten – byen bomaten. Letan Onorab Kelly pe koze, so tou Manm ki le koze, endike pou mwan kapab konnen konbyen Manm. E pou nou kapab balans letan.

Menm si nou bezwen fini fer sa travay. Sertennman mon pa anvi reste la ziska 9er edmi diswar. So sanmenm sa ki ti ava kontan konnen lekel ki pe koze, pou mwan kapab balans letan. Ki nou kapab fer li dan en letan normal. Onorab Samynadin, *please proceed.*

HON KELLY SAMYNADIN

Mersi Mr Speaker. Bonn apre midi ankor enn fwa tou dimoun a lekout. Mr Speaker, Lagreman ant Linyon Eropeen avek Larepublik Sesel ti antre an fors le 3 Out 2023, dan Laform en Lesanz Let. E i pe ganny servi konman en ekstansyon avek Loperasyon Militer Maritim dan rezyon was Losean Endyen e dan Lanmer Rouz, apele *Operation ATALANTA*.

Sa loperasyon i zwe en rol enportan dan sekirite komen e Polisi Defans Linyon Eropeen. E osi dan Diplomasi Naval Indo Pasifik Linyon Eropeen.

I enportan pou note ki depi 2008, *Operation*

ATALANTA pe siport bann Leta Kotyer dan zot zefor kolektiv pour lape, stabilite ek sekirite maritim dan sa bann konteks swivan;

Premyerman, i anvizaz proteksyon permanan bann Programm Mondyal pour Manze. Ensi ki pour tou lezot vesu vilnerab ki sitye dan zanviron landrwa loperasyon.

Dezyenmman, lasistans dan lalit kont piratri ek latak vol arme lo lanmer an term prevansyon, preanpsyon ek represyon.

I osi anvizaz en lapros Linyon Eropeen entegre anver *La Somalie* ansam avek *EUCAP Somalia, EU DEL Somalia* ek reprezantan Linyon Eropeen spesyal anver rezyon *L'horn Lafrik*.

I osi ankouraz dekonfliksyon, korperasyon avek ensi ki sipor pour bann lorganizasyon enternasyonal. E sa i enkli bann Lafors Naval, bann deplwayer endependan e lapes komersyal. E i osi anvizaz en *framework* baze lo bann regilasyon solid, pou transfer bann pirat kot bann Leta Rezyonal pou zot prosekisyon.

Mr Speaker, i enportan pou note ki anba sa Lagreman, Linyon Eropeen in donn sa loperasyon militer bann latas adisyonnell, an sa ki konsern

led dan lenplimantasyon *Arms Embargo* Nasyon-z Ini an deor lakot Somali an konformeman avek rezolisyón 2014 ki anba Konsey Sekirite Nasyon-z Ini.

E pou lit kont Trafik Drog Narkotik an deor lakot Somali. Dan konteks Konvansyon Nasyon-z Ini kont Trafik *Illicit* Narkotik e sibstans psikotropik date le 20 Desanm, 1988.

Mr Speaker, i osi enportan pou note ki i annan plizyer laranzman sa Lagreman ki'n ganny site dan 2 let ant Linyon Eropeen avek Larepublik Sesel, ki enkli provizyon pour lotorizasyon par Gouvernman Sesel an sa ki konsern trafik zarm sispe ek drog ver Sesel, par en Leta Manm Linyon Eropeen.

Provizyon pour lasistans ek resours finansyel imen e lenfrastriktir par Linyon Eropeen, a Sesel pour detansyon lanprizonnman, prose Lakour, ensidswit - par bann trafiker sispe.

Konfirmasyon ki Zofisyé Lyezon ATALANTA konman premye kontak dan lenplimantasyon sa Lagreman pour Larepublik Sesel.

Provizyon 10 zour travay pou ki Lofis Atorni Zeneral i desid lo sifizans levidans disponib pour prosekiyon sispe ki'n ganny transfer.

Etablisman bann kondisyon transfer pour bann dimoun ki'n ganny transfer par Linyon Eropeen ver zot pei lorizin, byensir par demann Sesel.

Provizyon bann fasilite akomodasyon dan Sesel, pour bann sispe transfer dan Sesel ki pe ganny transfer ver zot pei lorizin par Linyon Eropeen.

Provizyon garanti bann drwa de baz an respe pour bann sispe transfer dan prose zidisyer ki'n ganny agree par bann diferan parti.

Provizyon pour rezolisyón bann konfli lo sa Lagreman ant bann diferan parti atraver bann mwayen diplomatik.

Provizyon pour lamannman sa Lagreman atraver en konsantman ekrir ant Linyon Eropeen avek Larepublik Sesel. E anfen, provizyon pour rezilyasyon sa Lagreman atraver notifikasyon ekrir par bann diferan parti.

Mr Speaker, Sesel konman en pei, malgre ki nou ptí an groser, nou pa'n ganny eparnye pour plizyer fwa avek latak pirat. E nou nasyon pe kontinyelman sibir konsekans trafik drog dan nou lanmer ki pe detrir nou bann zenn, nou bann fanmir e nou sosyete an zeneral.

I fer mwan enkyet lavenir ler mon get lakantite nou bann zenn zenerasyon, ki'n perdi akoz labi drog, malgre plizyer zefor ki nou Gouvernman pe fer pou konbat kont sa move vermin.

Me ozordi, mon rekonforte ki avek ratifikasyon sa Lagreman, disponibilite ensi ki konsonmasyon drog dan nou pei, i ava gradyelman redwir.

Koman Komite responsab pou *scrutinize* e zwenn avek bann diferan Minister e lazans responsab pour bann diferan Lagreman ki vin devan nou Lasamble. Letan ki nou ti pe diskit lo sa enn Lagreman, i ti ganny fer resorti par Departman Zafer Etranzer, ki pandan ki bann *vessel* ek zot lekipaz sispekte pour bann diferan *form* trafik pe regilyerman ganny entersepte, in napa en kad legal an plas pou permet transfer ek larestasyon par en Leta Manm Eroopeen.

Normalman bann sispe pou ganny eskorte an deor *Zone Ekonomik Eksklisiv*. E souvandfwa se toultan bann menm kriminel ki'n ganny entersepte. Dan sa ka Mr Speaker, sa Lagreman pe fer provizyon pou siprim sa.

Me par kont anba *Misuse of Drugs Act 2016*, Sesel i

annan ziridiksyon pou aret e anmenn Ankour bann trafiker drog anndan e an deor son delo, ki par konsekan permet bann Lakour pou prosekit sa bann endividé.

Sa ki enportan pou nou konnen se ki ratifikasyon sa Lagreman pou permet en travay pli entans, me dan en fason pli kolektiv anvi ki i pou pe asiste tou pei larezyon. Notaman *Kenya, Moris, Djibouti* e byensir Sesel. A leksepsyón *Madagascar*, ki anvi son sityasyon drog ki tre konpleks i kapab kree konplikasyon aver manda e lenplimantasyon sa Lagreman.

Mr Speaker, nou Komite ti osi eksprim konsern an sa ki konsern kapasite Servis Prizon pou kapab efektivman akey bann sispe ki'n ganny transfer.

Sirtou kan nou konnen ki nou prizon i deza ase ranpli. E Departman Zafer Etranzer ti re asir nou ki Sesel i touzour mentenir *full lotonomi* lo sa Lagreman.

Ki vedir ki Gouvernman, atraver Lofis Atorni Zeneral, ensi ki Servis Prizon, i annan diskresyon konplet lo swa pou aksepte bann kondannen.

E osi an sa ki konsern kapasite pou transfer zot kot Linyon Eroopeen dan levantyalite mankman levidans

pour prosekisyon. Ensi ki lezot rezon parey in ganny site anba laranzman 4 sa Lagreman.

Nou ti osi ganny enformen par Sirentandan Prizon ki fasilite prizon aktyel i bezwen ganny revwar pour li vin pli abile pli konvenab. E ti osi dir nou ki Fasilité Marie Louise in pare a leksepsyon bann pti travay miner, sirtou kot *fencing* sekirite i konsernen.

An sa ki konsern bann konsern bidzeter, Komisyoner St Ange ti met nou Komite okouran ki negosyasyon in konmanse par Minis Zafer Etranzer avek Lakonpannyen Devlopman bann Zil ki'n frikyezman anmenn ver bann rediksyon dan depans lo fasilite Marie Louise.

Mr Speaker, pou terminen mon ti a kontan termin avek bann statistik rikorde par Lafors Naval Linyon Eropeen anba Loperasyon ATALANTA date le 20 Oktob 2023.

In annan 2 mil 178 Verso Programm Mondyal pour Lasante ki'n ganny proteze. 3 milyon 200 mil 273 tonn manze ek led ki'n ganny delivre. E 15 mil 953 kilo narkotik ki'n ganny sezi.

Mr Speaker, in osi annan 171 pirat ki'n ganny transfer kot zot Lotorite konpetan. Personn pa'n ganny rimann. E

145 in ganny konvikte. En sif prometan me ki demontre ki annan ankor travay signifikan pou fer.

An konklizyon Mr Speaker, mon pou konfirm mon sipor ver ratifikasyon sa Lagreman an sitan Komandan Operasyonnel Lafors Naval Linyon Eropeen Loperasyon ATALANTA Mr Núñez Torrente ki dir ki; *Now, as we continue to fight piracy and protect World Food Program ships and other vulnerable vessels in the area of operations, which remains our core tasks, we are also beginning to contribute to the fight against other illegal activities, such as drug trafficking and weapons smuggling to Somalia, in which these piracy networks are involved.*

All this in order to increase maritime security in this vital region". Mersi Mr Speaker, e mon pe ankor re afirm mon sipor pour sa Mosyon.

(APPLAUSE)

MR DEPUTY SPEAKER

Mersi Onorab Kelly Samynadin. Donk i annan 7 Manm - avek Onorab Samynadin i fer 7 ki'n endike zot le koze. Donk mon'n fini ferm mon lalis la.

Savedir prezan mon pou donn 12 minit *maximum*. Onorab Samynadin in koz 8 minit. Mon pou donn *maximum* 12 avek *Right of Reply*. Zis avan 6er nou a fini. Nou a kapab fer sa. *Ok so prosen entervenan i ava vin Onorab Loze.*

HON JOHAN LOZE

Mersi Mr Speaker. Mr Speaker nou annan en *focus* souvan dan Losean Endyen lo listwar bann zil *Chagos* e sa ki'n arive. E nou, nou konsern Sesel in toultan bann Seselwa ki ti lo zil *Chagos* ki'n ganny anleve, ki ti ganny tire.

E nou pa tant pou nou eksplor bann lezot listwar e legzistans bann lezot zil dan Losean Endyen. Kestyon ki Onorab Cosgrow ti poz Minis e repons ki Minis in donnen in fer mwan mazin listwar en lot zil dan Losean Endyen.

Letan Minis in dir avek Onorab Cosgrow poudir *Mayotte, La Reunion* i tro dan sid. Nou, nou le isi dan nor. Nou konsern isi dan nor.

Mr Speaker, nor avek *La Reunion*, me sid avek *Aldabra* ou annan ou *Glorieuses*. Ouswa parey ki bann *Portugais* ti deklar li '*Glorioso*'. *Glorieuses* letan ti ganny fermen pour leksplwatasyon an 1958, e tou bann travayer ti ganny tire, i ti

ganny administre par Mr Jules Sauzier avek son frer Gaston. E tou travayer lo *Glorieuses* ti Seselwa.

Further, Sesel ti deza *lodge* en *claim* pour *Glorieuses* depi 1897. 1897 nou'n *lodge* en *claim*. E nou *claim* pandan sa letan sete ki *Glorieuses* ti administre par Seselwa. E *the workforce* lo *Glorieuses* ti Seselwa. Selman apre ti ganny pran e donnen a Moris pour en rezon bet. Selman sa les li.

Pwen ki mon le fer. Lo *Glorieuses* i annan en Baz Militer Franse depi 1973. I annan prezans Militer Franse laba. *Glorieuses*. I pli dan nor li ki *Mayotte*. So, zot annan landrwa. Zot annan landrwa ki zot kapab servi. Zot annan landrwa sekirize avek prezans militer. Sa ti zis en pwen ki mon ti anvi fer antre dan deba, an relasyon avek larepons ki Minis in donnen.

Further ki mon le eksplorie Mr Speaker, se ki an 2019 letan Sesel ti antre dan bann Lakor Negosyasyon Pwason avek Linyon Eropeen, sete la kot *La France* ti bouz dan en fason inilateral pou *blacklist* Sesel, pour bann rezon *non-compliance tax*.

Coincidentally, nou ti annan negosyasyon ki nou ti'n bouze pou fer apar. Selman les

li, nou a dir koensidans. La ankor, nou antre dan negosyasyon pou nou donn en prizon. Nou ganny *blacklisted* ankor. Mon koz lo la. Mon zis anvi eksplor en pti pe bann *rapport de force* dan relasyon ki Sesel i *enjoy* avek nou bann partener stratezik.

Mr Speaker, en lot pwen ki mon'n leve letan mon ti kestyonn Minis, mon'n kestyonn li lo sa kestyon *catch and release*, si pou arete sa bann Polisi. Minis in dir mwan sa i ganny pratike akoz napa lesspas. La nou a ganny lesspas alors nou ava arete. *Very good.*

5 minit pli tar, Sirentandan Prizon i reponn ki *at a pinch* nou kapab *house* 100 dimoun. Be selman *in all good sense* i pran zis 30 dimoun sa novo Prizon Marie Louise la. I pran 30 dimoun. E sa bann *catch and release* ki nou pe fer avek sa bann Iranyen, nou pe atrap *around* en dizenn dimoun par bato. *Minimum* petet 6. So ou pe koz 3 bato la.

Alors klerman *in spite of what the Minister said*, Marie Louise pa pe prezant nou ek en solisyon pour sa problem *catch and release* li. Nou pou *still* annan en problem akoz i pran zis 30 dimoun. E menm si *Superintendent* pe dir nou *at a pinch* i kapab pouse.

Be sa kantite *human rights conditions* ki mon'n tann Minis pe koze lo la, mwan mon pa krwar ki Linyon Eropeen pou an faver nou al kree en *densely populated prison* laba.

Lot size ki mon anvi tous lo la se ki Marie Louise, i ankor menm prizon li. Se sa ki nou'n ganny dir. I ankor menm prizon. I ankor menm lenfrastriktir ki pe ganny *maintained* e *renovated, updated* pour *house* bann dimoun anba sa bann novo Lagreman ki nou pe *embrace*.

Tou largiman lo akoz nou pa kapab annan en prizon, Marie Louise ti ganny avanse par Parti LDS Mr Speaker. Tou largiman akoz sa zil pa kapab *house* en prizon, ti ganny avanse par Parti LDS. Mon pa pou antre ladan mwan. Mon pa kapab. Mon pa santi mwan kalifye pou antre ladan.

Sa ki mon a mansyonnen par kont se ki; loter Mosyon ozordi, i ti envestir li a fon pou eksplike akoz ki Marie Louise pa kapab serve koman en prizon.

Ozordi loter Mosyon i vini pe eksplik nou akoz Marie Louise i devret servi koman en prizon, anba sa novo Lagreman ki zot pe avanse.

Eski mon permet pou poz en kestyon pou demande; be

kwa ki'n sanze? Kwa ki kalifye Marie Louise la aprezan konman en prizon, *en vue* tou largiman ki loter Mosyon avek son Parti *LDS* ti anmennen an 2017? Kwa ki'n sanze?

Akoz nou'n ganny dir pou dir menm prizon? Pti gin *maintenance* ek *update* pe ganny fer. Alors sa en kestyon ki mon pou poz la.

Lo kestyon *risk response*, larepons Minis i pa'n vreman kler. Nou'n ganny dir pou nou - sa ki zot apel *Depth-In-Defense*. Mon krwar *DIP* zot apel li. Minis in avans sa konman sa doktrin ki pou ganny pratique, *Depth-In-Defense*. Ki sa i stratezi ki pou ganny aplike pou *mitigate* si i annan okenn keksoz ki vin ver nou.

Par kont in dir nou poudir *risk analysis* in ganny fer e i pou en *continuous work* ki pou kontinyen ganny fer. Be nou'n osi ganny dir ki *IDC* pe redwir son *cost* par 50pourstan. *Which is very good. Nou welcome* sa.

Par kont ki nou pa vwar dan sa dokiman se kote larzan pou sorti. I napa sif. I pa donn nou en sif dan sa dokiman. *Superintendent* li in donn nou en sif ki mon krwar i tonm apepre en 435 mil par mwan. Dan sa dokiman li menm letan ou lir li sa Lagreman, i pa dir ou klerman kote sa R400ekek mil

pe sorti. I pa'n ekrir an nwar e blan dan sa dokiman, ki nou sipoze pe *vote* lo la ozordi.

So, nou annan en sonm €1.5 mon krwar, milyon *upfront* ki'n ganny *dangled* devan nou konman en karot. E deswit nou sot lo la, nou pran. Be i pa kler pour nou sa *cost over* an perpetrите la ki mannyer i pou ganny – pli i pou sorti larzan. I pa kler. I pa ekrir dan sa dokiman. I annan en bann promes vag ki ganny fer dan sa dokiman, be sif pa ganny prodwir.

Eski nou pou ganny *left to foot a bill at some point?* Ouswa eski nou bezwen antre kontinyelman dan negosyasyon avek en bann partener ki a sak fwa nou annan negosyasyon serye pou fer avek zot, nou ganny *blacklisted?* Akoz i paret pe vin en *trend* la.

Sak fwa nou annan en negosyasyon serye pou nou fer, *out of the blue* pour en rezon banal, ou tandis Sesel i aparet lo en lalis ki pa – ki gri ouswa *black*. Mon bezwen dir ki sa i en teknik negosyasyon sa bann dimoun.

E mon pe prezimen ki in *form* parti zot stratezi sa bann dimoun, pou zot pa enkli bann sif kler dan sa dokiman. Be zot bokou pli for ki nou zot. E zot

konportman par lepase, i pa'n strikteman dan nou faver.

E nou pe ganny dir ki Linyon Eropeen pe negosye avek bann lezot dimoun, bann lezot partener dan larezyon.
Very good.

Akoz nou tou nou konnen la anndan – ki ti la anndan dan lepase, nou tou nou konnen ler bann lezot ti refize e ti kit Sesel *high and dry* pou nou anmenn sa bann responsabilite lo nou menm. Nou'n fer li dan lepase. Mon prezimen nou a fer li ankor.

Be mwan napa konfidans personnelman mwan, ki bann lezot pei *soeur* dan larezyon zot pou *step-up* pou zot *assume* en parti responsabilite.

MR DEPUTY SPEAKER

One minute, Onorab.

HON JOHAN LOZE

Probableman senaryo ki pou deroule se ki Sesel *once again will be left high and dry*, pou anmenn sa nou tousel e lo nou menm Mr Speaker. E sa pour mwan i en konsern. So, an konklizyon Mr Speaker, mon'n konmans par etablir ki *La France* i annan landrwa. I annan landrwa sifizaman sekirize ki li i ti kapab met sa bann dimoun.

E la mon krwar petet si Onorab Georges i a donn mwan sa siort, mon krwar nou bezwen al relans nou *claim* lo *Glorieuses*. Akoz si i pa kapab met son bann zafer laba, rann nou, nou zil.

Zot annan landrwa. Zot ti kapab fer sa se zot. Zot pe swazir pou vin fer la se nou. Be mon krwar petet nou devret ganny plis. Bokou plis ki nou pe gannyen. E mwan mon krwar in annan en *failure* dan negosyasyon kek par. Mon krwar nou'n al negosye fay.

E prezan nou'n *end up* ek sa dokiman vag. Mon pa pe target personn. Mon pa anvi ensilte personn. Mon'n zis met mon konsern konman en Seselwa, ki mon pa santi mon konfortab avek sa zafer mannyer i ete.

Mr Speaker, mon pa pou tard plis. Mon konnen ou annan kontrent letan. Mon ava remersi ou pour ou lendilzans. Mersi.

MR DEPUTY SPEAKER

Mersi Onorab. Mon pou apel Onorab Arissol. Onorab Phillip Arissol konman prosen entervenan silvouple.

HON PHILLIP ARISSOL

Mersi Mr Speaker. Bonn apre midi Mr Speaker. Bonn apre

midi tou koleg Onorab e tou dimoun ki pe swiv nou.

Mr Speaker, i avek en sans irzans ki mon pe abord sa topik ki annan bokou lenportans. Sa Lagreman ant Sesel e Linyon Eropeen pou fasilit transfer dimoun ki ganny arete e detenir pou partisip dan aktivite ki menas stabilite e sekirite Sesel, e kominate enternasyonal.

Pandan sa bann dernyen lannen, Kominote Mondyal in temwanny en logmantasyon dan aktivite kriminel tel ki dan Trafik Ilegal Narkotik, dan Vyolasyon *L'embargo Enternasyonal.*

Sa bann aktivite pa'n non selman souzestim Lalwa, me in osi prezant menas pour sekirite rezyonal e mondal. Set a sa repons – a sa defi presi ki Sesel e Linyon Eropeen in zwenn ansanm, dan en zefor kolaborasyon pou konbat sa bann krim trans nasyonal.

Mr Speaker, sa Lagreman i mark en letap enportan dan langazman komen sa 2 parti pou atak problem grav dan kontra bann zarm, e vyolasyon *L'embargo Nasyon-z* Ini lo Somali e komers ilegal dan narkotik.

Tou lede, Sesel e Linyon Eropeen i rekonnet nesesite pour en aksyon kolektif e kordinen kont sa bann menas.

I depas frontyer nasyonal e ki demann korperasyon enternasyonal.

Mr Speaker, an 2021 Sesel ti ganny aprose par Linyon Eropeen avek en propozisyon pour en lagrandisman dan manda Loperasyon *EUNAVFOR ATALANTA*.

Sa propozisyon lagrandisman in annan pou lobzektif adres lo en pli gran lesel, defi sekirite maritim dan rezyon was Losean Endyen. Sirtou kont narkotik trafik imen, e kontra bann zarm.

Dapre sa Lakor, sa i a etablir en kad pou fasilit transfer dimoun ki ganny arete e detenir par en leta Manm Linyon Eropeen, pour zot partisipasyon dan aktivite ki an relasyon avek *L'embargo* zarm lo Somali, ouswa trafik narkotik.

Sa kad ava fer sir ki sa bann endividé i kapab ganny anmennen Sesel kot zot pou fer fas avek bann prosedir legal. E zot ava responsab pour zot aksyon.

Korperasyon ant Sesel e Linyon Eropeen i demonstre en legzanp pwisan lo ki mannyer bann nasyon i kapab travay ansanm pou adres bann defi partaze.

Ler zot met zefor ansanm, zot pa selman pou anvoy en

mesaz kler ki aktivite kriminel pa pou ganny tolere, reste san pinisyon. Me osi demontre langazman pou respekte prensip Lalwa enternasyonal e protez sekirite mondal.

Sesel e Linyon Eropeen i rekonnet lenportans konbat aktivite ilegal dan domenn maritim e mentenir sekirite rezyonal. Pa rekonnet nesesite pour korperasyon efikas e lasistans mityel, zot in ariv lo sa bann konpreansyon.

Leta Manm Linyon Eropeen, i annan opsyon pou demann transfer dimoun ki'n ganny arete e detenir dapre son Lalwa Nasyonal ki'n ganny sispekte pe partisip dan vyolasyon *L'embargo Nasyon-z Ini* lo Somali. Ouswa pe angaz dan trafik drog narkotik lo lakot Somali.

Mr Speaker, Sesel i dakor pou konsider sa bann demann lo en baz ka par ka. Leta Manm Linyon Eropeen pou bezwen soumet demann transfer formel avek Sesel pour endividé ki ganny arete e detenir anba sa Lalwa.

Sa bann demann konsernan bann endividé ki'n ganny soupssonnen pou enplike – zot enplikasyon dan vyolasyon *L'embargo Nasyon-z Ini* lo Soumali, ouswa angaze dan trafik drog narkotik lo lakot

Somali, Linyon Eropeen e Sesel pou etablir bann prosedir kler e efikas pou transfer bann endividé ki'n ganny arete e detenir.

Sa bann prosedir pou anglob dokiman neseser, laranzman sekirite e konsiderasyon lozistik ki neseser pou asire ki transfer sispe i ganny fer ant egalite e san okenn danze.

Linyon Eropeen i rekonnet langazman Sesel, pout tret bann dimoun ki'n ganny transfer an akor avek Lalwa e regilasyon nasyonal ki aplikab. E osi sa bann standar enternasyonal drwa imen.

Linyon Eropeen i espere ki drwa e byennet dimoun ki'n ganny transfer, i ganny respekte pandan tou prosesis. Linyon Eropeen e Sesel pou mentenir prensip konfidansyalite e proteksyon lenformasyon.

Nenport lenformasyon ki'n ganny partaze pandan prosesis transfer, pou ganny trete avek konfidansyalite pli ekstrem. En lenformasyon personnel pou ganny trete an konformite avek Lalwa e regleman, ki viger lo proteksyon lenformasyon.

Mr Speaker, nenport ant sa 2 parti, i kapab met en lafen a sa Lakor par en avi an ekrir 6 mwan davans. Terminasyon

Lakor pa pou afekte drwa e obligasyon ki sorti dan transfer ki'n deza ganny fer.

Mr Speaker, mon krwar ki sa Lakor a kontribye dan en fason signifikan dan zefor konzwent pou konbat aktivite ilegal e mentenir sekirite rezyonal. I reflekte langazman - en langazman komen pou defann Lalwa Enternasyonal e abord sa defi.

Pou konklik sa Lesanz Let ant Sesel e Linyon Eropeen i etablir en Lakor pou fasilit transfer bann dimoun ki'n ganny arete e detenir anba Lalwa Nasyonal e Leta Manm Linyon Eropeen.

Sa Lakor i adres sityasyon larestasyon bann endividé dan en tel partisipasyon. Tou lede parti i rekonnet lenportans korperasyon e lasistans mityel dan konbat aktivite ilegal dan domenn maritim.

Sa Lakor i dekrrir prosedir pou demande e egzekit transfer. Osi tretman bann akize e konformite avek Lalwa ki aplikab lo en norm standar drwa imen. Laksan i ganny mete lo konfidansyalite e proteksyon lenformasyon personnel.

Mr Speaker, sa langazman pou antre an fors ler tou lede parti i konplet tou kondisyon entern. Sa a donn lendikasyon

langazman pour zefor komen dan mentenir sekirite rezyonal e defann Lalwa Enternasyonal.

Par finaliz sa Lagreman, Sesel e Linyon Eropeen, i re afirm zot devouman pou konbat bann aktivite ilegal e ankouraz en lanvironnman maritim pli an sekirite. Mr Speaker, avek sa mon pou siport sa Mosyon. Mersi.

MR DEPUTY SPEAKER

Mersi Onorab Arissol. Prosen Manm lo lalis pou intervenir se Onorab Cosgrow.

HON WALLACE COSGROW

Mersi Mr Speaker. Bonn apre midi tou dimoun. Mr Speaker, mon pou konmans mon lantervansyon lo en keksoz ki Onorab Georges in dir apre midi. Onorab Georges i dir nou Lasanble i annan en rol pou zwe dan gouvernans pei.

In dir i *happy* ozordi ki sa Lagreman in ariv devan nou Lasanble. E ki i montre ki poudir Lasanble osi i annan en rol enportan pou zwe dan gouvernans pei, e dan balans en pe pouvwar ant Legzekitiv avek Lezislatif. En pe dan sa bann mo koumsa.

Me mon pou dir avek Onorab Georges, avek Lasanble avek pep Seselwa ki wi, i enportan. I enportan ki

Lasanble i annan sa pouvwar, i annan sa posibilite pou li kapab fer sa bann travay.

Me i enportan ki nou osi ler nou fer sa bann travay, nou fer sa bann travay dan lentere Sesel e Seselwa. E pa akoz ki en kote latab i reprezent Gouvernman or i reprezent lentere Gouvernman, ki zot zis aksepte e *rubber stamp* sa ki Gouvernman i anmenn devan Lasanble.

Mon krwar i enportan Mr Speaker, akoz sirtou avek en Lagreman kot i *involve* souvrennte Sesel; e i *involve* serten sityasyon kot i kapab met Sesel e Seselwa dan serten risk e danze.

Wi Mr Speaker, i posib pou nou zwenn ansanm dan serten sityasyon, ler ki lentere Sesel, lentere Seselwa i pas premye e i ganny prezerve.

Mwan Mr Speaker, avek sa Lagreman, mon pa 100poursan konvenki e mon pou dir akoz taler, detrwa pwen.

Parey – menm en pe parey bann pwen ki mon'n souleve dan sesyon kestyon avek Minis taler, avek *panel*.

Mon pa konvenki ki sa Lagreman i 100poursan dan lentere Sesel e Seselwa. Zis si ou permet mwan Mr Speaker, mon pou lir en pti zafer ann Angle. E mon krwar i form labaz

diskisyon en pti pe ki nou devret pe *focus* lo la apre midi.

Solman sa i an Angle, mon pou lir li parey i lir. E sa i sorti lo *website* Komisyon Linyon Eropeen. I dir ou;

"The EUNAVFOR ATALANTA plays a vital role in the EU's Common Security and Defence Policy & EU's Naval Diplomacy for the Indo-Pacific region. Since 2008 supporting the Coastal States in the combined effort for peace, stability and Maritime security".

Mr Speaker, si nou asize nou lir sa premye bout, nou pou realize ki poudir Linyon Eropeen pa pe fer nou okenn faver li. Linyon Eropeen dan son lentere protez Linyon Eropeen e *asset* Linyon Eropeen dan Losean Endyen e *beyond*, zot oblige antre dan sa bann kalite loperasyon pou protez zot lentere. Zot lentere biznes.

Nou kapab mazinen ki kantite *asset* Linyon Eropeen i annan dan Losean Endyen. Pa bezwen al tro lwen. Al lo por la *Ile Du Port* nou pou war en bon pe sa bann *asset*. Bann lezot pei Losean Endyen osi i annan.

Dan serten - dan Pasifik, akoz sa i en *gateway to* - Losean Endyen i en *gateway* pou antre dan *Pacific Ocean*.

Bann diferan *asset* ki Linyon Eropeen i annan.

So annou pa bezwen asize krwar ki poudir Linyon Eropeen pe fer nou en faver e zanmi Sesel. E i pe ed nou dan sa demars.

Wi nou benefisy. Be nou pe benefisy akoz Linyon Eropeen i annan en pli gran gol. Se pou *secure* son sekirite e sekirite son bann *asset* kot i ete dan lemonn. E dan sa ka, Losean Endyen e *Pacific* akoz Losean Endyen i en *pathway to the Pacific*.

Now Mr Speaker, taler letan Minis in vini nou'n fer serten enteraksyon avek Minis. E i annan bann pwen ki'n souleve – in ganny souleve.

E mon pou tous en pe sa bann pwen ki'n souleve boner, pour mwan montre akoz ki poudir pour mwan mon pa tro krwar sa Lagreman... Mon pa krwar 100poursan ki sa

Lagreman i dan benefis Sesel. Lagreman ki nou ti annan avek piratri ti deza permet nou avek *EU* an sa ki konsern piratri - ti deza permet nou pou fer serten travay e pou protez Sesel – teritwar Sesel e nou bann *asset*, nou bann zil Sesel.

Nou ti deza annan en *Framework Agreement* e tou sa bann *RCOC, the MAZE Project*,

tousala ti *form part of* tou sa bann *framework arrangements, agreements* pou nou kapab protez Sesel. Protez nou kont piratri. Protez nou kont trafik drog. Protez nou kont trafik zarm.

E nou ti'n zwenn *EU*. Nou ti'n zwenn zot *halfway*. Petet pa *halfway* me selman nou ti'n zwenn zot dan zot lentere e nou osi nou ti annan nou lentere. E nou ti nobou *combine* lentere kanmarad. E nou ti zwenn kanmarad a en serten pwen kot mon krwar ti pe marse.

Me le problemm ki arive prezan Mr Speaker, *EU* i al pli lwen. *EU* i vin kot nou i dir nou be get sa; mon ti a kontan prezan ou pran sa bann dimoun ki nou tyonbo - *the high risk*. Sa bann dimoun ki annan ki *very high risk*. Bann dimoun ki *deal* dan trafik zarm. E dayer Linyon Eropeen mon krwar i *operate even the Red Sea* anler partou. So nou konnen ki bann group dimoun nou pe koz lo la.

E nou pa konnen prezan si zot pou pran dimoun laba anler osi pou anmenn anba, pou vin *store* lo Marie Louise la. Problem apre pour nou Seselwa.

So, basically premye keksoz Mr Speaker, se risk ki poze pour Sesel. In ganny dir boner ki sa bann dimoun i

operate konman bann lorganizasyon, petet teroris. E bomaten nou'n fek koz lo sa bann zafer teroris. E nou pe anmenn zot *closer to home*.

E mwan mon annan en problemm avek sa mwan. *Closer to home* en zil ki preski dir pa ganny – *well*, napa gran proteksyon apard ki sa ki Komisyoner Prizon in dir nou taler. Pou annan serten - anba Lagreman avek *Tanzania*; pou annan serten sekirite. Pou annan serten nivo sekirite lo zil, ki pou kapab protez sa bann asset. Protez sa prizon.

Me letan nou pe koz *organized crime*, nou pe koz bann dimoun ki *deal* dan *arms trafficking*, ou kapab konpran ki kalite *level* sekirite. Si mon anvi vin tir mon sef laba kot i ete Marie Louise, zarm ki nou annan, posibilité ki nou kapab, mon preski dir, mon preski sir ki poudir sa bann dimoun pou reisi. E dan prose zot tir tou dimoun ki dan prizon.

So, risk ki sa i poze e pa zis kot Marie Louise – zil Marie Louise, be risk ki sa i poze, nou bann zil o bor, nou bann asset o bor. Nou bann lotel kot touris i ete, i afekte nou limaz *tourism*. E pou kwa – mon pa pe dir zot pou arive - me selman i pa anpes zot ariv lo later Mahe, kot

i poz bokou plis danze pour nou ankor.

So, pour mwan sa zafer risk ek Sesel i enn ki nou bezwen – nou bezwen pran konsiderasyon. E ki pep Seselwa i bezwen konpran poudir Gouvernman pe antre dan en Lagreman avek Linyon Eropeen ki kapab anmenn plis risk ki ozordi sa Lagreman ki nou annan kont piratri pe prezante.

Dezyenm pwen Mr Speaker, i annan sa zafer pou fer avek kou. Kou pour Sesel. In ganny elabore boner ki Linyon Eropeen pou *fund* serten *cost* pour sa proze. Mon apel li en proze. Serten *cost* pour sa proze pou reabilit prizon. Pou fer serten *initial expenditure* ki bezwen ganny fer pou kapab met sa prizon operasyonnel.

Me lefe i reste pour mwan - menm si nou kapab termin sa Lagreman a nenport ki moman, lefe i reste pour mwan se ki diran sa Lagreman, diran loperasyon sa Lagreman, i pa kler lekel ki pou *bear the cost of the operation of* sa prizon. I pa kler. Dan Lagreman i pa kler lekel...

Menm si Minis in lir en *clause* avek mwan taler, i pa kler konbyen ki Linyon Eropeen i paret pou komet *on a yearly*

basis Bidze operasyonnel sa prizon.

E mwan sertennman Mr Speaker mon pa dakor, mon pa krwar ki *taxpayers'* Seselwa i devret pe *foot the bill* pour sa kalite – mon'n dir ekstravagans taler. Me selman sa kalite proze ki Gouvernman ozordi i anvi antre ladan.

E mwan mon krwar ki poudir – parey Onorab Loze in dir, mon krwar ki poudir Linyon Eropeen - e mon'n dir taler dayer boner se ki Linyon Eropeen i annan ase *asset*, i annan ase landrwa dan Losean Endyen pou zot kapab fer sa kalite loperasyon.

Ki petet i en pti pe pli dan sid avek nou, me selman zot annan landrwa. Pour kwa pa transfer sa bann dimoun, sa bann *high risk prisoners or law-breaking people*. Transfer zot lo zot bann *asset*, lo zot bann zil. E pa bezwen vin anmenn sa *burden* Sesel pour pep Seselwa.

Pa zis en *burden* risk, me en *burden* finansyel ki ozordi ni Minis, ni *panel* e ni menm loter Mosyon, pa'n kapab klarifye pou dir nou poudir Seselwa pa pou kontribye *at a high cost towards running* sa prizon.

So Mr Speaker ...

E nou konnen poudir dan lepase ti annan en kantite *issues* an sa ki konsern Prizon

Marie Louise. E sa letan Lopozisyon ti proteste en kantite, an sa ki konsern bann cost ki *IDC* ti pe *incur*.

E zot ti pe dir pou dir larzan ki pe al travay *IDC* pa pe neseserman ganny byen ale.

Ti annan dout ladan e ti demande pou ferm Prizon Marie Louise. Nou tou nou konnen. Sa i la, i dan rikord.

E nou konnen lekel bann dimoun ki ti pouse pou ferm Prizon Marie Louise. Loter Mosyon i enn.

So, Mr Speaker, eski ki arive ozordi - eski zot nide in sanze? Eski akoz en *master* Eropeen in vini in dir nou, in konmans donn nou, in konmans pas dimyel o bor ver e nou taye nou dir wi? Nou taye nou dir wi vini, antre, met prizon la. Donn nou en pti larzan lot, lot, lot. Eski se sa?

MR DEPUTY SPEAKER

1 minit Onorab.

HON WALLACE COSGROW

Nou bezwen kapab asize mazin sa risk, sa kou ki pep Seselwa, 100 mil zabitan pou bezwen *bear* pour sa kalite Lagreman ki devan nou. Resours li menm Mr Speaker. Resours pa zis resours finansyel, me resours imen. Resours imen ki ozordi Prizon Montagne Posée; bann

diferan fasilite ki pe ganny *run* par Servis Prizon, ozordi nou konnen zot annan en ta difikilte; larzan, *scheme* pour sa bann dimoun. Kondisyon prizonnyen zot menm laba Montagne Posée dan bann *Remand Centre*.

I annan en kantite resours ki sa Servis Prizon i bezwen e ki ozordi nou pa pe kapab *fully support* Servis Prizon. E la nou pe al met en adisyonnal *burden* ankor lo nou. E mwan dir sa akoz i pa ankor kler pour mwan – mon repete, i pa ankor kler ki mannyer *the recurrent budget of* sa Prizon Marie Louise pou marse.

So, Mr Speaker, i annan tro bokou keksoz ki pa kler dan sa Lagreman. I en Lagreman ki vag e ki - ki pa kler. E mwan sertennman mon pa krwar poudir Sesel i devret pran sa *burden*.

Nou deza annan en laranzman. E nou deza fer bokou dan sa laranzman, sa pti resours ki nou annan. E mwan mon santi ki poudir benefis pour Linyon Eropeen i *far outweigh* benefis ki Sesel pe gannyen ladan.

E pour mwan mon pa krwar nou devret antre dan en Lagreman. Nou dan en Lagreman deza. E annou gete ki

mannyer nou pous sa Lagreman pli – fer pli byen.

Me selman mon pa krwar nou devret antre dan en lot laranzman kot nou pou al anmenn dimoun sorti dan tou sort kalite bout Losean Endyen pou vin anmenn lo Marie Louise pou vin servi en santans prizon. Avek sa Mr Speaker, mon ava arret la. E mon ava esper loter Mosyon fer son *submission* pour mwan deside. Mersi.

MR DEPUTY SPEAKER

Mersi Onorab. Prosen entervenan lo lalis se Onorab Wavel Woodcock.

HON WAVEL WOODCOCK

Mersi Mr Speaker. Mr Speaker, bomaten apre ki *LGB* in anmenn Mosyon pour ratifye sa Lagreman, *Leader Lopozisyon* ti fer en *request* pour ki nou fer bann teknisyen vin devan sa Lasamble, pou donn nou en pe plis detay lo sa Lagreman ki nou pe debat lo la ozordi.

E ou ti fer sizesyon ki apre ki nou *break* pour nou *Caucus*, nou bann *Leaders* zwenn avek *Leader Lopozisyon* pou nou diskite si nou pou agree pou fer sa. Pou envit sa bann teknisyen.

E nou'n agree Mr Speaker pou demande ki Minis pour Zafer Entern, Zofisye Atorni

Zeneral, Komisyoner Prizon, *International Affairs* – Zofisye *International Affairs*. E bann lezot *stakeholders* pou vin devan nou Lasanble pou donn nou plis detay lo sa rapor.

Menm si Mr Speaker, ozordi nou annan nou en Komite Lasanble *International Affairs Committee*, ki'n ganny mandate par Lasanble Nasyonal pou fer sa travay. Pou *scrutinize* tou bann Konvansyon, bann Lagreman, bann *Treaties* avan ler i vin devan Lasanble Nasyonal.

Parey nou annan *Bills Committee* ki dayer son responsabilite se pou *scrutinize* tou bann Lalwa ki vin devan sa Lasanble Nasyonal.

En travay in ganny fer. En rapor in ganny prezante e in ganny sirkile avek tou bann Manm depi semenn pase, *yet* Mr Speaker, nou'n agree pour sa bann zofisye vin devan sa Lasanble Nasyonal.

Mr Speaker, sa Komite *IAC* i konpri Manm sorti lo tou lede kote latab; 5 Manm sorti lo kote *LDS* e 2 Manm sorti lo kote *US*. Lenformasyon ti la e bokou bann kestyion ki'n ganny demande Mr Speaker, i bann menm kestyion ki *IAC* ti demande ler nou ti apel sa bann teknisyen.

E dan sa rapor lamazorite kestyion ki'n ganny demande Mr Speaker, i enkli – i an detay dan sa rapor ki'n ganny prezante avek bann Manm sa Lasanble.

Mr Speaker, lo sa rapor i kler ki sa Lagreman ki nou pe diskite ozordi, i pa en keksoz nouvo. I en Lagreman ant *EU* avek Sesel ki vin dan *Form* en *Exchange Letter*, kot i en extension Mr Speaker.

Annefe parey plizyer Manm in dir, *EU Maritime Inter Operation* dan *West Indian Ocean* e osi in the Red Sea. Ok? I ganny apele *Operation ATALANTA*.

I pa en keksoz ki nouvo Mr Speaker. I en loperasyon ki deza pe ganny fer dan nou lanmer depi menm ler Gouvernman *United Seychelles* ti o pouvwar Mr Speaker. E Mr Speaker, sirtou sa letan kot piratri ti vreman en gro konsern lo lakot *West Africa*. Lo lakot - dan lanmer *West Indian Ocean*. E osi lo lakot Somali.

E kot plizyer bann bato Mr Speaker, ki pa nouvo. Bokou bato ti ganny sezi dan nou lanmer ouswa an deor lanmer Sesel o bor nou teritwar e menm dan nou teritwar. Akoz bokou bann bato ti pe ganny sezi dan nou lanmer Mr Speaker.

Ki osi enkli bann bato Mr Speaker, ki bann *flagged ships* Sesel. Bann bato ki anvول bann paviyon Sesel Mr Speaker. Bann bato parey *Galatea*. Mon rapel - mon rapel ler *Indian Ocean Explorer* osi ti ganny sezi Mr Speaker. Ti ganny *highjacked* lo nou lanmer.

E granmersi sa Lagreman Mr Speaker - sa *Operation ATALANTA* in fer Mr Speaker poudir ki bokou bann bato in ganny proteze dan nou lanmer. Akoz parey nou konnen nou annan nou en *vast* teritwar. Nou *EEZ* i sitan gran Mr Speaker.

E nou bezwen sipor e bann lizye *extra* pou ed nou. Sirtou avek *EU*. Bann *Member State* pou ed nou pour nou kapab *monitor* e *sirvey* nou losean. E protez nou lakot osi Mr Speaker.

Mr Speaker, i pa fer premye fwa ki bann bato i ganny entersepte. Ki bann – sa bann dimoun, sa bann *crew* ki'n fer sa bann aksyon *illicit*, swa piratri. E apre in evolye kot zot ti sipoze entersepte bann bato ki ti pe trafik drog, ki ti pe trafik zarm in ganny entersepte lo lanmer.

E en bon pe letan Mr Speaker, bokou sa bann pirat pe ganny met ater. E zot ti pe

ganny met deza dan Prizon Montagne Posée.

Sa Lagreman ozordi ou kapab dir, i senpleman en *extension of the Operation ATALANTA* Mr Speaker, kot i fer ki nou pe kontinyen avek sa legzersis ki non selman pou protez nou lakot. Me parey mon'n dir, ki pou osi vey tou sa bann aksyon *illicit*. Bann keksoz ki pe arive.

Sirtou trafik zarm, trafik drog ki pe arive lo lakot Somali, Mr Speaker. E osi dan *West Indian Ocean* Mr Speaker. E i enposib pou nou fer sa travay nou tousel.

Sesel nou en pti pei nou napa sa resours. Nou bezwen sa bann pei pou donn nou sa bann sipor, sa lasistans.

E ozordi Mr Speaker, sa Lagreman i pou ede dan lalit kont drog, kont trafik drog Mr Speaker lo lakot Somali dan nou lanmer. E osi trafik zarm Mr Speaker, ki finans teroris. Bomaten nou'n koz lo teroris. Mon pa pou al ankor an detay lo la.

Me selman nou konnen ki zarm i kapab fer dan nou pei. E deza dan nou pei i annan bann lenstans kot bokou zarm in ganny dekouver. Nou pa ti konnen ki lentansyon ki sa bann zarm ti pou ganny servi.

Ki mannyer sa bann zarm in antre Sesel ki'n ariv dan

miray kot en dimoun? I bezwen sorti en landrwa. In bezwen sorti dan en lot pei pou antre dan lanmer Sesel, pou *end up* dan miray kot lakour en endividé.

Mr Speaker, parey mon'n dir, Sesel nou annan nou en *vast* teritwar. E dapre sa rapor, i fer kler poudir – e nou konnen i annan en *increase of illicit activity* dan *Western Indian Ocean*. Sirtou parey mon'n dir, *off the Coast of Somalia*. E nou bezwen protez nou bann dimoun Mr Speaker.

Onorab Cosgrow pe demande; ki mannyer sa Lagreman i pou benefisyé nou? I zis dan lentere *EU*. I pa dan lentere Sesel. Me Mr Speaker, si nou pe obzerv byen; parey mon'n dir - dan lepase, i annan plizyer lenstans, sirtou dan lepase kot - e la resaman ankor lakantite bann Dav Iranyen, bann bato ki pe ganny entersepte dan nou lanmer.

E parfwa i pa zis bann *Coast Guard* Sesel ki pe entersepte sa bann bato. Se sa bann *EU Members* ki pe entersepte sa bann bato, zis parey zot ti entersepte sa bann bato pirat ki ti pe non selman sezi bann bato Sesel. Me osi bann bato etranze ki ti pe afekte nou lekonomi.

E ozordi i annan bann pwazon ki pe antre dan nou pei. E i enportan ki nou anmenn sa lager. E parey nou Gouvernman deza pe fer, pe anmenn en lalit asarnen kont trafik drog e zarm, Mr Speaker!

So lo nou menm nou pa pou kapab fer sa. Nou bezwen lasistans bann pei zanmi. Nou bezwen lasistans bann *EU Members*. Sa Lagreman of course *EU* pe *safeguard* son bann asset. I pe protez son bann aki.

Me an menm tan i pe osi protez nou akoz i annan plis bato lo nou lanmer, ki pe ede sirvey nou gran *EEZ*. An menm tan bann bato ki pou sorti dan bann lezot teritwar ki pou antre dan nou lanmer Mr Speaker. Nou bezwen sa led Mr Speaker.

E sa Lagreman, senpleman ki pe fer, i pe *seek* pou *duplicate* sa sikse ki nou'n annan dan lepase dan nou *EEZ*. Pou *duplicate* sikse ki nou annan dan lepase, kont lalit kont piratri. I pou osi ed nou kont nou lalit kont drog, Mr Speaker.

Nou bezwen anmenn sa lalit akoz sa pwazon pe antre lo nou later Sesel, e i pe fer ditor bokou nou bann zanfan. Sa Lagreman osi i fer provizyon pour €1.5 milyon Mr Speaker.

E en porsyon sa larzan, parey nou ti ganny dir dan *meeting* ki IAC ti annan avek sa bann *stakeholders*, Komisyoner Prizon i osi pou servi pour amenaz Prizon Anse Marie Louise. E lezot bann depans ki nou bezwen, sirtou lo serten bann lenfrastiktir Mr Speaker, e bann lezot servis ki nou bezwen.

Mr Speaker, *despite* tousala, Sesel i pou *still* gard lotonomi. I pou *retail* son *full* lotonomi Mr Speaker. Sa se Biro Atorni Zeneral avek *Prison Services* ki pou determinen si zot pou prosekit sa bann *crew* ki'n ganny entersepte, ki pe fer sa bann aksyon *illicit*.

Ouswa si sa bann dimoun pou ganny *repatriated* dan zot pei kot zot sorti, Mr Speaker. Ouswa pou ganny zize dan bann lezot pei Mr Speaker, olye ki ganny zize dan – lo later Sesel Mr Speaker. Sa i desizyon – i reste avek Biro Atorni Zeneral.

E nou *Prison Services* pou determinen si nou pou *incarcerate*, si nou pou gard sa bann dimoun dan nou Prizon Anse Marie Louise Mr Speaker.

Mr Speaker bann *EU Members*, ler zot transfer sa bann *suspected arms and drug trafficker* Sesel, sa Konvansyon i osi fer provizyon pour *EU* li menm donn bann resours

neseser ek finansman pour detansyon. Parey Onorab *LGB* in eksplike; *Incarceration, trial, infrastructural assistance*.

Parey – e menm depans lo sa prizon Mr Speaker, pou *fund management* sa prizon. Zot pou fer provizyon finansman pour sa. E sa in ganny klarifye dan *meeting* ki IAC ti annan avek sa bann teknisyen, Mr Speaker. Avek *Internal Affairs*, osi *Prison Services*.

E menm *repatriation* Mr Speaker, pour sa bann dimoun ki ganny entersepte Mr Speaker, *it will be at EU's cost*.

I menm fer provizyon Mr Speaker sa Lagreman, pou donn *capacity building* nou bann dimoun. E ede avek lasistans parey bann lasistans legal e lezot lasistans ankor Mr Speaker.

E parey plizyer Manm in dir, si nou santi poudir sa Lagreman pa pe benefisyé nou, i senp Mr Speaker, Sesel i kapab senpleman donn 6 mwan notis e termin sa Lagreman. E nou fini avek sa.

Me *as it is now* Mr Speaker, zis parey sa Lagreman Mr Speaker, *Operation ATALANTA – Extension* sa Loperasyon ATALANTA Mr Speaker, in benefisyé nou pei anba Gouvernman avan.

La nou pe *extend* li me selman nou fer provizyon pou nou elarzi son *scope* pour nou osi - pour sa bann bato, sa bann *EU Members* osi sezi bann bato ki pe trafik drog, e bann bato ki pe trafik zarm Mr Speaker.

Zis parey ti benefisyé Gouvernman avan, i pou benefisyé – *well* Gouvernman i *still* parey. Si parey i ti benefisyé ladministrasyon avan, i pou benefisyé ladministrasyon ozordi. E i pou benefisyé tou Seselwa.

I zis en *extension*. Mon pa war okenn rezon akoz ki ozordi en Lagreman ki ti ganny sinyen anba Gouvernman avan.

Preski menm Lagreman a leksepsyón avek ser ten keksoz ki'n ganny azoute ladan, ki *still* pou benefisyé nou pei. I pa pou tous nou souvrennt. Nou pa pe donn okenn nou teritwar okenn pei.

Akoz Anse Marie Louise en bout pou kontinyen pour bann prizonnyen Seselwa. E lot bout pou ganny separe pour petet parey in dir taler, Komisyoner Prizon i pran petet en 20 a 30 sa bann dimoun. Me *most of them will be repatriated back* dan zot pei Mr Speaker.

Si zot pe koz lo souvrennt nou pei Mr Speaker, nou Gouvernman ziska aprezan

zanmen nou deside donn okenn teritwar Sesel, avek okenn *foreign Government*.

Se zot ki ti anvi vann nou souvrennt ler zot ti anvi donn Asonpsyón avek Lenn Mr Speaker! Nou pei pa pou zanmen vann nou souvrennt Mr Speaker.

MR DEPUTY SPEAKER

1 minit.

HON WAVEL WOODCOCK

Sa ki ou pe fer sa Lagreman se senpleman...

MR DEPUTY SPEAKER

I reste ou 1 minit Onorab.

HON WAVEL WOODCOCK

Pou sofgard Mr Speaker, e protez nou pep, nou nasyon. E anpes parey mon'n dir, sa bann pwazon antre dan nou pei e kontinyen touy nou zansfan. Avek sa 2 mo Mr Speaker, mon pou siport sa Lagreman. Mersi.

MR DEPUTY SPEAKER

Mersi. Prosen entervenan, Onorab Pillay?

HON SEBASTIEN PILLAY

Mersi Mr Speaker. E bonswar tou dimoun. Bonswar tou koleg Onorab. Bonswar tou bann zofisyé dan Gouvernman ki'n ede pou negosye sa bann

Lagreman. E fotespere ozordi zot konpran largiman ki nou pe avanse.

Premyerman permet mwan Mr Speaker, ler mon konmanse pou koriz en de pti mizapreansyon. Premyerman prizon pou lo Zil Marie Louise, i pa pou Anse Marie Louise. *Ok?* Mon krwar nou bezwen konnen ki nou dir.

Apre dezyenmman, mon apresye sa komanter lo bann Zil Asonpsyon. Me selman a mon re koleksyon i annan zis en sel dimoun ki'n al *Bihar* e met kouronn fler pou sey vann Zil Asonpsyon. E sa se Prezidan Ramkalawan li menm.

(Interruption)

HON SEBASTIEN PILLAY

So annou donn li son lanmen kot i *deserve* ganny son lanmen, pou sey vann Sesel, en. Mersi. Mersi.

(APPLAUSE)

MR DEPUTY SPEAKER

Onorab. Onorab, *hang on*. Bomaten ou'n fer en *charge* kont mwan e mon'n dir ou dan nou *Standing Orders* 59, ou pa kapab fer sa. La ou dir Prezidan in al vann Ason...

But this is just unacceptable! Ou bezwen

retract Onorab. Mon pe demann ou pou *retract* sa *statement* akoz *this is – its serious*. Ou menm ou ou'n dir bomaten dan bann Lanbasad pe tradwir *proceeding* Lasanble. Nou bezwen *withdraw* sa *statement*. Silvouple.

HON SEBASTIEN PILLAY

Mersi Mr Speaker. Mr Speaker, mon definitivman - si ou santi poudir mon'n ofans karakter Prezidan kot mon'n dir i ti al *Bihar* pou vann Sesel. Mon'n war li lo bann portre. Mon'n war bann komanter ki'n ganny fer. Mon'n fer sa komanter. So, mon ava *retract* avek san problem.

Me selman zis pou mwan regard avek ou lo standar, en? Onorab in fer en *charge* kont nou, e i dir pou dir nou, nou ti le vann souvrennte Sesel.

*Now, enn bann krim – enn bann krim ki pli grav anba nou Konstitisyon se ler ou le vann souvrennte ou pei. E ou pa'n fer li *retract* ou. Ou pa'n demann li laprev. Ou pa'n demann li naryen. So...*

MR DEPUTY SPEAKER

Onorab. Onorab, *hang on*.

HON SEBASTIEN PILLAY

Annou dakor. Mon'n fer mon *retraction*. E mon le zis met devan ou ki mannyer ou pe...

MR DEPUTY SPEAKER

Non, non, non. Ki'n arive la se ki sa Onorab pa'n mansyonn non okenn endivid'i ki dan *Standing Orders* la 59(5) i fer referans avek. In dir zot. Lekel zot? Sa ki'n dir. Zot. Ou ou'n mansyonn en endivid'i ki ganny site dan sa *Order. And this is where you were out of order!* Kontinyen.

HON SEBASTIEN PILLAY

Mersi Mr Speaker. Avek ou permisyon mon ava dir; zot ti al *Bihar* e ti sey vann Asonpsyon avek bann Endyen. Zot ti fer sa.

(laughter)

HON SEBASTIEN PILLAY

E prezan Mr Speaker, i enportan pour nou etablir byen konteks ki devan nou ozordi an relasyon avek sa Lagreman ki devan nou.

Mon krwar en keksoz ki nou'n manke se ki sa Lagreman - diskisyon tou sa Lagreman, i pa'n aparet ler zot in vin la sa. Sa diskisyon pe *go on* pour pandan plizyer lannen. E depi 2014 sa diskisyon pe *go on*.

Me e sa ki enteresan avek sa ki Onorab Loze in dir, an *Vienne* an 2014 ti annan en *meeting* ki sa letan Minis Joel

Morgan mon krwar ki ti *attend sa meeting*. O menm moman...

(murmurings off-mic)

HON SEBASTIEN PILLAY

(Zot respe Prezidan Ramkalawan. I pa apel Kalawan li. Aret mank respe pour li Onorab Porice)

(*Interruption*)

MR DEPUTY SPEAKER

Mon konnen poudir *it's been a long day. It's been a long day. But please, annou – let's stay on the subject matter* ki devan nou. En Lagreman ki'n ganny sirkile, ki mon'n lir, ki mon swete tou Manm in lir.

Nou konnen bann provizyon. Annou argimant lo sa bann provizyon. Non Prezidan pa dan sa largi...

(*Interruption*)

MR DEPUTY SPEAKER

Pa dan sa...Silvouple kontinyen.

(*Interruption*)

HON SEBASTIEN PILLAY

Mersi Mr Speaker. Mr Speaker, avek gran lantouzyazm mon ti pe koriz Onorab Porice ki Prezidan i apel Prezidan

Ramkalawan e pa Prezidan Kalawan. Ou konpran? So bann Manm in tande mon ti pe koriz li.

Anyway, sa ki mon ti pe al lo la Mr Speaker se ki, pandan sa letan ki sa renyon ti pe ganny fer, mon ti pe ekout Onorab Loze bomaten e mon ti krwar petet son largiman i en pti pe...

Eski Onorab Loze pe *cry wolf all the time* poudir ki sak fwa nou annan en keksoz, vre ki Linyon Eropeen i *blacklist* nou? Be ou konnen koensidans enteresan; an 2014 osi, ler sa zafer ti vin lo latab, Sesel ti ganny *blacklisted* par *OECD*. Enteresan sa.

E nou ti'n ganny *blacklisted* pour *OECD*, akoz nou ti'n *non-compliant* avek serten provizyon ki ti annan pou fer avek bann *IBCs*. Bann *International Business Companies*. E *subsequent to* sa, nou ti bezwen adopte en *model law - lo Anti-Money Laundering*.

Konmsi sa paramet kot toultan sak fwa i annan en bann negosyasyon kot nou pou ganny oblize pou nou fer en keksoz ase sibstansyel, ou vwar poudir i annan en lot keksoz ki vin avek. En lot sirkonstans ki pe *go on* e ki pe fer nou al dan en direksyon.

Akoz annou regard sa Lagreman li menm. E mon

kennen *mover* Mosyon i dir in lir, in relir. Personnelman Mr Speaker, mon'n lir sa Lagreman plizyer fwa. Mon'n regard bann lartik otour li. Mon'n regard, si oule, en papye ki'n ganny ekrir e ti ganny prezante kot *UN* ki koz lo '*Universal Jurisdiction and Drug Trafficking*'.

E sa ti ganny ekrir par en – mwan mon kontan *acknowledge* bann *authors*. Sa enn i Anne Geraghty ki ti ekrir. E li i en *expert* dan sa domenn. E i ti pe kestyionnen lo ki mannyer nou aplik en ziridiksyon lo bann dimoun ki ganny trouve pe fer bann krim ki *transnational*. Bann *international drug traffickers*. *International Arms Traffickers*.

Now, nou Sesel nou ti'n deza etablir en Lagreman avek Linyon Eropeen atraver Loperasyon *ATALANTA* an sa ki konsern piratri. E byensir sa Lagreman ti pas dan Lasanble Nasyonal e ti annan en *joint motion* sa zour ki ti ganny *moved* par, *then Leader Lopozisyon e Leader Zafer Gouvernman*.

Me konteks sa 2 Mosyon ek sa enn ki la devan nou ozordi i vreman diferan. A sa moman nou ti annan bann *commitment* ki ti'n fini ganny - ki ganny definir klerman, atraver bann provizyon legal ki ti la.

E nou ti'n fer sa bann sanzman legal zisteman pou nou kapab enkorpor bann keksoz ki nou pe prezante pou fer.

Me safwasi nou pa ankor fer okenn remaniman bann provizyon legal. Ni menm konmans koz lo remaniman bann provizyon legal. E nou'n ganny dir ki an relasyon avek sa ki Nasyon-z Ini in prevwar otour *International Arms Trafficking*. Vwala EU pe demann sipor Sesel pou fer *legal finish* e enkarserasyon bann dimoun ki ganny tyonbo pe fer *International Arms Trafficking*.

Problenm i pa avek drog li. Get byen sa Lagreman ki devan zot e zot a realize poudir, problenm pa avek drog li. Problenm i avek EU. Se sa ki annan pou fer avek *International Arms Trafficking*.

E akoz? Rezon i senp Mr Speaker. Se akoz i annan en zwe zeopolitik ki pe passe an relasyon avek sa ki pe arive. EU i konnen poudir apard ki bann diferan fason ki in ferm Larisi pour li kapab ganny larzan, i osi enkli posibilité pour Larisi ki enn dan lepase in enn bann eksportater zarm, pou kapab fer okenn tranzaksyon zarm.

E *Eastern Europe* i landrwa kot en kantite zarm i

sorti pou pas atraver lemonn. E nou rezyon losean i enn bann rezyon kot sa i pase.

Prezan li i dir ek nou koumsa poudir; ok, ou ava vann ou Lalwa. Ou ava aret sa bann boug. Ou a met zot dan prizon dan ou pei. E apre si ou le fer zot return dan zot pei dapre Lagreman ki'n sinyen avek ou, ou a bezwen demann sa pei ki'n aret sa bann dimoun, permision pou fer sa bann dimoun return dan zot pei.

Selman i dir ou, ou ki pou annan *full ziridiksyon* lo sa ki pe pase. Be sa i *bizarre*. Ou arete, ou met kot mwan devan mon laport. Mon fer prosekit. Mon met dan kasos, mon met dan prizon. Alors, ler mon pe prosekit li anba mon Lalwa, eski pa i ganny proteze par menm Konstitisyon ki egziste? Eski pa i pou ganny drwa egal pou li ganny trete anba Lalwa byen?

Me sa ki pli enteresan, mover Mosyon i dir nou; son prop parol sa ozordi apre midi; "Prizon Marie Louise, pa appropriye pour Seselwa me i pou appropriye pour sa bann *International Arms Traffickers*".

Konmsi, ki mannyer sa i kapab fer sans? 2 imen – 2 imen pou ganny trete lo 2 diferan baz. Selman ou'n fini pran en commitment anba sa Lagreman

ki ou pou tret tou lede dimoun parey anba ou Lalwa. Mannyer i kapab fer sans sa?

En Prizon Marie Louise ki an mazorite *LDS* – e la permet mwan Mr Deputy Speaker, an 2017 ti annan ou menm ou Mr Deputy Speaker, Onorab Georges, Onorab Hoareau ki ti pran laparol pou eksplike ki mannyer *the cost of maintaining* en Prizon Marie Louise i tro o, e alors i devret fermen.

(Interruption)

HON SEBASTIEN PILLAY

E si nou regard dan Nasyon, an 2017 - Mr Speaker, an 2017, dan Nasyon, Prezidan larepublik Prezidan Faure ti bezwen donn en *commitment* lanasyon ki Prizon Marie Louise pou dezormen fermen.

Fast forward 2023, menm Gouvernman i war rezon pou nou re ouver Prizon Marie Louise. Sa ki enteresan Mr Speaker. E Onorab Hoareau pe demande kan ki i ti dir sa? Mon pou anmenn li lo la, la.

Pandan deba lo Bidze pour Departman Prizon, an 2017 – la *verbatim* la. Mon pou anvoy ou *verbatim*, pa per ou. *Ok?* E mon ti a kontan demann avek Onorab Herminie, Onorab Aglae, Onorab Gill e Onorab Lemiell pou servi koman

temwen. Bidze *Prison Authority* sa zour ti pres pou pa pase, akoz? En depans ki ti annan pou fer avek Prizon Marie Louise ki ti arriv apepre R600ekek mil. *Ok?*

Savedir sa ki enteresan pour mwan, eski mannyer sa Gouvernman i fer *volte-face*, i fer mars aryer lo en kantite keksoz ki'n ganny met devan li oparavan, zis pou li re vin dir ou pou dir, la i *ok* pou nou retourn Marie Louise. E *the cost* ozordi avek Marie Louise, i pou ankor parey. I pou ankor o. E pou probableman pli ser.

Me sa ki enteresan Mr Speaker – e la kot ler nou'n anmenn Minis, ki nou ti pe rode nou, nou ti pe rod sa sonm larzan lo *recurrent budget* ki Linyon Eropeen i sipoze kontribye pou fer nou *manage* Prizon Marie Louise.

E ki Minis in lir nou? Minis in lir nou en provizyon ki dir pou dir *EU* i donn nou langazman ki pou donn nou larzan pou fer; *detention, incarceration, maintenance, investigation, prosecution*. Mon ti a kontan konnen konbyen larzan *EU* i le donn nou?

Minis in dir nou *EU* in donn 1.5 milyon pour le moman. €1.5 milyon pour le moman. €600 mil in al ver *refurbishment of Prizon Marie*

Louise. Pour bann dimoun ki ti'n vizit Marie Louise e son prizon, nou ti ava realize poudir problemm ek sa bann *cell in the first place* ki ti ganny dekouver sete sa bann *cell* ti tro sere.

E la i enteresan la. Tou sa bann lazans nasyonal ki ti monte desann Marie Louise pou al war poudir prizon pa *humane*, zot tou zot trankil la. Sesel koumsa nou ete la. Nou tou nou trankil.

Zis parey Anse à la Mouche, ler *US* ti pou fer proze, manman, pa ti konnen ki pou fer avek protestasyon. Ozordi i apel zot mous, sepa kisia. Zot tou zot trankil. Sa nou sa. Ler *US* ti la pe fer, manman tou, tou, tou tapaz! Ler in ariv ler pou soz, tou dimoun i trankil.

E mwan sa ki mon war i drol Mr Speaker ankor, ler nou demann Minis pou donn nou en *commitment* lo kwa egzakteman ki pe arrive. Minis i dir nou; *anytime* dan 6 mwan si nou le termin sa Lagreman, nou termin sa Lagreman.

Mr Speaker, Minis Ferrari ti eksplike lo televizyon ki mannyer i difisil ler ou pe *deal* ek *EU* akoz ou pe *deal* avek diferan nivo. Be tou Lagreman ek *EU*i parey akoz ou pa pe *deal* ek en pei. Ou pe *deal* avek tou sa pei ki *form* par *EU*. I pa en

Lagreman Bilateral. I en Lagreman Miltilateral.

Set alor ki mon pa war rezon ki mannyer Minis pou dir ek nou dan 6 mwan en sel kou nou pou ferm sa Lagreman. I pa pou mars koumsa. E nou bezwen adres sa. Akoz nou bezwen adres sa Mr Speaker?

I dir nou koumsa Atorni Zeneral pou annan 10 zour. 10 zour selman nou pe koz zarm ki'n ganny war dan miray. Toulezour nou tann en kalite versyon.

MR DEPUTY SPEAKER

1 minit Onorab.

HON SEBASTIEN PILLAY

Mersi Mr Speaker. Konmsi sa nou pa kapab lager Atorni Zeneral pou ganny 10 zour? Eski nou realize? Akoz sa la, rezon *EU* i le konmans deswit la, se akoz in fini pare li. Manke nou fini pas sa dan 1 mwan, dimoun pe ganny arete pou al ganny anvoye Marie Louise. In fini ek ou li.

Sa mon problem. Konmsi nou ler nou ganny dir en keksoz par *EU*, nou bezwen dir; *yes, Master*. Si i dir nou *jump*, nou dir; *how high?* Be sa in fini sa letan sa. Seselwa in ganny son lidantite depi 1977, pa vre?

(Interruption)

(APPLAUSE)

HON SEBASTIEN PILLAY

Pa ankoler. Pa ankoler. Nou ava al *Bihar* ansanm. Nou al *Bihar*. An konklizyon Mr Speaker - an konklizyon; Mr Speaker nou, nou napa problemm avek prensip sa Lagreman. Nou napa problemm ek prensip sa Lagreman.

Mon le reasir Onorab Georges poudir nou lentansyon ozordi i bann tre bon lentansyon. Me sa ki nou annan problemm avek se lafason ki *EU* pe propoz fer serten keksoz ki nou, nou pa konfortab avek.

Nou pa konfortab avek risk potansyel ler ou pe pran bann dimoun, *let alone* bann dimoun ki fer trafik drog dan sa rezyon. Ou pa pou tyonbo sa trafiker. Ou pou al tyonbo sa dimoun ki pe anmenn sa bato.

Be la ou pe al *deal* avek bann dimoun ki fer *arms trafficking* ki annan potansyel. Nou pe fer gran, gran *resort* lo nou bann lotel dan nou bann zil elwannyen. Byento *IDC* pou al fer enn lo Asonpsyon. Byento pou annan enn partou. Be la taler zot a dir mwan poudir pou annan en Baz Militer pou al ganny fer *somewhere* pou protez sa bann zil.

I poz en risk. I poz en danze reel. E dan *Philippines*, dan bann lezot pei dan Lazi in arive kot bann *organized crimes group* in pran bann dimoun dan lotel otaz. I *pa far-fetched* sa ki Onorab Herminie ti pe dir. I korek sa.

So nou bezwen konpran ki poudir i annan en danze reel pour nou pei ler nou pe al dan sa Lagreman. So ler nou pe fer sa, nou bezwen konnen egzakteman ki Linyon Eropeen i annan plan pou donn nou.

Dezyenmman lo en pwennvi resours. Ok? Deza Mr Speaker, Komisyoner Prizon in admet ki zot ganny problemm pou *manage* bann prizonnyen ki annan bann maladi kronik dan prizon. E nou konnen i annan dimoun ki'n malad, i lopital. E probableman i annan dimoun in perdi lavi.

Be ki mannyer ou pou al *manage* en bann prizonnyen *high profile* lo en zil elwannyen? E ki danze potansyel sa i kapab poze lo en pwennvi repitasyon pour Sesel, si zanmen i arriv en keksoz ek sa bann dimoun?

So, sa osi nou bezwen fer sir poudir nou kapab annan en lasirans ki keksoz i kapab ganny fer dan en fason ki pou satisfer nou pei. Nou pa ti pou kont sa Lagreman. Me si *EU* ti'n kapab donn nou en pe plis re

asirans atraver sa Lagreman. E osi met en *commitment*.

E la en *commitment* ki mon ti ava ekspekte Mr Speaker ki pou dir ki; *The European Union makes a commitment to contribute to the recurrent budget for the management of the Marie Louise Detention Centre and prosecution and detention of individuals* ki ganny atrape atraver sa loperasyon.

Then mon ti ava war poudir commitment EU ti straightforward. I ti kapab ganny tangibly dealt with.

MR DEPUTY SPEAKER

Ou ava...

HON SEBASTIEN PILLAY

Ou'n dir mwan 1 minit Mr Speaker. Mon pe fer. Mon pe fini.

MR DEPUTY SPEAKER

Wi ou a *wrap up* akoz ou pe abiz letan pour...

HON SEBASTIEN PILLAY

Non, Mr Speaker i pa mon lentansyon pou abiz letan.

MR DEPUTY SPEAKER

20 minit. 20 minit.

HON SEBASTIEN PILLAY

Ok, mon ava – mon ava aret la.

MR DEPUTY SPEAKER

Ou ti konmans koz 17, la pe ariv 37.

HON SEBASTIEN PILLAY

Sa ki mon ava dir Mr Speaker, se ki mon *reiterate* ki nou napa problem annan en Lagreman avek EU ki pou *reinforce* nou kapasite pour nou *deal* avek trafik drog, *deal* avek trafik zarm.

Be nou annan en *issue* ler sa Lagreman i kapab poz en danze reel pour repitasyon e pour nou sitwayen. E kot nou santi poudir i annan bann kou ki nou pa kapab prevwar, ki kapab antre, ki pa'n ganny met dan sa Lagreman.

Si nou ti kapab ganny sa bann lasirans Mr Speaker, demen nou ti pou *vote* pour sa Lagreman. Me malerezman *as it stands* i pa ladan. I *raise* serten konsern. E mon ti a kontan *move* en Mosyon atraver son *Right of Reply*, si i kapab montre nou kote EU in donn sa bann *commitment* Gouvernman. Nou ti ava apresye pou nou konnen. Mersi Mr Speaker.

(APPLAUSE)

MR DEPUTY SPEAKER

Mersi Onorab. Dernyen entervenan avan ki nou donn *Right of Reply* Onorab Georges, se Onorab Monthy.

HON PHILIP MONTHY

Mersi Mr Speaker. Zis avan - mon pa pou long Mr Speaker, me selman zis avan mon konmanse, mon anvi atraver ou rapel Onorab Pillay ki Prezidan Ramkalawan dan son kapasite konman *Leader Lopozisyon* pa ti dan en pozisyon pou vann Asonpsyon ler i ti al dan Lenn.

Me par kont se Prezidan Faure ki ti al zwe sitar e fer danse Prezidan Modi.

(laughter)

HON PHILIP MONTHY

Mon krwar i ti sitan kontan ki negosyasyon ti'n al byen, ti pran sitar ti krak en pti sanson. So, pa zet sa lo Prezidan Ramkalawan silvouple!

(laughter)

HON PHILIP MONTHY

Mersi Mr Speaker. Lagreman ki la devan nou ozordi ant Linyon Eropeen avek Sesel ti antre anfors le 3 Out 2023. E i pe tou senpleman fer provizyon pou kontiny travay ki sa Loperasyon Militer Maritim par Lafors Linyon Eropeen dan Was

Losean Endyen e dan Lanmer Rouz, ki nou konnen konman Loperasyon ATALANTA, i annan serten kontinite.

Sa loperasyon Mr Speaker ti ganny kree an 2008 par en Konsey Linyon Eropeen inisyalman pou konbat kont bann *act piratri*, e bann vol arme lo lakot Somali. En menas ki parey nou konnen in pandan serten letan, poz en vre danze pour plizyer pei larezyon e larout komers maritim dan sa parti lanmer.

E nou konnen ki sikse sa in anmennen. Pandan ki sa menas piratri in ganny met anba kontrol, preski dan son totalite mon kapab dir akoz i annan en pe letan nou pa pe tro tann koz lo pirat Somalyen.

An menm tan in annan en nesesite pou ki manda sa lafors i ganny elarzi, pou konbat kont trafik drog ilegal e trafik zarm. Anba sa Lagreman Mr Speaker, Linyon Eropeen pe tou senpleman donn sa lafors an operasyon en manda an plis.

E sa se pou ede enplimant sa *L'embargo* kont trafik zarm lo lakot Somali ki enn bann rezolisyon Nasyon-z Ini. E nou konman en Manm sa lorganizasyon, nou annan en lobligasyon pou ratifye sa Konvansyon.

Trafik zarm e drog Mr Speaker, i en menas ki pe deplizanpli ogmante. Dan sa rezyon Was Losean Endyen dan Arabian Sea e dan Gulf.

E anba sa Gouvernman LDS nou'n kapab temwanny lakantite la sezisman e arrestasyon ki'n ganny fer pandan sa dernyen 3an, pou anpese ki sa bann pwazon i arriv lo nou later, pou detri en lot zenerasyon nou popilasyon.

E Onorab Cosgrow in koz lo bann risk ek kou ki Sesel pe angaz li ladan an ratifyan sa Konvansyon.

Mr Speaker, mwan ler mon get sa sityasyon drog isi Sesel konmela, mon pou dir ki napa okenn risk, napa okenn kou ki pa zistifye pou nou lager kont sa menas, ler nou get ki leta nou zenerasyon in arriv ladan. Konbyen zenerasyon ki'n perdi? E sa, se sa Gouvernman avan ki'n kit sa avek nou.

(Interruption)

HON PHILIP MONTHY

Zot ki'n kit sa ek nou. E nou, nou la nou pou fer sir ki napa en lot zenerasyon ki ganny afekte. E atraver ratifyan sa Konvansyon, nou pe *empower* nou lekor. Nou pe ganny plis sipor, plis led pou anpese ki sa i arrive.

Sa Lagreman pe donk fer provizyon pou ki sa menm sikse ki'n annan anba Loperasyon ATALANTA kont piratri i osi ganny repete dan sa lalit kont drog danzere.

E atraver sa Lagreman Mr Speaker, sa travay ki ou Gouvernman dizour pe anmennen kont drog ilegal pou ganny sipor Linyon Eropeen, ki a possibleman ede redwir lakantite drog danzere ki pe antre dan pei, par vwa maritim. E donk byensir fer desann lakantite drog danzere ki an sirkilasyon dan pei.

Avan Mr Speaker, dan labsans en kad legal, ler bann tel entervansyon ti ganny fer par en pei Manm Linyon Eropeen, sa bann drog ti zis ganny detri e bann trafiker ti ganny eskorte an deor nou EEZ e large.

E ti lib pou retourne dan zot pei. E ki nou'n war? Se sa bann menm dimoun i returnnen ankor apre pou re angaz zot dan sa bann aktivite ilegal.

E kot nou'n war osi bann Manm Lopozisyon la dan sa Lasanble pe kestyonn serten loperasyon drog ki ti ganny detrir, ki dapre zot sa ti zis en bann mansonz ki Gouvernman pe rakonte. Ler ti annan sepa konbyen *kilo* eroin, *hard drugs*

ki ti ganny koule, zot ti dir pa vre. Anmennen montre nou levidans.

La an ratifyan sa Konvansyon la, nou ava anmennen sa bann drog ki ganny sezi lo lanmer pou montre zot. *Ok?* Akoz i pa pou zis ganny koule e sa bann trafikan ganny large, ganny lese ale.

Parey mon fek dir Mr Speaker, sa bann trafiker prezan ler zot a ganny entervenir entersepte par Manm Linyon Eropeen ki pe *operate* dan Losean Endyen, zot a kapab legalman ganny transfer avek Lotorite lokal isi pou fer fas avek lazistis.

E byensir Mr Speaker, avek nou resours limite, nou pa pou kapab antreprann en tel demars san lasistans Linyon Eropeen. E alors sa Lagreman pou fer ki Linyon Eropeen pou asiste Sesel avek resours imen, resours finansyel, pou ki sa bann endividé i kapab ganny detenir. Pas atraver en prose legal.

E parey in ganny dir taler, Atorni Zeneral i ava fer - a deside lekel ki pou ganny prosekite ou pa. E ganny enkarsere isi Sesel dan en facilite, ki a ganny finanse par Linyon Eropeen. Bann kondisyon in osi ganny etablir

pou fer retournen sa bann endividé dan zot prop pei. E tou bann *cost*, tou bann kou i pou gannyen *bear* par Linyon Eropeen. Pa par Sesel.

Mr Speaker, annan plizyer lezot benefis en tel Lagreman. Akoz ler mwan - nou'n enterakte konman en Manm IAC avek reprezantan Lotorite Prizon e reprezantan sorti kot *Foreign Affairs*, se sa ki mon'n ganny dir;

En sonm €1.5 milion i disponib, e ki sa i pa en sonm final. Sa i en konmansman. E ki Sesel i kapab benefisyé avek plis lasistans finansyel e lenfrastiktir, osi lontan ki nou angaz nou dan bann negosyasyon avek zot.

Mr Speaker, mon pa sir ki bann profesyonnel Seselwa ki'n enplike dan sa bann negosyasyon, pou pe vin devan sa Lasanble, pou demann nou siper pour en Lagreman ki pou met Sesel a en dezavantaz.

Ler mon'n ekout bann Manm Onorab lo lot kote latab koze, zot in rod tou sa keksoz negativ pou koz lo la. *Ok?*

Mwan mon pe war li dan sa laliny koumsa; Nou en pti pei. Nou annan resours limite. Parey Onorab Georges in fer sorti taler, nou enn bann pei ki annan en pli gran teritwar maritim. E lo nou menm nou pa

pou kapab *police* sa landrwa nou tousel.

E lamazorite drog ki antre dan pei, trafik zarm; mon rapel Bato Malo ki apre zarm ti ganny vann - Gouvernman avan ti vann avek *Rwanda*. I pas atraver lavwa maritim, atraver nou *EEZ*. E donk okenn led siplemanter ki mon santi nou pe gannyen, nou bezwen tyonbo li 2 lanmen e dir mersi.

E mon pa konnen akoz sitan negativite san war bon kote sa Konvansyon, nou tou kou tant pou al zis dan en sertern direksyon, Mr Speaker. Be selman nou konnen poudir sa i lapros ki zot in adopte. E evidaman zot pou kontinyen dan sa menm laliny, avek tou Lagreman ki pou vin la devan nou dan sa Lasamble.

E mwan Mr Speaker, mon'n koz lo sa bann profesyonnel ki'n asize ki'n diskrit sa Konvansyon avek reprezantan *EU*, ki'n vin devan *IAC* ki'n prezant sa avek nou. Mwan mon fer zot konfyans. Nou'n demann plizyer kestyon ki'n ganny reponn.

Nou'n ganny en rapor par nou Sekreteur *IAC* ki byen detaye avek sa bann lenformasyon ki'n mete ladan. E mwan ler mon'n lir sa rapor mon'n pas lo la, mon napa gran lenkyetid. Akoz mon vwar poudir pei pe angaz li

dan en Lagreman, ki i pou benefisyé pour nou. I pou benefisyé nou e i pa pou en dezavantaz.

E pou montre konfyans dan abilite sa bann profesyonnel. E an prenan kont osi nou vilnerabilite kot nou bezwen lasistans parey mon'n dir, pou sofgard nou zentere ekonomik. Parey nou konnen nou annan en lespas maritim ki mon fek dir ki i *vast*, ki nou pou bezwen led.

Pour mwan okenn led siplemanter i *welcome*. Avek sa Mr Speaker, mon pou aport mon sipor pour sa Mosyon ki pe demann Lasamble pou ratifye sa Konvansyon, akoz ozordi konman en *Leader*, mon pa anvi ki anba nou *watch* i annan en zenerasyon ankor ki pe monte, ki perdi dan eroin.

E la kommela nou pe tann koz *coca*, *hard drugs*. Akoz avek sa pti popilasyon ki nou annan, si nou pa fer naryen la, listwar pou ziz nou konman sa bann *Leaders* ki ti la, ki ti annan loportinite pou fer en keksoz, me ti prefere pa fer naryen. Mersi Mr Speaker.

MR DEPUTY SPEAKER

Mersi. Mersi Onorab Monthy. I ti dernyen entervenan ki ti'n eksprim son lentansyon pou koze lo sa Mosyon. Alor le

moman in arive pou donn loter Mosyon drwa repons. Onorab Georges?

HON BERNARD GEORGES

Mersi Mr Speaker. Mr Speaker, mon ti a kontan o konmansman remersye tou bann Manm ki'n pran laparol apre midi. Sirtou bann Manm ki - bann Manm IAC ki'n etidye sa Lesanz Let, sa *Agreement* ki devan nou apre midi.

E ki'n kapab dan en fason lozik e entelizan, eksplik avek nou Lasanble, avek piblik ki pe ekout nou egzakteman kisia ki dan sa *Agreement*. E akoz ki i dan lentere Sesel pou antre dan sa Lesanz Let.

Mon ti a kontan osi profit sa lokazyon pou felisit bann Manm Lopozisyon ki pa'n pran laparol apre midi. Akoz zot in demontre en gran lentelizans ki malerezman sa bann ki'n pran laparol, pa'n kapab arive demontre.

Mr Speaker, si mon - taler mon ti dir, mon ti envit Lopozisyon zwenn nou pou pas sa Mosyon apre midi, akoz i dan lentere Sesel. Mon'n realize par sa 3 dimoun ki'n koze, ki mon pe perdi mon letan. Alor Mr Speaker, mon anvi fer kler la apre midi, mon pe *withdraw* mon lenvitasyon. Lo sa kote

nou, nou a fer nou *Agreement* pas nou tousel.

(APPLAUSE)

HON BERNARD GEORGES

Zot, zot pa enterese. Sa se zot problem. Nou annan sifizaman *vote* lo sa kote latab. E nou, nou pou al ratifye nou Konvansyon ki zot, zot kontan ou non.

Mr Speaker, i annan 4 largiman prensipal ki'n ganny souleve la apre midi. Premyerman ki; akfer nou bezwen pran sa bann dimoun ki pou ganny arete, akoz *La France* i annan en zil ki apel *Glorieuses*.

Dezyenmman, Prizon Marie Louise pa ti bon pour Seselwa, alor akfer i pou bon pour etranze? E *in any event*, kisia ki'n sanze pou fer li bon la ozordi?

Trwazyenmman, Linyon Eropeen pe protez son prop lentere e i pa pe protez okenn lentere Sesel.

E katriyenmman, i pa'n mete dan sa Konvansyon, dan sa *Agreement*, ki larzan spesifik ki Linyon Eropeen pou donn Sesel atraver sa *Agreement*.

Sa se zot 4 largiman la apre midi. Avek ou permision, les mwan reponn zot enn par enn.

La France i annan Glorieuses. Of course, La France i annan Glorieuses. Me Portugal, i annan en teritwar dan Losean Endyen li? Pourtan i en Manm EU. La Hongrie, i annan en teritwar dan Losean Endyen li? Pourtan i en Manm EU. La Hollande, Roumanie, Slovénie? Tou sa bann pei eski zot annan en teritwar dan Losean Endyen zot?

Ou war Mr Speaker, annan de fwa mon demann mon lekor, avek tou respe ki mon annan pour tou dimoun ki viv lo sa *planet* later. Annan de fwa mon demann mon lekor, kote serten dimoun ti ete ler Bondye ti pe partaz lespri?

(laughter)

HON BERNARD GEORGES

E mon fer sa an tout imilite, akoz mon pa pe dir ki mwan mon annan plis lespri ki lezot. Non. Mon pe demann mon lekor, ki mannyer serten dimoun i reflesir dan bann largiman ki zot anmenn devan nou.

Dezyenm pwen, dan sa *Agreement* i pa dir ki kantite larzan EU pou donn Sesel. Me dan ki *Agreement* – dan ki *Agreement* Enternasyonal ki dir egzakteman ki larzan ou pou gannyen? Donn mwan en

legzant? Donn mwan en legzant? Dan sa Lasamble i annan dimoun ki'n asiz dan *Cabinet of Ministers* dan lepase. Donn mwan en legzant, Mr Speaker?

Eski-eski Konvansyon UNESCO i dir konbyen larzan Sesel pou gannyen? Eski WHO i dir konbyen larzan Sesel pou gannyen? Bann *Agreement* parey sa enn, i dir ou ki ou pou ganny larzan. Me ki mannyer – ki mannyer en *Agreement* koumsa i kapab dir ou konbyen larzan ou pou gannyen, si ou pa konnen konbyen dimoun ki zot pou arete, ki zot pou met lo ou teritwar?

Ou war Mr Speaker? Ki mannyer ki en dimoun ki annan en lespri, i kapab fer en largiman koumsa, e met sa devan nou pour nou kapab swiv son largiman?

Nou ganny dir – nou ganny dir ki Linyon Eropeen pe regard son prop lentere. Me obviously i pe regard son prop lentere Mr Speaker.

Ler Linyon Eropeen – ler Linyon Eropeen i fer en *railway* pou sorti *Dar es Salaam* pou al *Zombie*, eski dapre ou i pe fer sa dan lentere *Tanzanie* ou byen *Zombie*? Oubyen i pe fer sa dan son prop lentere pou li kapab tir kwiv *La Zombie* pou li anmenn Lasin?

Ler *Ephelia* – ler *Constance Ephelia* i fer en lotel isi? I pe fer sa dan lentere Sesel oubyen i pe fer sa dan son prop lentere? Ou war Mr Speaker? Ler *Tracking Station* ti isi Sesel. Ti pe fer sa dan lentere Sesel oubyen zot ti pe fer sa dan lentere zot programm pou met zom lo lalin?

Be sa ki arive. Ler en dimoun i fer en keksoz dan son lentere, en lot dimoun i benefisy. Ler *Constance Ephelia* i fer en lotel, nou benefisy akoz nou annan dimoun ki al travay laba. Nou vann legitim avek zot. Nou ganny tax.

(laughter)

HON BERNARD GEORGES

Mr Speaker, mon pa arive – mon pa arive konpran lozik serten largiman ki ganny met devan nou. Mon a donn ou en lot legzanp, Marie Louise. Nou'n fer sa deba ki annan pou fer avek en *Agreement* ant Linyon Eropeen ek Sesel. Nou'n fer li vin en deba lo Marie Louise. Akoz ki Onorab Georges ti krwar ki Marie Louise pa ase bon pour en prizon pour Sesel, e ozordi ki sa ki'n sanze?

Mon a eksplik zot ki sa ki'n sanze Mr Speaker.

Premyerman, wi nou tou – nou tou, *including* bann dimoun ki asiz lo lot kote latab, ti kler ki Prizon Marie Louise pa ti en prizon kot Seselwa i devret ganny mete. E mwan menm mwan mon ti dir. E mwan menm mwan mon ti dir apre midi la.

Akoz-akoz bann dimoun i laba e zot pa kapab ganny konneksyon avek zot fanmir parey – parey *Mandela Regulations*, eksatera i dir ou bezwen annan ler ou dan en prizon. Sa ki'n sanze. Sa bann dimoun ki pe vin isi, zot fanmir pa pe vin vizit zot Mr Speaker.

(*Interruption*)

HON BERNARD GEORGES

E si zot fanmir ti pou vin vizit zot, zot ti bezwen sorti Somali oubyen *Kazakhstan*, oubyen *whatever* pou vin isi Mahe. Oubyen al *Glorieuses*. Nou pa pe anvoy sa bann dimoun dan prizon kot zot. Nou pe met sa bann dimoun dan prizon isi.

E dezyenmman, dezyenm rezon ki sa ki'n sanze se ki; ler Gouvernman Lepep ti met en Prizon Marie Louise, se *taxpayer* Seselwa ki ti pe peye pour sa prizon.

Ozordi se pa Seselwa ki pe peye. Se Linyon Eropeen ki pou peye pour sa prizon. La, la sa 2

keksoz ki'n sanze Mr Speaker. E zot konn tre byen zot, akoz zot in ekout mwan zot in tandem. Me zot pe zwe pa konpran. E lekel sa bann *high net worth* – lekel sa bann *high net worth* dimoun ki pou prizon, ki bann teroris pou vin sey sov zot?

Annou regard byen sa ki sa *Agreement* i dir, akoz malgre ki en bann in dir ki zot in lir plizyer fwa, mwan mon pa krwar. *In fact* mon konvenki ki zot pa'n lir. Akoz si – si nou al dan *clause (d)* – dan *clause (d)* dan bann *recitals*, la, la sa ki nou pou vvar;

Nou pou vvar premyerman, sa *Agreement* i permet bann bato “*vessels bound from Somalia which they have reasonable grounds to believe they are carrying weapons or military equipment to Somalia*”. Se bann bato ki pou ganny entersepte.

Dezyenmman, se bann dimoun – si nou regard (e); “*persons arrested and detained under its national law for participating in violations of the UN Embargo or in narcotic drugs.*” Se bann dimoun ki pe fer trafik lo bato.

E trwazyenmman, si zot al lo *Clause 1* sa *Agreement*. Sa bann *traffickers* ki ganny arete “*in the exclusive economic zone, territorial sea or archipelagic*

waters and internal waters of the Republic of Seychelles”.

Se bann dimoun ki lo bato ki pe fer trafik prensipalman – ki pe fer trafik dan nou delo, ki pe ganny entersepte e arete ki pou ganny anmennen isi Sesel e zize. Dir mwan ki sa ki mal avek sa Mr Speaker?

Dir mwan ki sa ki mal, ki en dimoun i aret en trafikan drog oubyen zarm dan nou delo territoryal. E ki nou, nou ziz li e nou met li dan prizon isi. Dir mwan ki sa ki mal avek sa? Zot pa'n konpran. Zot pa'n konpran – zot pa'n konpran en keksoz ki annan ladan Mr Speaker! Akoz ou konnen kwa?

(*Interruption*)

HON BERNARD GEORGES

Zot pa'n lir. Zot pa'n lir. Se pour sa rezon ki zot in demann Minis vin isi ozordi pour zot demann kestyon. Akoz Mr Speaker, les mwan dir kler. Non selman ki Lopozisyon, sa bann ki'n koze, napa lespri. Me zot pares an plis ki sa. Zot pa ni kapab lir en dokiman 4 paz.

(*Interruption*)

HON BERNARD GEORGES

Akoz si zot ti'n lir sa dokiman 4 paz, napa enn sa bann kestyon ki zot in demande ki zot ti pou

demande. E napa enn sa bann largiman ki zot in fer ki zot ti pou fer. Alor mon bann zanmi, les mwan dir zot en dernyen – en dernyen rezon akoz ki zot pa'n lir sa.

Onorab Pillay – Onorab Pillay i demande ki kantite – akoz ki bann Lalwa pa ankor ganny sanze? Akoz ki bann Lalwa pa ankor ganny sanze pou met sa an aplikasyon? Mon annan en repons pour li. *Maritime Zones Act Seksyon 30.* Pa bezwen sanz okenn Lalwa.

Akoz *Maritime Zones Act Seksyon 30 - Maritime Zones Act Seksyon 30.* E Onorab Pillay pa'n fer okenn referans lo la.

(Interruption)

HON BERNARD GEORGES

Maritime Zones Act Seksyon 30 i dir ki Prezidan by order in the Gazette, i kapab extend Lalwa Sesel to the end of our Exclusive Economic Zone.

(Interruption)

HON BERNARD GEORGES

Onorab Pillay i kapab reste trankil silvouple? Ler in koze mon pa'n – ler in koze mon pa'n dir naryen.

(Interruption)

HON BERNARD GEORGES

La zis akoz mon pe reponn li - la zis akoz mon pe reponn li, i bezwen koze. Onorab Pillay, Mr Speaker, i bezwen aprann en keksoz. Pa zis li ki annan en labous ki kapab koze dan sa Lasanble. Lezot osi i kapab fer.

(APPLAUSE)

HON BERNARD GEORGES

E i bezwen konpran en dezyenm keksoz. I napa drwa koz lo tou keksoz, toultan parey i anvi fer. Akoz sa, nou lo sa kote latab, nou pou aret li fer.

Alor Mr Speaker, koz later Sesel mannyer zot anvi. Les mwan an konklizyon dir avek bann Manm dan Lopozisyon; mon *sorry* pour pozisyon ki sa 3 ki'n koze – 3 zot Manm ki'n koze in pran apre midi, akoz i pe *let zot down.* I pe *let zot* bann Manm *down.* I pe *let zot parti down.* E i pe *let Sesel down.*

Alor, vey nou ler nou pe vote la. Vey nou ler nou pe vote la, avek en kantite *pride*, nou pou *vote* an faver sa Mosyon. Nou pou pas – nou pou ratifye sa *Agreement.*

E nou pou dir avek nou Gouvernman, pa ekout bann dimoun ki pa pe siport ou. Ekout bann ki pe siport ou. Bouz devan e fer bann keksoz ki

enportan e dan lentre Sesel.
Mersi Mr Speaker.

(APPLAUSE)

MR DEPUTY SPEAKER

Le moman in arive pou pran en *vote* lo Mosyon ki'n table par *Leader of Government Business*, Onorab Bernard Georges. Mon ava demann tou bann dimoun ki an faver sa Mosyon, pou endike silvouple? Mersi. Okenn dimoun ki kont? Mersi.

Donk, *vote* lo Mosyon ki devan nou, mon ava zis relir Mosyon;

"In accordance with Article 64(4) of the Constitution, this Assembly resolves to ratify an Agreement in the Form of an Exchange of Letters between the Republic of Seychelles and the European Union to Facilitate the Transfer by a Member State of the European Union of Persons Arrested and Detained under its National Law of Participating, Off the Coast of Somalia, in Violation of the United Nations Arms Embargo on Somalia or in Narcotic Drugs Trafficking, signed by Seychelles on 3rd August 2023."

Nou annan 17 *vote* an faver. Okenn Manm pa'n *vote* kont e 9 Manm in absténir. Donk sa Mosyon in pase.

(APPLAUSE)

MR DEPUTY SPEAKER

Nou pe apros lafen nou travay pour ozordi. E kekfwa mon ava zis met a latansyon *IAC* pou zot kouver zot bann *meeting* ennler avek tou Manm Lasanble. Parey *Bills Committee* i fer ki i envit - so ki letan i annan bann - pa tou, me par egzanp en Konvansyon ki pe vini, pou ed bann Manm dan zot preparasyon.

So la mon pe demann *IAC* pou fer sa ki i ava annan lenvitasyon pour tou bann Manm. Donk mon swete ki zot *take up* sa. *Vice Chair* i la akoz *Chair* an se moman i dan Konferans *IPU*.

Avan nou ale i annan zis en dernyen *item*. Nou bezwen fer en *First Reading* akoz *Appropriation Bill 2024*. Mon pe regarde la devan mwan. *Bill No. 21 of 2023* in Gazete. E ki Diskour Bidze pour le 3 Novanm. Donk si nou fer nou *First Reading* ozordi i pou tonm nou dan nou kad 7 zour. Nou pa pou bezwen sispann *Standing Orders* Mardi pou fer sa. Donk mon ti ava demann Madanm Deputy pou fer *First Reading* silvouple.

MADAM DEPUTY CLERK

Mersi Mr Speaker.

*This Act may be cited as
the Appropriation Act, 2024.*

MR DEPUTY SPEAKER

Mersi Madanm Deputy. E pour lenformasyon piblik, zot al lo *gazette.sc* zot ava vvar sa *Bill* e bann alokasyon bidzeter pour bann diferan *MDAs* pour lannen 2024. Mon konnen en size ki enteres tou dimoun.

Donk nou'n arriv a lafen nou sesyon travay pour ozordi. Mersi bokou pour tou zefor ki zot in mete. Nou pou rezwenn Mardi. E semenn prosenn nou pe travay 2 zour. Nou pe travay Mardi akoz Merkredi i en konze piblik. Apre nou pou travay Vandredi pour Diskour Bidze. Donk, mersi bokou e bonn rantre dan lakour.

(ADJOURNMENT)